

XANA NDZI TA ENDLA YINI HI YESU LA VURIWAKA KRESTE-KE?

 Hosi a yi ku katekisi, Makwerhu Vayle. Avuxeni, vanghana. [Nhlengeletano yi ku, "Avuxeni, Makwerhu Branham."—Muhleri.] Ndzo tshama ndzi letile. Billy a ri eku ndzi byelemi leswaku a ndzi ri na, mixo lowu, nakona ndzi na kwalomu ka makume nharhu wa minkonaniso ya le xihundleni, nakona ndzi vile na yimbirhi ya yona, swingaleswi, ndzi pfumela leswaku i yimbirhi kumbe yinharhu. Swingaleswi ntsena ndzi nga ka ndzi nga swikoti ku fikelela mani na mani, ma swi tiva, nakona vanhu va va varindzerile, nakona va rindzerile va ri eka nxaxamelo wa tin'hweti na tin'hweti. Nakona Hosi a yi ri eku endleni ka swin'wana swa kahle kwalahaya. Oho, hi Yona—Yona Xikwembu xa hina. A hi Yona xana? ["Amen."]

² Sweswi ndzi na ntiyiso, mixo lowu, leswaku hinkwerhu ha ri tiva gome leri ri nga humeleta eka tiko leri, ra ku va ri lahlekeriwele hi President wa hina, Nkul. Kennedy. Hambileswi a ndzi nga yimi na yena wanuna eka tipolotiki nale ka vukhongeri bya yena, kambe hambiswiritano a nga fanelanga ku fa hi ndlela yaleyo. Ee. Ni ku siya vana lavaya vantsongo, nakona va ri hava papa. Nakona manana loyi... Manana Kennedy, ni loko ndzi nga yimi na yena, na tindlela ta yena na swin'wana, kumbexani, kambe, tsundzukani, u manana. Ntsena u lahlekeriwile hi vana va yena, a tlhela a lahlekeriwa hi nuna wa yena. Nakona u wele emindzhumbhini ya yena, nakona ngati leyi yi nga ya nuna wa yena yi huma yi n'wi chululekela emindzhumbhini ya yena. Sweswo swa chavisa.

³ Mi kale mi swi ehleketa...Nkarhi wun'wana hi ehleketa leswaku u rhangela tiko, hi switayele na swin'wana. Sweswo swi nga ha va swona, na swona. Kambe xana a mi swi tiva, Manana Kennedy a nga kalanga a yingisela na rin'we ra Mahungu lawa ndzi nga ya chumayela ha sweswo? Loko a lo twa rin'we ra Hungu ya wona, a ta endla ku hambana. Nakona van'wana va vasesi va hina lava va nga ri twa, nakona hambiswiritano va nga ka va nga ri kondzeleli. Wa vona? Wa vona? Wa vona? U kurisiwe a ri Mukhatholiki; hi swona hinkwaswo a swi tivaka. Ku hava lexi xi lwisanaka na sweswo, wa vona. Wansati... Yalawa yo va mafambiselo. Ku hava leswi swi lwisanaka na vanhu, vanhu va Khatholiki. Sweswo kova mafambiselo, mafambiselo ya Khatholiki, ntsena tanahi Presbyterian, Methodist, kumbe yin'wana na yin'wana ya tona, wa vona, kumbe Pentekostal, yin'wana na yin'wana ya tona. Kova mafambiselo, ku nga ri vanhu.

⁴ Nkul. Kennedy, ndza ehleketa, u endlile ntirho wa kahle wa—wa ku va President. Mbilu ya mina yi ya eka nsati wa yena. Nakona ndzi twa ku vava ngopfu ha swona, leswaku hambi ku ri tiko leri ri nga ra hina ri ta swi endla, swigevenga na swin'wana eka tiko ra hina, swi nga endla swo kotisa sweswo.

⁵ Loko u nga kanetani na yena munhu, hi swona, kutani tiyimeli wena; nakona a ku na xivangelo xo dlaya munhu un'wana, ntsena hikokwalaho ka swilo swo kotisa sweswo. Na vona vana lavantsongo va switiva, va ku, nakulorhi un'wana lontsongo u te, “Ndza ha ri hava munhu loyi a nga tlangaka ha mina nakambe. Papa u fambile.” Wa vona?

Swingaleswi minkarhi hinkwayo a ndzi ehleketa leswaku xexo xi ta va xiyimo xa mina, siku rin'wana. Swi humeleta minkarhi yo tala, tanahi laha mi swi tivaka, ku va u duvuriwa ematikweni mambe; loko va ha fanele hi ku khoma mintsumbu ya vona eka mina, va ndzi papalatisa ka ku va ndzi duvuriwa, eka mpfhuka.

⁶ Swingaleswi loko munhu a fa hi ndlela yaleyo...Kambe, walowo i—i nxavo lowu wu nga hakeriwa, lowu wu fambaka na ku kwetsima ka swilo swo hambana. Wa vona? Ndzi pfumela leswaku hi pimanisa hi President un'wana na nn'wana wa vumune, un'we eka lava va mune, u gevengiwile, nakona a ndzi titwi kahle ha swona. Swi na tingana ku va hiva na munhu wo kotisa yaloye a Amerika, a nga endlaka nchumu wo kotisa walowo.

⁷ Kutani sweswi, hambi swiritano, tanahi laha ndzi vuleke leswaku, a ndzi—ndzi nga yimi na tipolotiki ta yena. Ndzi... a ndzi swi tivi, a ndzi yimanga na miehleketo ya leswi a ri eku ringeten ka ku swi endla. Kambe, wa vona, hi yena munhu un'wana. Nakona a ndzi yimanga na mafambiselo ya yena ya swa vukhongeri. Hakunene a ndzi—ndzi yimi na swona sweswo. Kambe, hambiswiritano, u—u kurisiwe hi ndlela yaleyo. Sweswo—sweswo hileswi a swi ri xiswona. Tanahi laha ndzi nge te, kumbexani a nga ha va a twile swin'wana ku hambana, swi nga ha va swi ri leswi hambaneke.

⁸ Hi na—na nchumu lahawani lowu hi wu endlaka, leswaku loko ku tshuka ku lovile un'we wa vanhu va hina, kumbe swin'wana, hambi ku ri eka...ndzi ehleketa tanahi—tanahi kereke ya Maamerika, tanahi miri wa Maamerika...

Vanhu va Amerika va vhothele Nkul. Kennedy leswaku a nghena a va President. Nakona sweswo a ku ri...Xexo hi xona xivangelo xa ku va hi ri va xidimokirasi. A ndzi n'wi vhothelanga Nkul. Kennedy. Ndzi vhootherile Nkul. Nixon, hikuva ndza n'wi tiva Nkul. Nixon, hi vumina. Nakona a ndzi—ndzi n'wi tsakela, nakona ndzi—nakona ndzi n'wi vhootherile, hi vumina, hikuva a ndzi n'wi tsakela. Kambe vanhu va tiko leri, Maamerika, vaaki—ndhawu swin'we va tiko leri, va hlawurile Nkul. Kennedy. Na hi

ndlela leyi va nga swi endlisa xiswona, hi swona, sweswo swile ka vona na Xikwembu, kambe sweswo swi hi swonghasi.

⁹ Kambe ndza ehleketa, hikokwalaho ka manana loyi, i munhu, manana wa vana, Manana Kennedy, xana hi nga ka hi nga yiminyana xinkadyana leswaku hi n'wi khongelela?

¹⁰ Hosi Yesu, hina swivumbiwa swa ximunhu, hi na ku twela eka un'wana. Nakona hi twa ku vava, Hosi, hilaha President wa hina a nga duvuriwa hakona, eka ku dlaya ka tihanyi. Nakona hi twa ku vava hikokwalaho ka ku va tiko ra hina ri fikile eka xindhawani lexi, leswaku vanhu vo kotisa valava va le—va le ka tiko ra hina, lava va nga dlayaka xivumbiwa xa ximunhu eka ku dlaya ka tihanyi; tanihi laha va nga duvula makwerhu ya loye wa mukhaladi ku nga ri khale, nakona ntsena ku n'wi duvula ka tihanyi, hi ku lwisana na rixaka. Nakona ha tisola leswaku vanhu va muxaka walowo va hanya exikarhi ka hina, Hosi. Hina, ku tsana ka hina, hi kona ku nga ku tisa loku.

¹¹ Nakona hi khongelela Manana Kennedy, yena wansati wa yena loyi, President. Ni ku tiva vona vana lava a va languterile tatana wa—wa vona, loyi a va sukeleke eka masiku mantsongo loko sweswo swi nga se humelela, munhu la tsakeke, ni ku valwela na ku tlanga na vona ehansi. Sweswi a va ha ri na tatana. Na wansati yaloye . . . nsati wa yena, laha nuna loyi a nga wa yena a nga wela emindzhumbhini ya yena, nakona ngati ya yena yi xiririka ehenhleni ka swiambalo swa yena; ntsena ku lahla n'wana wa yena.

¹² Nakona hambiswiritano, Hosi, hi nga ha pfumela leswaku wansati a ri laha ku hoxekeke, eka e—e—e hi ndlela leyi a nga rhangela hakona eka tiko, hi maambalelo ya yena na swin'wana; kambe sweswo—sweswo swi nga ha va swi ri swa vanhu va Amerika, hi ku angarhela, va, sweswo hileswi va swi lavaka. Swingaleswi ha—ha n'wi khongelela, mixo lowu, leswaku U ta n'wi pfuna. Nakona leswaku ku ta va na nkarhi wo enta wo rila laha a nga ta kuma leswaku Ntiyiso i yini, Yesu Kreste! Hi nyike swona, Hosi, Yena Loyi a nga nyikaka ku rhula na ku chavezela eka awara ya khombo.

¹³ Nakona hi pfune, Hosi, ku yisa emahlweni kuva tano, hi timbilu ta hina hinkwato, rivoni leri ri vangamaka, laha hi nga swi tiveki leswaku wu ta va wu ri nkarhi wihi kumbe i nkucetelo wihi hi nga vaka na wona ehenhleni ka un'wana. Hi pfumeleli hi hatimisa Rivoni ra Kreste ku fikela laha Yena a vuyaka. Kutani Murisi Lonkulu wa ntlhambi, Yena loyi a tivaka vululami hinkwabyo, u ta tisa vudyoho hinkwabyo eka hakelo, nakona ntsena U ta swi tiva leswaku u ta swi endlisa ku yini. Nakona kukondza nkarhi walowo, ha tiboha emavokweni ya Wena, hikokwalaho ka rirhandzu na nsovo wa wena ehenhleni ka hina. Hi Vito ra Yesu. Amen.

¹⁴ Ina, a ndzi ehleketi leswaku ku na munhu loyi a fanelaka hi ku fisa xisweswo. Sweswi, Nkul. Lincoln a nga fanelanga na yena leswaku a nga fa hi ndlela yaleyo. Nkul. McKinley a nga fanelanga na yena ku fa hi ndlela yaleyo. Huey Long a nga fanelanga ku fa hi ndlela yaleyo; ku ri hava na un'we wa vanakulorhi. A ndzi pfumeli eka sweswo. Ku dlaya, sweswo swi bihile. Majaha ya hina a ya lwelanga swin'wana swo kotisa sweswo entsungeni wa malwandle. Mujeko wa hina a wu yimiseriwanga swin'wana swo kotisa sweswo. A hi vaaki va America hi swin'wana swo kotisa sweswo. Ee. Hambiswiritano, tiko ra hina ri gombonyokile ni ku hambukela evudyohweni, sweswo hileswi—sweswo hileswi swi endlaka swona swilo leswi. Byebyo i vudyoho.

¹⁵ Sweswi, namunlha hi na . . . ndzi ya eku dyondziseni xikolo xa Sonto, na swilo swo hlaya nyana leswi ndzi nga ta tsakela ku swi vula eka kereke. Nakona sweswo hi leswaku i, xo sungula, ndzi mi lava leswaku mi ndzi rivalela ku va ndzi mi khomeletile nkarhi wo leha hi Sonto na mixo loko ndzi ta va ndzi vile na Mahungu lawa. Nakona loko Hosi yi ta swi . . . Xivangelo xa ku va ndzi endla leswi, swi hikokwalaho ka ku va ndzi—ndzi ri lahawani exikarhini ka vanhu va ka hina nakona ndzi—ndzi dyondzisa tidyondzo hi ku tiya tanihi laha ndzi swi tivisaka xiswona. A ndzi ti dyondzisi tidyondzo leti ehandle eka tindzhawu tin'wana. Ntsena ndzi yima eka—eka masungulo yo sungula ya Evhangeli. Kambe tidyondzo leti leti ti nga tiya, a ndzi—ndzi ti dyondzisi ehandle eka—eka tindzhawu tin'wana. Nakona, lahawani, swi ndzi tekela awara, nkarhi wun'wana, tiawara timbirhi kumbe tinharhu, ku va ndzi kumeka ndzi heta Hungu ra mina. Nkarhi wun'wana ndza mi khomeleta lahawani, hafu ku bile awara ya khume mbirhi, n'we ehenhla ka nhloko. Nakona sweswo swo va swintsongo eka leswi ndzi nga tolvela ku swi endla. Ndzi nga ha tshama vusiku hinkwabyo, ku tshinelela, nkarhi wun'wana. Ndzi fambile, hi sungurile ku nghena, nkarhi wo tala, ku ya eka awara ya nhungu kutani hi ya ekaya eka mixo lowu wu landzelaka hi awara ya mbirhi kumbe awara ya nharhu, sweswo swi kahle, ku suka eka tinhlengeletano.

¹⁶ Kambe ndzi—ndzi—ndzi ya eku ringeten i ku swi endla, loko ndzi ta na n'wina nakambe, nakona ntsena wu—wu ntsongo . . . nchumayelo ematshan'wini yo dyondzisa swonghasi ha leswi, handle ka loko ndzi nga mi lemukisa ka ha ri na nkarhi leswaku sweswo swi ta va swi ri swin'wana. Hikuva, ndzi na Timhalamhala ta Nkombo, ndza pfumela, ti nga eku teni, leti ti bohanaka kun'we na Xilemo xa Vuntsevu. Loko Xilemo xa Vuntsevu xi ta va xi twakarile, hinkwato Timhalamhala ta Nkombo ti fambe xikan'we, ma swi vona. Kutani swingaleswi . . . ndzi ta tsakela ku kuma sweswo swi ya eka Kereke loko ku nga se fika ku Yuya ka Yena, loko . . . kumbe

ku famba ka mina, kumbe leswi swi nga vaka xiswona, loko ndzi nga kota.

¹⁷ Sweswi, loko hi endla sweswo, kutani hi ta mi tivisa ka ha ri na nkarhi. Nakona kumbexani, tanahi loko hi vona mixo lowu, tiholo titlimbanile, nale makhumhini, na hinkwako, hi ta ringeta... Hi kumile ndhawu laha kumbexani hi nga swi kotaka ku pfukela kona kwala. Yi tshamisa kwalomu ka magidi manharhu ya vanhu, nakona i odithoriyamu ya kahle ya xikolo leyi yi nga ehenhlanyana ka hina lahwani. Nakona Timhalamhala ta Nkombo, hi ta ringeta ku ti chumayela kwalahaya exikolweni. Nakona sweswo swi ta hi nyika vutshamo byo hlaya, ma swi vona, swingaleswi hi nga ha kota ku nghanisa vanhu.

¹⁸ Hi lava ku vika, eNew York, ntsena hi vile na nkarhi wa kahle. Eka Morris Auditorium kwalahaya, ntsena a hi fanele hi ku jikisa vanhu va famba, madyambu ma'wana na man'wana. A va manyanile endzeni. Ndzilo... Munhu loyi a fuma ndhawu... Lava swi timela ndzilo a va ta yi pfala ndhawu loko hi nga va pfumelela va yima, vamanyanile tanahi sweswo. Kutani a hi fanele hi ku va humesa. Na vanhu lava va nga exitarateni, va ri karhi va ya ehenhla nale hansi exitarateni, va ri karhi va khongela leswaku un'wana a nga karhala ivi a tlakuka a humela ehandle, leswaku va nga ha kota ku nghena va kuma xitulu. Wa vona? Munhu un'we ntsena, ntsena va rindzela ehandle kwalahaya va rindzela munhu un'we, leswaku va kota ku nghena. Nakona un'wana loyi a landzelaka u le nyangweni, nakona va pfumelela un'we a nghena hi ndlela yaleyo. Loko un'wana a tlakuka a huma, a fanele hi ku hatla a ya ekaya, hi swona, a va ta nghena va fika va xi avelana xexo swonghasi. Wa vona, va ta ta. I va kahle swinene, ntlawa wa kahle wa vanhu. Nakona ndza pfumela leswaku misava, kereke ya Xikreste, yi na ndlala ya Xikwembu.

¹⁹ Sweswi ndza—ndza—ndza tshembha leswaku... Ndza khensa, makwerhu. Ndzi—ndzi tshembha leswaku—leswaku Xikwembu xi ta hi nyika nkateko lowu, laha hi nga ta hlangana kun'we kutani hi va na Timhalamhala leti ta Nkombo to hetelela. Ndzi navela ku va ndzi rhangeriwa ku va ndzi swi endla swilo sweswo, leswaku mi ta kota ku swi tiva.

²⁰ Kutani eka ku fihlula ka vavanuna va mabindzu... Hi ntolovel, kavanyisa ka vona kwalahaya, ndzi ehleketa leswaku va te va na hinkwako ku sukela eka makume ntlhanu ku ya fika eka dzana eka ku fihlula ka vona. Nakona mixo walowo va xavisile khume nkombo wa madzana wa mathikithi, na ku pfumelela vunyiki bya ndhawu byi nghena, ku ta tatisa ndhawu. Nakona phaseji yin'wana na yin'wana, na ku rhendzeleka hi makhumhini, nale henhla nale hansi a switepisini, a ku yimile vanhu. Na tiministara tin'wana ta swiyimo swale henhla, nhlayonyana ya vaprista, na—na van'wana, a va ri kwalahaya

ku ta twa Hungu. Kutani swingaleswi, ndza swi twisisa, ndzi pfumela leswaku swi pfunilenyana. Swi nga ha va swi endlile na—na swin'wana swo tala, ku antswa ku tlula hilaha hi nga ehleketa hakona.

²¹ Sweswi, kutani, vusiku lebyi ku... Hi ta va na... Hungu ra vusiku lebyi, loko Hosi yi swi rhandza, hi—hi nhloko-mhaka ya—ya hilaha, hi xiyimo xa n'wina na Kreste. Nakona sweswo swi ta... Ri ta va ri komile. Hi lava ku sungula, ndzi lava ku va eka platifomo hi hafu ku bile awara ya nkombo. Loko... Mi nga va mi sungula hi nkarhi muni, hi hafu ku bile awara ya nkombo xana? [Boti a ku, "Hi sungula hi hafu ku bile awara ya nkombo, kambe hi ta sungula hi awara ya nkombo."—Muhler.] Oho, nkombo, nakona ndzi ta va ndzi ri eka platifomo hi hafu ku bile awara ya nkombo, nakona sweswo swi fanele ku ndzi endla ndzi huma hi hafu ku bile awara ya nhungu, loko Hosi yi swi tsakela, hikuva ntsena ndzi—ndzi... Ndzi ta hatlisa hilaha ndzi nga ta kota hakona, nakona ndzi ta ya ndzi ya sungula ku titolovetisa.

²² Kutani xin'wana, i ku, ku nga ha va na valuveri lahwani va twa vanhu loko va hleka. Hikuva, ndza ringeta ku fambela ekule lahwani, kambe ndzi hlulekile ku swi endla. Swi hi maendlelo ya... Ndzi tshembha leswaku a swi twakali swi ri ku sandza, kambe manana wa mina u tshamela ku vula leswaku, loko vanhu va kumeka va ri karhi va hlangana kun'we tanahi sweswo, swi tanahi jamu ya n'wahuva eka mixo lowu wu titimelaka. Ma swi tiva, yi bumburile, yi tlhela yi famba hi ku nonoka. Nakona sweswo hi yona ndlela leyi yi nga xiswona. Ndzi famba hi ku nonoka eka Mahungu lawa, hikuva ku—ku nyanganya ka mova wa Xikwembu, ma swi tiva, ku endla tanahi loko ku bangisela kun'we. Nakona a ndzi—ndzi—ndzi swi lavi, a ndzi nga ta swi lava hi ndlela yin'wanyana. Ndzi—ndzi swi lava ntsena hi ndlela yaleyo. Laha, ndzi tsundzuka loko hi tshamela ro yima hi yimbelela risimu lero.

Ku katekile xibohi lexi xi bohaka
 Timbilu ta hina eka rirhandzu ra Xikreste;
 Xinakulobyne xa hina xa mianakanyo ya
 vumakwavo
 Xi kotisa lexiya xi nga eHenhla. Wa vona?
 Ha handzuriwa hi aviwa,
 Swi hi nyika xitlhavi lexi ya ka endzeni;
 Kambe hi ta tama ha ha khomanile embilwini,
 Na ku tshembha ku tlhela hi hlangana
 nakambe.

²³ Nakona ndza—ndza tshembha leswaku sweswo swi ta tshama swa ha ri xikongomelo xa hina—hina lahwani. Vo tala va vakwetsimi lavaya va etlele ku sukela nkarhi walowo, kambe hambiswiritano ha ha khomanile etimbilwini. Nakona

ndzi ehleketa hi xivono xexo eka mixo luwani, ku va vona va ri lahaya, na ku kateka na ku kwetsima ka swifaniso sweswo leswi ntsongo swa vununa na vusati, hambiswiritano a va ha languteka kukotisa loko va swi endlile lahawani, loko va ri lahawani emisaveni. Ndzi ehleketa leswaku va rindzerile ku vuya ka hina. Eka rin'wana ra masiku hi ta va joyina, loko hi leswaku Xikwembu xa swi rhandza. Sweswi ndzi—ndzi . . .

²⁴ Nakona tsundzukani swikhongelo, swikhongelo swa tinsimu swi ta sungula hi awara ya nkombo vusiku bya namuntlha, ematshan'wini ya hafu ku bile awara ya nkombo.

Nakona, vhiki leri ri taka, ndzi ta va ndzi ri eShreveport, Louisiana, nakona kwalahaya eka Life Tabernacle a Shreveport, Louisiana. Nakona ndzi ehleketa leswaku va le ku ringeten'i ka ku kuma odithoriyamu ku tsemekanya xitarata. Makwerhu Moore u foyinile vusiku bya tolo, a ku va . . . I ntsombani wa lembe rin'wana na rin'wana, nakona va languterile nhlayo leyikulu ya vanhu.

²⁵ Ndzi lava ku nyika vumbboni byintsongo loko ntsena ndzi nga se hlaya Matsalwa. Ma—ma manana un'wana a tshamile kwalahawani siku rin'wana, a ku ri na . . . Ndzi ta mi byela leswi nkucetelo lowu wu nga xiswona wa un'wana loko a khongelela un'wana. Ntsena ndzi kumekile ndzi languta ehansi kutani ndzi vona manana un'wana ntsena ndzi . . . Margie Cox, nsati wa Makwerhu Rodney Cox loyi a tshameke lahawani. Nakona vhiki leri ri nga hundza, ndzi pfumela leswaku a ku ri rona, loko ha ha ri kwalahawani, Moya lowo Kwetsima a wu ri eku nyikeni ka kuvonisisa ku rhendzeleka hi miako, ma swi tiva, hilaha vanhu va nga byeriwa hakona. Nakona wansati a tshamile . . . U tshamile lahawani sweswi. Kambe ntsena a ri ku hundza lahaya kun'wana. Nakona ndzi—ndzi langutile halahaya, nakona a ku ri na manana loyi—loyi a nga vitaniwa, loyi a ri na vuvabyi bya chukele. Nakona Margie a ri tano . . . Nakona eka xivono a ri yena Margie. Nakona Margie a yimile lahaya; nakona hambiswiritanu ndzi langutile ehansi, ndzi n'wi vonile, nakona a ku ri . . . Kutani hiloko ndzi ehleketa . . . Nakona ndzi langutile ku ta vona wansati loyi un'wana, nakona Margie a ri eka xivono, kambe Rivoni a ri ri ehenhla ka wansati. Swingaleswi ndzi—ndzi hlalerile.

²⁶ Hiloko ndzi ehleketa, hi swona, loko ndzi nga vitana Margie, va ta ku, "Hakunene, sweswo, hakunene." Un'wana a va tiva, a ku, "Hikokwaho ka yini, u—u . . . Nuna wa yena hi un'wana wa vanghana va yena—yena lavakulu. Va hanya kun'we, va etlela kun'we, va hlota kun'we, na—na hinkwaswo. Hakunene, sweswo, u ta swi tiva sweswo." Kambe Margie a nga swi tivi sweswo. Kambe ndzi vitanile manana loyi un'wana, laha a ku ri . . . Ndza pfumela, a ri sesi loyi a huma a Chicago, tanihi laha ndzi dyondzeke endzhaku.

²⁷ Kambe kwalaho ku ta, leswi swi nga endzeni ka yena . . . a femeni, va nyika swikambelo swa vuvabyi bya chukele. Nakona—nakona a ri na vuvabyi bya chukele. Nakona swingaleswi a ri endleleni ya yena, tolweni, ku ya a tliliniki ha byona. Nakona—nakona loko a ta va a byi virule, kutani ndzi vuyisile miehleketo ya yena ya swona. Kutani ndzi ku, “Tana haleno, Sesi Margie.” Ni ku n’wi byela hilaha a khomiwa hi vusindzi emavokweni ya yena, Ni—ni hilaha nchumu walowo wa matitwele yo biha a wuri hakona.

Manana lontsongo a tirha nhlikani na na vusiku, hakanyingi, ehenhla lahaya, ku . . . manana lontsongo wo tshembheka, ku va a pfuna nuna wa yena ku va va hakelela kaya leri va ringetaka ku ri aka. Nakona—nakona yena na sesi wa yena lontsongo, Nellie, na Charlie, yaloye i boti wa Rodney, nsati wa yena, nakona hinkwavo ka vona va tirha kun’we a tifemeni ta vona lahaya, ntsena hi ku tika tanahi laha va nga yaka. Ni ku yimela ku soriwa. Va pfumelela misisi ya vona yi kula, ni kuka va nga toli timekapu, swin’wana swo kotisa sweswo, loko va va Vakreste. Ndzi pfumela eka ku nyika ku themendhela loko ku themendhela ku laveka. Nakona ndzi na ndhawu leyi yi kufumelaka embilwini ya mina eka vavasati lava vambirhi lavantsongo.

²⁸ Kutani ndzi n’wi khoma hi voko ndzi n’wi khongelela. Hiloko a tifambela, nakona a va ha kumanga vuthala bya vuvabyi bya chukele eka hinkwako. Byi fambile, swingaleswi.

Manana u tshamile kun’wana kwalahawani, loyi a nga vitanowi, nakona a ri sesi hi vito ra Bruce. A ndzi n’wi voni mixo lowu, kambe minkarhi hinkwayo wa . . . I wansati loyi a kumekaka a ri karhi a khongela swonghasi. Nakona wansati loyi u nghanile, a ku ri nkarhi wo hetelela loko ndzi ri kwala, nakona a ku ri hava—hava khadi ra xikhongelo leri ri nga nyikiwa, kumbe ku ri hava nchumu, swingaleswi a ku nga ta va na munhu, ku ri hava layini ya xikhongelo, swingaleswi ntsena a va . . . Moya lowo Kwetsima ntsena a wo vitana ku suka eka vayingiseri.

²⁹ Nakona Manana Bruce loyi lontsongo, u—u horisiwile kan’we, hi vuyenya, eka mfukuzani. Nakona u—nakona minkarhi hinkwayo ntsena u na ndhwalo embilwini ya yena wa un’wana, nakona ntsena o tikhongelela. Nakona ku ri na manana loyi a humaka a Louisville, loyi a ri eku feni, mfukuzani a wuri enkolweni. Nakona loko a ha khongela, Moya lowo Kwetsima wu ya eka wansati yaloye, wu n’wi vitana, na hinkwaswo leswi Wu nga swi endla, wu n’wi byela leswaku a ri mani, wu n’wi byela, swa antswa, leswaku a ri mani, na leswi swi n’wi karhataka, na ku va a ri na mfukuzani, nakona wu ku eka yena, wu ta suka. Nakona manana lontsongo a ya ekaya.

Endzhaku ka masikunyana endzhaku ka sweswo, ntsena u sungurile ku talelwa ro fa, ku tshunelela, nkolo wa yena

ntsena a wu mpfimbe ngopfu. A khohlola hilaha ku kulu, kutani mfukuzani yi tlula yi huma. Nakona u hetisekile. Wa vona?

³⁰ Ku humelerile yini, ma swi vona, mpfimbo, wona hi koxe, i mfukuzani leyi yi nga na vutomi eka yona n'winyi. Wa vona? *Mfukuzani*, rero ri huma eka—eka rito, rito ra vutshunguri, ra “ganju,” leswi swi vulaka leswaku yi na milenge yo tala, kukotisa e—e ganju leri u ri kumaka elwandle nakona—nakona ri tswonga ngati leyi yi humaka eka wena. Nakona ximila lexi xa mfukuzani enkolweni wa yena, a xi ri tano, sweswo hileswi a xi swi endla.

Sweswi, wa vona, a ndzi tirhani na ximila. Ndzi tirhana na vutomi lebyi byi nga endzeni ka ximila. Wa vona? Vutomi lebyi byi nga endzeni ka ximila hi lebyi hi tirhanaka na byona. Wa vona? “Hi Vito ra Mina va ta hlongola madimona.” Rito *dimona* ri vula “muxanisi,” kukotisa ku xanisa miri. Nakona leri a ri ri dimona. Nakona loko vutomi byi huma eka ximila, hakunene, sweswo swi pfumelela ximila ku pfimba.

³¹ Ntsena tanahi ximbyanyani lexi xi nga tlumbiwa a xitarateni, swin'wana swo kotisa sweswo, xi tshiki xi pavalala lahaya edyambyini masikunyana, kutani, nakona xi kumeka xi va hakambirhi eka sayizi ya xona.

Hi swona, sweswo hi swona leswi a swi endla leswaku wansati lontsongo a twa swi nyanya. Minkarhi yo tala ndzi swi hlamuserile. Loko u twa swi nyanya, xolexo hi xona xikombiso xa leswaku u horile, ma swi vona. Swingaleswi a yi ya yi nyanya nkarhi hinkawo, na ku n'wi tlrimba, hikuva a ku pfimba. Nakona... Kambe ku vuye ku phya, vutomi a byi humile eka yona. Na ku khohlola ka yena tanahi sweswo, ma swi vona, [Makwerhu Branham a khohlola—Muhleri.] tanahi *sweswo*, yi tlurhuka, yi huma ku phya eka nyama ya yena hinkwayo. Na nchumu lowu wu nga fa, ntsena kova miri lowu nga riki na vutomi eka wona, mfukuzani yi fambil, wu tlulela ehandle, wa vona, ku phya.

³² Swingaleswi, sweswo hileswi, miri wu humele ehandle kwalaho. Kwalaho a ku nga ri javulosi loyi a ya ehandle. Yaleyo a yi ri yindlu leyi a hanyaka eka yona. U humile hikokwalaho ka ripfumelo ra wansati eka leswi a nga byeriwa swona, a ri karhi a swi tiva leswaku Yesu Kreste la fanaka tolo, namuntlha, na hilaha ku nga heriki, sweswo hi swona swi nga dlaya mfukuzani, ku humesela vutomi ehandle.

Sweswi, a nga ha va a yile—a yile a tlhelela eka dokodela, nakona dokodela a ku, “Miharihari, e—e—e nchumu ntsena wa ha ri kwalahaya hi ntoloveloo tanahi laha a wu ri ha kona.” Kambe sweswo hi swona, ximila a xi ri kona kwalahaya, kambe ku nga ri vutomi, a byi nga ri kona lahaya. Wa vona?

³³ Sweswi, xana a ku ta humelela yini loko sweswo a swi ri kun'wana swi nga swi kotanga—kotanga ku huma xana?

Hi xona xifaniso xa kona xexo xana? [Makwerhu Neville a ku eka Makwerhu Branham, "Xexo i xifaniso xa ximila lexi xi nga hundza eka Manana Baker, ku suka a Springville, Indiana. Nakona u... Lexi i xifaniso lexi xi nga kurisiwa, lexi a nga xi hundza, endzhaku ka xikhongelo."—Muhler.] Lahawani hi lexi xifaniso xa ximila lexi humaka eka Manana Baker, wo huma a Springfield, Indiana, lexi xi nga suka, endzhaku ka xikhongelo. Sweswo i xifaniso xa byona. Wa vona, walowo i miri lowu javulosi a hanya eka wona.

Ntsena kukotisa wena u hanyaka eka miri lowu u hanyaka eka wona; wu nga ha va wu ri wuntsongo, wu ri wukulu, wa nhloko yo tshwuka, nhloko ya ntima, hambi yi nga va yihi. Wa vona? Javulosi a nga ha va a hanya eka miri lowu, kumbe Kreste a hanya eka miri walowo. Hi swona, kutani loko vutomi byi huma eka wona, miri wa n'wina wu va wa ha ri kwalahawani emisaveni, wa vona, kambe vutomi a byi kona kwalahaya.

Loko vutomi byi huma, miri wu va wa ha ri kwalahaya. Kutani xa handzuka xi phya ku suka eka miri wa yena nakona xi hlongoriwa, miri wu humela ehandle.

Kambe loko xi ri endzhawini leyi xi nga taka xi nga humi, kutani mbilu ya wena yi ta fanela ku rhwalela nchumu walowo wu nga fa kutani wu basisa ngati, nkarhi wun'wana na wun'wana loko yi ba. Wu vangela ku hisa ka miri, na hinkwaswo, hikuva hi lowu wu nga tlulelaka. Ma swi vona? Nakona mbilu ya wena yi ta fanela... Ndzi pfumela leswaku mbilu yi basisa ngati tanihi loko yi hundza. A hi swona xana, Sesi Dauch? Ndzi ehleketa leswaku sweswo hi swona. Mbilu, tanihi loko yi ba, ya basisa. Muongori, ma swi tiva, na un'wana a nga tshama lahawani emahlweni ka yena. Ku basi...ku rhwalela... Nakona sweswo hileswi swi vangaka ku hisa ka miri loku ku humaka eka ku tluleriwa. Wu rhwalela ku tluleriwa kutani—kutani ku endla ku hisa ka miri.

³⁴ Sweswi, vanhu, ma swi vona, i ripfumelo ra n'wina. A ku zanga ku va matitwele ya n'wina. A hi nchumu, ni loko swi ri swona, loko voko ra mina ri nga lulamanga. Sweswo a swi na nchumu lowu swi nga wu endlaka na swona. I ripfumelo ra mina ri endlaka sweswo. Wa vona? Kona emahlweni ka hina, hi vona xifaniso xa munhu loyi a nga horisiwa hi ku hetiseka, hi ripfumelo. Kutani ntsena hi teka goza hi goza ku fikela laha hi tlhavaka goza ku nghena eka munhu yaloye, nakona ntsena hi famba hi ya emahlweni na swona. Wa vona? Kwalaho mi nga kona. Nakona sweswo, sweswo hi swona swi swi endlaka, ripfumelo ra n'wina; ku nga ri matitwele ya n'wina. I ripfumelo ra n'wina ri swi endlaka. Minkheso na ku dzunisa a kuve eka Xikwembu!

³⁵ Sweswi ntsena eka xinkadyana xa xikhongelo, nakona hi na dyondzo lahawani leyi hi lavaka ku yi tekela enhlokweni, na

nkarhi wuntsongo lowu Hosi yi nga ta tirhana na hina ku ya ha leswi.

Nakona, sweswi, nakona loko van'wana va n'wina mixo lowu mi fanele ku famba, nakona a mi ngevi kona eka xikhongelo xa ni madyambu, loko Hosi yi swi rhandza, ndzi—ndzi lava ku tlhela ndzi va kwalahawani nakambe. Ndyangu wa vuya hi vhiki ra Khisimus. Nakona, hi Nsoto endzhaku ka Khisimus, loko Hosi yi swi rhandza, ndzi lava ku chumayela hi Hungu ra Khisimus kona kwala etabernakeleni; hi Nsoto endzhaku ka Khisimus. Loko Hosi yi swi rhandza, nhloko-mhaka yi ta va yi ri, *Mutsendzeleki Exitarateni*.

Swingaleswi a hi korhamiseni tinhloko ta hina sweswi hi nyikela xikhongelo loko hi nga se hlaya tsalwa.

³⁶ Hosi Yesu, Va na ekusuhi na hina eka lowu nkarhi. Nakona ha swi tiva leswaku swa tika eka xikerekani xa hina, nakona loko vo tala va yimile. Nakona—nakona hilahawani ku nga ri ku ya hi ndhawu leyi leswi yi nga tshamiseka, leyi yi hi nyikaka ku wisa ka xinyama, hikuva a yi wiseleki. Nakona a hi tanga lahawani ku ta voniwa. Kambe hi kona lahawani hikuva hi twa Vukona bya Wena. Nakona ha swi tiva leswaku U kona lahawani. Nakona hi kona lahawani leswaku hi ta lulamisiwa. Nakona hi kona lahawani, hi ku tiva leswaku hi le ndlwini ya Xikwembu. Nakona hi titwa kahle ku va hi ri lahawani, swi nga ri na mhaka ni leswaku a yi hi khomi kahle njhani, ku va hi yimile, ni—ni ku va yi tshamisile ntshungu, kambe hi kona lahawani hikuva ha—ha swi twa leswaku Xikwembu xi kona lahawani.

³⁷ Nakona hi ndlela yin'we leyi jaha rero ri nga va ri titwise swona vusiku byebyo, loko Paul a ta va a chumayerile vusiku byebyo hinkwabyo, a ri ri hungu ro leha njhani, kumbexani ri sungule loko dyambu ri pela ku ya fika loko dyambu ri xa, eka mixo lowu wu landzelaka. Nakona nakulorhi lontsongo a tshamile ehenhla, u wile nakona a va ehleketa leswaku u fambile. Nakona Paul u tlhandlekile miri wa yena ehenhla ka yena, nakona Moya wa Xikwembu lowu a wu ri eka murhumiya wu vuyerisela moya wa vutomi eka miri wa jaha. Kutani hiloko a ku, "U ta va kahle," hiloko jaha ri hanya. A ri na mhaka na leswi Paul a ri eku swi vuleni.

³⁸ Nakona, Xikwembu, hi na mhaka mixo lowu eka leswi Moya lowo Kwetsima wu nga swi vulaka eka timbilu ta hina. Nakona ha khongela leswaku U ta phemela un'wana na un'wana wa hina Xinkwa xa Vutomi, leswaku loko hi suka lahawani namuntlha, leswaku a hi nge siyi muako lowu hi ri vanhu lava hi fanaka loko ha ha nghena. Leswaku Vakreste va nga ha va va ri ekusuhi na Wena. Leswaku vadyohi va nga ha horisiwa. Ni leswaku Mfumo wa Xikwembu wu nga ha ta ekusuhi na hina, hambi ku ri endzeni

ka hina. Ha swi kombela hi Vito ra Yesu Kreste, tanahi laha hi rindzeleke Moya wa Yena ku va wu hi nyika Marito. Amen.

³⁹ Sweswi a hi hlayersi ya n'wana ya Matsalwa, lawa ya nga . . . Rito ra Xikwembu ri tshama ri lulamile.

Kutani sweswi, nakona un'wana na un'wana, ndzi vona mi ri na tintswalo eka lava va nga yima. Ndzi vona un'wana a yima a tshama ehansi, kutani a nyika un'wana xitshamo. Sweswo swi kahle swinene. Ndzi navela leswaku loko a hi ri na ndhawu yo engetela, kambe ntsena a hi na yona, nakona eka lowu nkarihi.

Pfulani eka Matewu 27, nakona hi ta hlaya ku suka eka ndzimana ya vu11, nakona hi ta vulavula eka nhloko-mhaka leyi.

*Kutani Yesu a yima emahlweni ka mugavhenara:
kutani mugavhenara a n'wi vutisa, a ku, Xana U Hosi
ya Vayuda ke? . . . Yesu a ku eka yena, u vula swona.*

*Kuteloko a hehliwile hi vaprista lavakulu ni
vakulukumba, a nga hlamulanga nchumu.*

*Hiloko Pilato a ku ka yena, Xana a wu swi twi leswaku
i swilo swingani leswi va ku hehlaka hi swona ke?*

*Kutani a nga n'wi hlamulanga rito na rin'we;
kukondza mugavhenara a hlamala ngopfu.*

*Sweswi enkhubyeni mu—mugavhenara . . . a tolovele
ku ntshuxela vanhu mubohiwa, loyi va n'wi rhandzaka.*

*Enkarhini wolowo a ku ri ni mubohiwa la tiviweke
swinene, la vuriwaka Barabasi.*

*Kuteloko va hlengeletanile, Pilato a ku eka vona, I
mani loyi mi rhandzaka leswaku ndzi mi ntshuxela yena
xana? Barabasi, kumbe Yesu la vuriwaka Kreste ke?*

*Hikuva a swi tiva leswaku va n'wi nyikete yena hi
mavondzo.*

*Kuteloko a tshamile exitshan'weni xa ku avanyisa,
nsati wa yena a rhumela eka yena, a ku, U . . . nga tshuki
u va ni mhaka na munhu yaloye wo lulama: hikuva
ndzi twile ku vaviseka lokukuluenorhiweni hikwalaho
ka yena.*

*Kambe vaprista lavakulu ni vakulukumba va
hlohotela ntshungu leswaku va kombela Barabasi,
kutani Yesu a dlawa.*

*Mugavhenara a hlamula a ku ka vona, xana mi
rhandza ndzi mi tshunxela wihi eka lavambirhi
lava? . . . (Ntsena ehleketa ha sweswo!) . . . Va ku,
Barabasi.*

*Pilato a ku ka vona, Xanandzi ta endla yini hi Yesu
la vuriwaka Kreste? Xana ndzi ta endla yini hi Yesu la*

vuriwaka Kreste? Va hlamula hinkwavo va ku ka yena, A vambiwe.

Kutani mugavhenara a ku, . . . xana u endlile yini xo biha ke? Kambe va huwelela hi matimba ku tlurisa, va ku, A vambiwe.

Loko Pilato a vona leswaku a nga ha pfuni nchumu, hikuva dzolonga a ri engeteleka, a teka mati, a hlamba mavoko emahlweni ka ntshungu, a ku, A ndzi na nandzu engatini ya munhu loyi a lulameke: tilanguteleni mi ri n'wina.

Kwalaho vanhu hinkwavo va hlamula, va ku, Ngati ya yena a yi ve ehenhla ka hina, ni le ka vana va hina.

Kwalaho a va tshunxela Barabasi: kuteloko a xupurile Yesu, a n'wi nyiketa leswaku a vambiwa.

⁴⁰ I xifaniso xo vava njhani! Ndzi ri vitana tsalwa, loko mi lava ku ri tsarisa xisweswo, kumbe ku ri vitanisa xisweswo. Nakona kumbexani thepi yi ta lava ku ri nyika nhloko-mhaka leyi nge: *Xana Ndzi Ta Endla Yini Hi Yesu La Vuriwaka Kreste-ke?* Kutani dyondzo leyi ndzi lavaka ku yi tirhis, endzhaku ka loko ri vile tsalwa; ndzi lava ku tirhis nhloko-mhaka leyi nge, “ha Yesu eswandleni swa n'wina.” Ha Yesu eswandleni swa n'wina, xana mi ta endla yini?

⁴¹ Mbono wa hina wu sungula, eka mixo lowu, eholweni yo avanyisela kona; laha Pilato, wa mugavhenara, a nga vitaniwa eka xivono, leswaku—leswaku a ta tlanga na—na ku va a avanyisa. A ka ha ri mixo swinene, nkarhinyana loko ri nga sixa, nakona u kanganyisiwile eka vurhongo bya yena, nakona—nakona u vitaniwile leswaku a huma a ta yingisela e—e nandzu wa Wanuna loyi.

⁴² A wuri nkarhi wa ku vambiwa ka Hosi ya hina na Muponisi, Yesu Kreste. A nga—A nga endlangi nchumu, tanahi leswi va nga swi kumaka eka Yena, nakona U—U hlamurile hinkwaswo. Ntsena a yo va awara ya ku va swi fanele ku va hi ndlela yaleyo.

Ku hava nchumu lowu wu nga ta humeleta ku ri hava nchumu lowu wu nga endzhaku ka wona ku va wu wu endla hi ndlela yaleyo. Ku fanele ku va hi xivangelo xin'wana leswaku swin'wana swi teka ndhawu. Hikuva wu—wu hlohloteriwile, hakunene, hi—hi moyu lowu wu nga endzeni ka swivumbiwa, nale ka swivumbiwa swa ximunhu, na swin'wana. Ku na nhlonhlotelo, nhlonhlotelo wa swona, na—na nsusumeto, nakona ku fanele ku va na xivangelo.

Nakona xona, xivangelo xa ku va leswi swi fanele ku humeleta eka Munhu loyi lonkulu swinene loyi a nga tshama a hanya emisaveni, kumbe loyi a nga ha hanyaka; xivangelo xa ku va swi humelerile hi ndlela leyi, hikuva a ku ri nkarhi eka swona ku va swi humeleta. Wa vona? Swi boheka ku va hi ndlela yaleyo,

nakona a ku ri hava ndlela yo swi balekela. Swona, a swi fanele ku va hi nkarhi walowo.

Nakona Yesu u tile emisaveni ntsena hi ndlela leyi Rito ra Xikwembu ri nga vhumbha hakona leswaku U ta ta. U endlile hakunene hilaha Rito ri nge te U ta swi endla. U hanyile vutomi, ntsena hi ndlela ya kona, nakona Xikwembu xi tivisile, kumbe ku vonakarisa, Mbewu ya nkarhi walowo. Sweswi tsundzukani, Xikwembu . . .

⁴³ Bibele yi sungula eka Geneza yi famba ku ya fika eka Nhlavutelo. Sweswi hi leyi dyondzo leyi ndzi—ndzi mi lavaka leswaku mi yi twisia, leswaku . . . Wa vona, eka rixaka rin'wana na rin'wana ku vulavuriwile, a Bibeleni, hi ta nchumu wun'wana lowu wu humelelaka eka rixaka rin'wana na rin'wana.

Tani hilaha Daniel a voneke . . . a hlamuseleke norho wa Nebukadnezara; hilaha mimfumo ya Vamatiko yi nga ta nghenisa xiswona, ni hilaha va nga ta ya ehansi hakona, ni hilaha va nga ta humisa xiswona. Na un'wana na un'wana wa vanhu lavaya eka tinxaka letiya na matiko lawa, matimba ya lawa ya Vamatiko lawa ya lawulaka, ya lawurile misava, ya endlile ntsena hi ndlela leyi xivono xi nga te va ta endlisa xiswona.

⁴⁴ Loko Nebukadnezara, a nga hloko ya nsuku, a tekiwile, kutani ku nghene va Medes-o-Persias; na ntumbuluko wa vona, ku ya hi—hi ntumbuluko wa xitirhisiwa, na ku ya hileswi muprefeta a nga swi vula, ntsena hi ndlela yaleyo. Nebukadnezara, la nga hloko ya nsuku, lowu wu nga lowukulu na ku va Mfumo wo sungula. Kutani va Medes-o-Persia wu va silivhere. Kutani ku rhelela ehansi ku ya fika emindzhumbhini, ku va—ku va brasi. Kutani zenghe rin'wana na rin'wana a ri ya ri tsindziyela na ku tsindziyela; nsuku wu va wona wo olova swinene. Nakona wu hetelela eka nsimbhi, laha yi nga yo tiyela ku tlula hinkwawo lawa ya nga kwalahaya, i nsimbhi.

Sweswi, wun'wana na wun'wana wa mimfumo leyi yi te hi ndlela ya kona, hi ntumbuluko, hi ndlela leyi muprefeta a ngeri yi ta swi endla. Nakona xana a endla yini? A ri ku byaleni ka mbewu a byalela matiko leswaku ya hlalela, nakona nkarhi wun'wana na wun'wana loko mfumo walowo wu nghena, a wu fanele wu endla ku ya hilaha Rito rero ri nga vula hakona.

⁴⁵ Kutani Mesiya a fanele ku ta eka mbono. Nakona loko Kreste a ta eka mbono, A fanele hi ku hlamula Marito lawa ya Xikwembu lawa a ya fanela ku fikeleriwa, lawa muprefeta a nga vulavula ha wona, leswi Yena a nga ta swi endla.

Muxe u te, "U ta va—U ta va Muprefeta loyi a kotisaka mina." Nakona loko mi nga va . . . hi nga va na nkarhi wo swi fananisa sweswo endzhaku ni kukombisa ntsena hilaha sweswo eka nkarhi luwa wo hlamarisa, loko Israel ri ri evuhlongeni le Egypta, hilaha Muxe a nga tswariwa hakona a ri loyi a nga twisisekiki, n'wana la hlawulekeke; ni hilaha a—a nga kurisa

xiswona, na ku kurisiwa xiswona, ni hilaha a nga tumbetiwa xiswona emajekejekeni; ni hilaha a nga va murhangeri hakona, u yile entshaveni a ya teka nawu, a tlhela a vuya. Nakona a nga ri murhangeri ntsena; kambe a ri muprista, na hosi, na mugavhenara. Hinkwaswo swilo leswi, kutani swi fananisa njhani na Kreste hi ku kongoma. Nakona Muxe u te, "Hosi Xikwembu xa n'wina xi ta mi pfuxela Muprofeta loyi a kotisaka mina." Wa vona?

⁴⁶ Sweswi, loko Kreste a ta va a tswariwile, Israel nakambe a ri ri evuhlongeni hi Mfumo wa Rhoma. Nakona a ri mani Yena? A tswariwile a ri N'wana wo hlawuleka, ni ku va a nga twisiseki, hilaha A nga kurisiwa hakona. Hilaha A gonyeke hakona a tintshaveni, a tlhela a enhla a fika a ku, "Mi va twile loko va ku, vona lava va khale, 'U nga tshuki u yiva.' Mi va twile loko va ku, 'U nga tshuki u oswa,' kambe Mina ndzi ri, loyi a langutisaka wansati a n'wi navela, u va a n'wi oswile khale." Munyiki wa Nawu, wa vona, na ku va Hosi-nkulu, Muprista, Muprofeta, ntsena kukotisa yena hi ku kongoma. Swingaleswi hinkwaswo swilo leswi swi fanele ku fikeleriwa, nakona loko ndhawu yaleyo yi ri lahaya ya vutomi bya Mesiya, loko byebyo byi ta va byi kombisiwile hi ku hetiseka.

Sweswi, leyi yi nga ha va yi ri dyondzo yo lehanyana ndzi nga yi dyondzisakanyana. Ndzi mi lava mi swi kuma kahle sweswi.

⁴⁷ Loko Rito ri ta va ri vuriwile eka rixaka ro kotisa leri, ku ta va na un'wana loyi a nga ta pfuka eka mbono loyi a nga ta fikelerisa Rito lero, hikuva Xikwembu xi Ri vurile. I ku tiyisisiwa ka Rito leri nga vuriwa. Nakona Yesu u fikelerile na swilaveko hinkwaswo, nakona a ri Rito, a kombisiwile tanahi Mesiya, hi swona. Na Marito ma kona, lawa ya nga vuriwa a Bibeleni, ya siku ro hetelela. Marito yalawa ya fanele ku ta eka vutomi.

⁴⁸ Nakona hi kuma leswaku lahawani, loko ku ri hi masiku ya Hosi ya hina, kereke khale yi N'wi a rile loko A nge se fika eholweni ya Pilato yo avanyisela kona. A va N'wi tekerile ehansi, ku sukela hi siku leri ministri wa Yena wu nga sungula ha rona ku profeta ni ku va byela Ntiyiso hi Rito. Kutani, a va nga ta swi kota ku swi twisia sweswo, hilaha Yena, tanahi laha a ri Munhu, a kota ku tiva leswi a swi ri eka timbilu ta vanhu. Swintsongo a va swi tiva, leswaku, Rito i Xikwembu! "Nakona Rito," Bibele yi te, "ri kambisisa mianakanyo na makungu ya timbilu."

⁴⁹ Nakona va lavile ku N'wi vitana moyo wo biha. U te, "Ndzi ta mi rivalela eka sweswo. Kambe loko Moya lowo Kwetsima wu ta wu ta endla swo fana, kuvula rito ro lwisana na Wona mi nga ka mi nga rivaleriwi."

Na hinkwaswo swilo leswi Yena a nga swi profeta leswaku swi va eka siku leri, swin'wana a swi faneli ku swi tisa sweswo eka vutomi. Kambe loko Ri ta va ri tisiwile eka vutomi, Ri ta va ri hambanile swonghasi ku tlula hilaha vanhu va Ri ehleketa

hakona, ku fikela—ku fikela laha ku vaka Vahlawuriwa lava va Ri vonaka. Minkarhi hinkwayo, ntsena Vahlawuriwa hi vona lava va nga ta Ri vona, hikuva Ri hlawuriwile na ku va va vekiwile ximfumo ku ta Ri vona. Swingaleswi, swi nga ka swi nga endleki, a ku na ndlela yin'wana.

⁵⁰ Yesu u te, “Mi nga ka mi ngati eka Mina. Ku hava munhu loyi a nga taka handle kaloko Tatana wa Mina a n'wi tisa; nakona hinkwavo lava A nga Ndzi nyika vona va tata eka Mina.” Wa vona? Wa vona? Swingaleswi ku hava ndlela yin'wana. U te, “Mina matihlo kambe a mi voni; tindleve, a mi twi.” A ku, “Esaya u profetile kahle ha n'wina.” Wa vona? Vuprofeta bya Esaya bya pfelela, byi vonakarisa.

Mi nga swi rivali sweswo, kwalahawani kumbe vayingiseri va thepi, leswaku Rito ra Xikwembu ri boheka ku vonakarisiwa. Xikwembu xa boheka ku vona sweswo leswaku Ra swi endla.

⁵¹ Ntsena kukotisa Yohana Mukhuvuri a nga hlawuriwa ku rhangela ku ta ka Kreste, a ku fanele ku va na munhu un'wana loyi a nga ta pfuka ku teka ndhawu yaleyo. Rito rero ri ta fanelia ku fikeleriwa.

⁵² Loko Yesu a ta tanihi Mesiya la nga ni ntoto, nakona a endla ku ya hilaha Rito ra Xikwembu ri nge te U ta swi endla; nakona hambiswiritano Mayuda a ya ha langutele swin'wana, “Hosi leyi yi taka na nhonga ya nsimbhi evokweni ra Yona,” laha a ku ri le kule enkarhini lowu wu taka. Kambe U fikelerile Rito rin'wana na rin'wana.

Lahaya siku rin'wana a Capernaum, loko A ta pambula Matsalwa a hlaya, (mi kale mi swi xiyisisa?) ntsena U'lo hlaya xiphemu xa Matsalwa lawaya. Kutani hiloko A veka Buku ehansi, kutani a ku, “Namuntlha leswi swi fikeleriwile.”

⁵³ Loko A ha lava ku chumayela hi lembe ra jubili, sweswi, hikokwalaho ka yini A nga yi hlayanga hinkwayo ka Yona? Hikuva A yi fambelana na ku Vuya ka Yena loku ku n'wana. A va nga ri na xivangelo xo swi tiva sweswo. Sweswo a swi ri swa nguva leyi Yena a nga ta nghena hi yona.

Kambe nguva leyi Yena a ri eka yona, hi xona xivangelo xa ku va A te, “Tsalwa leri ri fikeleriwile namuntlha emahlweni ya n'wina. Kona kwala ma Ri vona. ‘Ku chumayela hi nguva leyi yi amukelekaka, na ku bandhicha lava va timbilu to tshoveka, na ku horisa vavabyi.’” Sweswo hileswi Yena a tela swona.

Hinkwayo ka Yona a ku ri—ku ri ku tisa ku avanyisa eka Vamatiko, na swin'wana, swingaleswi sweswo a ku ri swona a swi landzela. Wa vona, Vamatiko a va fanele ku N'wi ala, ku sungula.

⁵⁴ Sweswi, eku vambiweni, laha hi nga kona namuntlha eka nhloko-mhaka, ya, “Yesu emavokweni ya wena.” Rito ra Xikwembu ri kombisiwile hi matimba, ri khorwisiwa ku ya

emahlweni nale mahlweni, leswaku A ri nhlamulo eka Rito ra Xikwembu. Laha vatsari . . .

⁵⁵ Ma swi vona, Xikwembu khale xi ri na Rona xi ri andlarile. Xi pfumelela ministri leswaku wu Ri dyondza. Kambe, ma swi vona, va teka rito ra un'wana ematshan'wini ya Rona; ntlawa wun'wana wa vavanuna. A va ri mabofu eka Ntiyiso, leswaku, loko Ntiyiso wu kombisiwile, va hlulekile ku Wu vona. Kambe, ma swi vona, Xikwembu xi lulamile, Xi na Rona xi ri tsarile lahaya. Xi ri tsarile, kona kwala a Bukwini, leswi swi ya ka eku humeleleni namuntlha, swingaleswi Ri ta fikeleleka. Kambe lava n'wana lava vo ka va nga vekiwanga ximfumo ku Ri vona, va nga ka va nga Ri voni, wa vona, va—va Ri kuma ri pfanganyisiwile.

⁵⁶ Kutani yaleyo hi yona Ndlela leyia va ri na Rona kwalahaya. A va kalanga va swi tiva leswaku A ku ri Yena. Nakona hi swikombiso swa leswaku a ri Yena Murhumuwa wa siku lero, ku hava munhu loyi a ta swi ala. Muprofeta wa Yena a vulavule hi swona; a ku, “Mina, ndzi fanele ku ya ehansi, kambe Yena u ta tlakuka. A ndzi faneriwanga hi ku ntshuxa tintanghu ta Yena, kambe U yimile exikarhi ka n'wina sweswi,” ku vule Yohana. “Nakona U ta ta. Nakona xihloka xi vekiwile ehansi ka rimintsu ra murhi; nakona mirhi leyi yi nga tswaliki mihandzu yi ta susiwa enhoveni, leswaku, kumbe ku susiwa eka—eka nsimu ya tidiriva, kumbe—kumbe ntanga wa mihandzu. Wu nga ka wu nga ha vi kona nakambe.”

⁵⁷ Sweswi, hi kuma leswaku swilo leswiya swi humelerile ntsena hi ndlela leyia A nga vurisa xiswona. A kota ku kambisissa mianakanyo ya vona etimbilwini. A ri Muprofeta. Hinkwaswo leswi A nga swi vhumbha, ntsena swi humelerile hi ndlela leyia A nga swi vurisa xiswona.

“Ndzi ya eYerusalem. Kwalahaya Ndzi ta yisiwa ehenhleni ka mavoko ya vavanuna lava va nga dyoha. Nakona xikan'we-kan'we va ta N'wi khoma hi ndlela leyi ngariki kahle, nakona U ta vambiwa. Nakona hi siku ra vunharhu U ta pfuka nakambe.” Kambe a ku, “Mi vona leswaku a mi swi byeli munhu leswi.” Nakona U va pfarile mahlo eka Swona, leswaku va nga Swi twisisi ku fikela loko Sweswo swi fikeleriwile.

⁵⁸ Wa vona, minkarhi yo tala U hi pfumelela ku va mabofu ku fikela laha hi Ri lavaka. Wa hi pfumelela leswaku hi vamabofu eka swilo leswi hi swi vonaka namuntlha, hikuva leyi hi yona awara leyi hi nga na xidingo xa Rona, ku ta kombisa leswaku hi nghanile. Wa vona? Vatatana va hina a va swi tivanga swilo leswi. Bibele yi vule leswaku va nga ka va nga swi tivi. U va tumbetele swona, nakona e—e masikwini ya makumu Ri ta paluxiwa eka vana va Xikwembu; kumbe, ku endla, va ta vonakarisiwa, ku kombisiwa ku kwetsima ka Yena na ku dzuneka ka Yena ehenhleni ka misava.

⁵⁹ Nakona hinkwaswo leswi Daniel a nga swi vula hi masiku ya makumu, ni hilaha sweswo, "Vona lava va tivaka Xikwembu xa vona va ta vuyeriwa hi ku tlhariha." Nakona i Matsalwa yo tala lawa ya bohaka eka siku leri hi hanyaka eka rona! Hilaha leyi yo biha, minkarhi yo hambukisa yi nga ta va emisaveni! Nakona ntsena leswi hi nga na swona sweswi swa Ri fikelerisa.

Vona, va—va nyikiwile xinkadyana xo N'wi vona, nakona, kambe va n'wi a rile yena Mesiya wa vona.

Nakona namuntlha swa ha fana, nchumu waluwa wu fanaka. Hi nyikiwile nkateko, hikuva Xikwembu xi nga ka xi nga avanyisi ehandle ko sungula xi va na...kuva lexi xi lulameke eka ku avanyisa ka Xona.

Sweswi, loko u byerile e—e munhu un'wana epatwini, loyi a tsutsumaka; u va yimisa, i ku, "Ku na—na goji epatwile lahayaya. Loko wo ya emahlweni na rivilo lero, u ta fa."

⁶⁰ Nakona va ku, "Miharihari, ndzi tiva leswi ndzi swi endlaka." Kutani, ma swi vona, ngati a yi ngevi ehenhleni ka wena, hikuva u va lemukisile hi mfanelo.

Hi swona, Xikwembu xi endla swo fana hi Rito ra Xona. Hi mfanelo Xi lemukisa vanhu hi ku avanyisa loku ku taka, ni ku kombisa swikombiso na swihlamariso swa Xona leswi swi nga vhumbhiwa eka Bibele swa nguva yaleyo. Xa va kombisa, nakona vanhu ntsena vo ti fambela va Ri hundza.

A swi olovi eka munhu ku va a ya a tiheleni. Munhu wo lwisa eka ndlela ya yena yo ya a tiheleni. Vunwa byo rhanga lebyi u nga tshama u byi vula, wa swi tiva leswaku a byi hoxile. Sigarete yo rhanga u nga tshama u yi dzaha, wa swi tiva leswaku a swi hoxekile. Xo biha xo rhanga u nga tshama u xi endla, a wu swi tiva leswaku swi hoxekile. Kambe eka ripfalo ra wena, ri ku byerile leswaku a swi hoxekile, kambe u yile emahlweni u tsutsuma eka rivoni ro tshwuka, u tsutsuma u hundza ehenhla ka mahlampfu. U na vusopfa. U lava ku swi endla, hambiswiritano, u kombisa leswaku i munhu lonkulu wena. Wa vona? Kambe, tsundzukani, wo lwisa eka ndlela ya wena yo ya etiheleni. A swi olovi ku ya etiheleni. U ta fanele hi ku alana na Ntiyiso.

⁶¹ Loko u nga se tlumba, u ta fanela ku hundza rivoni ro tshwuka. Loko u nga se tlumba, u fanela ku endla tano, ehansi lahayaya epatwini, u na e—e swilemukiso leswi swi nga vekiwa. Kambe, wena, u na ndlela ya wena n'winyi ya swona, va tano vanhu namuntlha. Nakona u tiva ngopfu ku tlula munhu un'wana, nakona a nge yingiseri eka—eka swikombiso na swilemukiso swa ku Avanyisa loku ku nga eku teni, na vona lava va alaka Kreste.

⁶² Sweswi xiyisisani, nakona leswi va nga swi amukela emantshan'wini ya Kreste. Sweswi ehleketa hi kereke ya siku lero, vubofu bya vona. Va arile mudlayi wa le rivaleni, Barabas. Wanuna loyi a swi khorwisiwile leswaku o va mudlayi, nakona

hakunene a rindzerile ku avanyisiwa ka yena. Nakona a—a swi khorwisiwile leswaku hi—hi yena mudlayi, nakona a ri wanuna lowo biha. Nakona ntsena hikokwalaho ka leswaku—leswaku Vutomi bya Yesu . . .

Laha, Yena, A nga va ntihontlha. A ku, “I mani eka n’wina loyi a nga Ndzi hehlaka hi vudyoho?” *Vudyoho* i ku ka “u nga pfumeri.” “Loko Ndzi nga yi tirhi mintirho ya Tatana wa Mina, kutani mi nga Ndzi pfumeli; loko Ndzi nga mi byelanga Ntiyiso wa Matsalwa. Nakona Matsalwa ya Ndzi vulavulerile, wona hi Woxe. Lavisisani Matsalwa,” U te, “lawa eka Wona mi ehleketa leswaku mi na Vutomi lebyi nga Heriki, nakona hi Wona Lawa ya vulaka vumbboni ha Mina eka nguva leyi.”

⁶³ Kambe va te, “U ti endla Xikwembu hi Yexe. U ti endla swin’wana hi Yexe.” A nga endlanga nchumu . . . Xikwembu xi N’wi endle Xikwembu; A ri Xikwembu. A ri ku hetisisa ka Matsalwa. A nga kalanga a ti endla nchumu hi Yexe. Xikwembu xi N’wi endlile leswi A ri xiswona. Nakona, kutani, swi hikokwalaho ka ku va ku ri awara ya Rito rero ku va ri fikeleka. Swingaleswi, kambe a va swi kotanga ku Ri vona, hikuva a Ri lwisana na miehleketo ya vona ya xidinominexini, leswi va nga swi aka ha Kreste. Nakona a va ri mabofu eka Rito.

⁶⁴ Sweswi, nakona handle ka sweswo, ku cukumeta Nakulorhi loyi, a va fanele ku amukela mudlayi, ku xanisiwa evanhwini, na kona. A swi ri ku kolota ka misava, a xi ri xikweleti eka vona; mudlayi! A va fanele ku swi amukela sweswo, hikuva, i ku—ku alla Kreste.

Nakona loko wanuna un’wana na un’wana kumbe wansati a nge se amukela swo hoxeka, va fanele hi ku alana na leswi nga lulama. Ku na swin’wana hi ntumbuluko, wu na nawu eka swona, leswaku u ta fanelia ku alana na nchumu wo lulama loko u nga se amukela nchumu wo hoxeka.

Tani hilaha ndzi tshaheke, ku—ku fambela ekule na ku hemba . . . U—u vurile vunwa ku lwisana na ku avanyisiwa ka wena loko antswa. U vurile vunwa ku lwisana na ripfalo ra wena. U vurile vunwa ku lwisana na leswi manana wa wena kumbe vantswari va nga ku dyondzisa ku swi endla. Kumbe, hambi wu ri ntumbuluko hi woxe wu mi dyondzisa leswaku mi nga swi endli. Swingaleswi, kutani, n’wina, ku alela Ntiyiso, mi ta fanelia ku amukela vu—vu—vu vunwa, nakona mi ta fanelia ku alana na Ntiyiso mi nga se amukela vunwa. Wa vona?

⁶⁵ Swingaleswi yaleyo hi yona ndlela leyi vanakulorhi lava va nga yi endla, va alerile Ntiyiso. Nakona Yena a ri Ntiyiso. “Hi Mina Ndlela, Ntiyiso, na Vutomi.”

“Eku sunguleni a ku ri na Rito, nakona Rito a ri ri na Xikwembu, nakona Rito a ri ri Xikwembu. Nakona Rito ri endliwile nyama ri vonakarisiwa emahlweni ka hina.” Eka Timotiya wo Rhanga 3:16, “Handle ka ku tengisana, lexikulu

i xihundla xa Vukwembu, hikuva Xikwembu xi tivonakarisile enyameni, hi xi khoma hi mavoko ya hina." Xikwembu, Yehovha! Swa—swa hlamarisa, swa chavisa, ku ehleketa leswaku Xikwembu Lexi xi vekeleke e—e—e ku rhendzeleka ka dyambu na tipulanete exibakabakeni, lexi xi endleke tinyeleti leti ti nga kula ku ringana minkarhi ya gidi hi vukulu ku tlula misava . . .

⁶⁶ Nakona loko yin'we ya tinyeleti leti ti nga sungula emisaveni, hi khume ra magidi ya timayili hi awara, hikokwalaho ka yini, swi ta yi tekela dzana ra mamiliyon i ya malembe ku fika lahawani; yi le kule swinene. Nakona swinyeletani swimbirhi swi tshamile, swi languteka tanahi loko swi hambanile hi inci, ku suka lahawani, ti le kule ngopfu ku tlula loko hi ri eka tona. Nakona, hambiswirato, ku hava na yin'we ya tona handle ka leti ti nga khoma ndzhawu ya tona. Na xirimela xolexo lexikulu, oho, mina, ku tika na ku kula ka Xikwembu Lexi xi nga kotaka ku endla swilo sweswo! Yin'wana yi fanele ku khoma yin'wana. Hi xona xivangelo xa ku va ti tshamisa leswi ti nga xiswona. Loko ti nga huma eka nonganoko wa tona, mafambiselo hinkwawo ya nga wa.

⁶⁷ Sweswo hileswi swi nga humelela a Eden. Loko Evha a ta huma eka matshamelu na milawu ya Xikwembu, rixaka hinkwaro ri wile.

Rero hi rona khombo ra kona namunthla. A hi fanelanga hi tshovelelekela eka minhlangano na tidinominexini, na swin'wana na swin'wana. Hi fanele hi va majaha na vanhwana va Xikwembu, hi khomelela xirimela lexikulu xa misava kun'we.

⁶⁸ New York, vhiki leri nga hundza, a ndzi ri karhi ndzi yingisela hungu leri ri nga tshahiwa, kumbe leri ri nga vuriwa hi Einstein, n'watisayense lonkulu, e—e leswi swi vuriwaka byongo bya—bya nkarhi. Nakona a ndzi ri . . . ndzi swi twile sweswo. Kutani ndzi yile ndzi ya yingisela Norman Vincent Peale, eka dyondzo ya miehleketo hilaha vanhu va nga fanela ku endla hakona, kumbe ku famba, na ku kombisa vona hi vox eka dyondzo ya miehleketo.

Kutani, eka Einstein, a vulavula hi xirimele lexi a xi humile eka mafambiselo kwalahaya, ku suka eka tinyeleti. Nakona loko munhu a nga famba hi rivilo, ndzi pfumela leswaku u te, ra ku vonakala . . . Sweswi, ndzi ehleketa leswaku, i yini sweswo, . . . makume nhungu-ntsevu wa magidi? [Makwerhu Neville a ku, "Dzana na makume nhungu-ntsevu."—Muhleri.] Dzana, dzana na makume nhungu-ntsevu wa magidi ya timayili hi sekondo, i ku famba ka ku vonakala kwaloko. Nakona yi hunguti yaleyo hi ntlhanu wa timinetse, u ta va u ri eka mamiliyon i mangani na mabiliyon i ya timayili. Nakona na—na dzana na makume mbirhi wa mamiliyon i wa malembe ya nkarhi wa rivoni leri a swi ta mi tekela rona ku ya eka xirimela xolexo. Nakona dzana na makume mbirhi, kumbe dzana na makume ntlhanu wa mamiliyon i ya

malembe; dzana na makume ntlhanu wa mamiliyonu ku ya emahlweni, na makume ntlhanu wa mamiliyonu yo tlhelela endzhaku.

⁶⁹ Nakona ti bile swin'wana leswi swi nga ti gandla. Nakona tona, endzhaku ka ku ya kwale na ku vuya, kahle-kahle swi ta ku tekela mamiliyonu manharhu yo endla rendzo, madzana manharhu ya mamiliyonu wa malembe. Madzana manharhu wa mamiliyonu wa malembe ya rendzo, nakona, loko u vuya emisaveni, u va u fambe kahle-kahle makume ntlhanu wa malembe. Ku va u tshove u nghena eka Nkala-makumu. Ku hava makumu eka Rona.

⁷⁰ Nakona ku ehleketa, leswaku, Xikwembu Lexi endleke hinkwaswo ka sweswo xi tlhela xi swi veka eka ntshamiseko, ni ku vulavula hi swona, xi xikela ehansi xi ta ti endla nyama exikarhi ka hina, ku ta hi kutsula. Xi tlhela xi hi xixima hi Vukona bya Xona bya mhawuri, leswaku Xi—Xi ta yima lahawani eka misava leyi ya vudyoho emasikwini ya mahetelelo, na ku khorwisa Rito ra Xona ku va ri ri tano, hikuva Xi ti bohile eka Rito lero. Amen. Vutifumi na ku lulama ka Yena lonkulu Loyi a nga khoma swilo leswi evokweni ra Yena!

⁷¹ Xiyisisani, matiko. E—e kereke yi fanele hi ku tekela Rito ra Yena ehansi, ku sungula. Kutani, endzhaku ka loko kereke yi Ri tekele ehansi, na ku N'wi vitana “Beelzebub, kumbe moyo wo biha,” kutani Ri tisiwile emahlweni ka mfumo, leswaku rixaka hinkwaro ri ta soriwa. Sweswi hi kuma Yesu, mixo lowu, emahlweni ka—ka mugavhenara, Pilato, wa Murhoma, leswaku a ta tengisiwa. Nakona hi kuma leswaku kereke yi N'wi tekele ehansi, ku sungula, hikuva va nga pfumelanga Hungu ra Yena, hikuva a va nga ri tivi Rito.

⁷² Yesu u va byerile leswaku, “Loko a mi n'wi—a mi n'wi yingisile Muxé, a mi ta pfumela Rito ra Mina, hikuva hi yena loyi a nga vulavula hi Mina.” Wa vona? Hi rero Rito leri muprofeta... Laha, e—e Hosi yi nga ta eka muprofeta, nakona muprofeta u urile Rito ra awara leyia yi ri eku teni. Nakona hi Leri ri titvisaka, ni ku vula leswaku, “Mi ri mi tiva Muxé nakona hi yena mufambisi wa n'wina. A mi n'wi tivi Muxé, naswona a mi ri tivi Rito ra yena.” Hi marito man'wana, U te, “Ndzi Rito. Ndzi Rito leri titvisiweke leri Muxé a nga vulavula hi rona leswaku ri ta ta, nakona ma Ndzi sola.” Wa vona? Hikokwalaho ka mindhavuko ya vona, wa vona, kereke yi N'wi sorile.

⁷³ Sweswi, ha N'wi kuma emahlweni ka Pilato, a tlhela a khorwisiwa hi vuenti, na kona, a tivisiwa eka nkarihi, kumbe kereke, hi murhumiwa wa nkarihi. Va nyikiwile nkarihi wa ku vona na ku pfumela, kambe va Ri ala. Hikokwalaho ka yini va Ri arile? Vo tala va vona va lavile ku swi pfumela Sweswo; kambe mindhavuko ya vona, ku nga ri vanhu, kambe mindhavuko ya vona!

⁷⁴ Sweswi, ma swi vona, kukotisa Nikodema a nga ta na vusiku, nakona a ku, "Hosi, ha swi tiva leswaku U Mudyondzisi loyi a humaka eka Xikwembu. Ha swi tiva leswaku Wena u huma eka Xikwembu. Ku hava munhu loyi a nga endlaka swilo leswi Wena u swi endlaka handle ka loko Xikwembu xi ri na Yena. Hina . . ." I va mani "hina" lava a vulavulaka hi vona? Kereke, Vafarisi, varhangeri va siku lero. "Ha swi tiva. Hi khorwisiwile hi ku hetiseka leswaku U Munhu yena ya luya." Hikokwalaho ka yini kwalaho va nga swi endlaka? Hikokwalaho, ka mafambiselo ya vona. Ndzi lava sweswo swi nwelela swi nghenelela, hikuva sweswo hileswi ndzi nghenaka eka swona. Wa vona? Mafambiselo lawa va nga tihlanganisa na wona, a ku ri wona ya endlaka leswaku va nga tshukunyuku. Hambileswi a va swi vona leswaku ya Loya a ri Mesiya, kambe mafambiselo lawa a va tihlanganisile na wona a ya nga va pfumeleli leswaku va Ri amukela.

Ma—ma swi twisia xana? [Nhlengeletano yi ku, "Amen."—Muhleri.] Sweswi ndzi lava ku vutisa, eka vayingiseri lava va vonakaka, i va ngani lava va swi twisisaka leswi ndzi vulavulaka hi swona? Yimisani mavoko ya n'wina. Hi swona.

⁷⁵ Sweswi, mafambiselo! Va Ri pfumela, nakona a va Ri tiva leswaku ri tano. Hilaha ndzi tsakelaka ku vula nchumu walowo wu fanaka namuntlha! Ha swi vona leswi swi faneleku va kona lahwani namuntlha, nakona ha Ri vona, kambe mafambiselo ya nga ka ya nga va pfumeleri va Ri amukela. Va ti bohile hi matsalwa ya mafambiselo! Wa vona, a hi munhu, i mafambiselo.

Ntsena tanihi laha ndza ha ku vulavulaka hi President loyi a ha ku dlawaka. Ku nga ri munhu; ekule tanihi laha ndzi tivaka ha kona, i munhu wa kahle, a nga kalanga a endla nchumu xo biha tanihi laha ndzi swi tivisaka xiswona. Kambe i mafambiselo. A hi vanhu; i mafambiselo.

⁷⁶ A ku nga ri Mayuda; a ku ri mafambiselo ya vona. Mafambiselo yalawa ya N'wi sorile, hikuva a Ri pfumeleli mafambiselo ya vona. Ma swi twisia xana? [Nhlengeletano yi ku, "Amen."—Muhleri.] Sweswi, swilo swo fana hileswi swi humelelaka sweswi. Nakona va hlawurile nala wa mani na mani, mudlayi.

Kambe mhaka sweswi yi katsa mfumo. Swingaleswi mfumo wu fanele ku tivisa xigwevo lexi, hikuva, ku teka vutomi, swi fanele swi ta emahlweni ka mfumo. A va nga pfumeleriwanga ku swi endla sweswo, hikuva a va ri ehansi ka—ka ku fumiwa hi Rhoma, nakona a va nga swi koti ku teka vutomi swi nga ri na mhaka ni leswaku kereke ya vona yi vula yini, "Hi fanela ku swi endla." Hikokwalaho ka yini, a va—a va nga ta swi endla va ri hava, xo sungula, Rhoma yi va nyika mpfumelelo eka swona.

Swingaleswi, a xi fanela ku tisiwa emahlweni ka mfumo. Sweswi mfumo wu nghenelerile eka nchumu.

Sweswi, loko sweswo swi nga ri xifaniso xa namunlha, a ndzi swi voni. Wa vona, ntsena ku fanana!

⁷⁷ Kereke yi Ri tekele ehansi, sweswi hi lowu mfumo na wona wu nghenelelaka. Nkarhi wu fikile laha tiko, eka hinkwawo, hinkwawo, a ya fanele ku ta. Mhaka yi endliwile. Ku kombisa a ku fikile. Tiko hinkwaro a ri N'wi arile, na ku enhlisa vukarhi bya Xikwembu ehenhla ka vona. Na le mahlweni ka...Hambi yi ri kereke yi N'wi arile, sweswo hi swona leswi a swi ta tisa vukarhi ehenhleni ka kereke. Kambe sweswi tiko ri N'wi landzurile, ku tisa vukarhi ehenhleni ka vona hinkwavo.

Nakona, namunlha, misava yi N'wi landzurile, ku tisa ku avanyisa eka misava hinkwayo. Hinkwawo matiko ma boheka ku avanyisiwa.

⁷⁸ Nakona ha swi tiva sweswo leswaku swi humelerile hi nkarhi wa generali leyikulu ya Rhoma, Titus. U rhendzerile Yerusalem, nakona a ku heteleleni ntsena... Va dyile n'wana wa un'wana; va dya maphantsu ya minsinya, na byanyi bya misava. Nakona—nakona Titus u nghenile a khandziyile a fika a fayeleta makhumbhi a tlhela a hisa doroba, nakona ngati yi khulukela ehansi—ehansi eswitarateni tanahi sweswo, laha a nga va dlayela kona kwalahaya.

Nakona a swi fanele ku va tano. Loko Xikwembu lexi nga lulama xi nga se pfumelela vanhu, lava Xi nga va hlawula, ku ta eka nchumu wo kotisa walowo, ku fanele—ku fanele ku va na xivangelo xo lulama. Xi lulamile. Milawu ya Xona—Xona yi koxa vululami bya Xona. Nakona nawu lowu wu nga riki na xigwevo a hi nawu.

⁷⁹ Loko ndzi nga vula leswaku, ku endliwile nawu lahawani a dorobeni, “I ndziho ku—ku—ku tsutsuma u hundza rivoni ro tshwuka,” nakona a ku ri hava xigwevo xa kona, u ta tshamela ro tsutsuma u hundza mavoni yo tshwuka. Kambe ku fanele ku va na xigwevo.

Kutani xigwevo xa nawu wa Xikwembu, ku alana na nongonoko wa Xona, i rifu. Nakona a ku fanele ku va na rifu, leswaku ri hakeriwa.

⁸⁰ Hi yimile eka ku tengisiwa loku ku yelanaka mixo lowu, misava hinkwako, ku tengisiwa. Tidinominexini hinkwato ti tekele ehansi Rito. Ndza swi tiva leswaku leswi swi twakala swi vavisa. Nakona ndzi lava tiministara leti ti nga yingisela, lava va nga kona kwala na lava va nga eka tithepi, na vona, leswaku va ringeta ku swi twisia leswi sweswi, leswaku ndzi ringeta ku swi veka erivaleni. Kambe ndzi khomelerile mhaka ya mina, kumbe ku endla mhaka ya mina lahawani, na ku vula leswaku hi yimile, namunlha, eka holo yin'wana ya ku avanyisa ya Pilato.

⁸¹ Mi ri, "Loko a ndzi lo yima kwalahaya, a ndzi ta va ndzi n'wi vulavulerile Yesu Kreste." Nakona, kunene, sweswi u endla yini ha swona? Hi walowo nchumu. Wa vona? "A swi na mhaka ni leswaku kereke yi N'wi tekele ehansi ku fika kwih, a ndzi ta va ndzi yime eka tlhelo ra Yena." U na nkateko. Aha. Wa vona? Vona, va N'wi tekele ehansi.

⁸² Sweswi U tengisiwile, namuntlha, kumbe ntsena u lo tengisiwa, kumbe, nakona eka ku tengisiwa, leswaku ku vumbiwa mafambiselo ya misava, ya leswi swi vuriwaka, nhlangano wa tikereke, ku—ku—ku vumba eka—eka Nhlangano wa Misava wa tikereke. Sweswi, nakona va endlile yini xana? Va swi vhotheriele sweswo leswaku hi ku hetiseka va ta hlangana kun'we va hlengeletana kutani va va na nhlangano wa tikereke.

Nakona eka Nhlangano lowu wa Tikereke, leswaku hinkwato tikereke ti boheka ku wela ehansi ka nhlangano lowu, kumbe, loko ti nga endli tano, a wu pfumeleriwa hambi ku ri ku pfumeleriwa ku chumayela, a wu fanelanga hambi ku va na xikhongelo xo khongelela vavabyi. Nakona kereke ya wena yi nga ha tirhiseriwela swin'wana leswi va lavaka ku yi tirhisela swona. Loko va lava ku hlayisa mabokisi eka yona, kumbe switlhava-tlhavani, kumbe swin'wana na swin'wana leswi va swi lavaka ku swi endla, a wa ha ri na vulawuri eka yona. U nga ha wela eka Nhlangano wa Tikereke kumbe u nga weli eka nchumu.

Nakona yalawa i mafambiselo lawa ya nga eku vumbiweni kona kwala eUnited States, lawa ya fikelerisaka Matsalwa, ku ya eka thonsi. Wu fikelerisa leswi Hosi yi nga vulavula na mina hi 1933, wa vona, nakona hi yimile eka nkarhi walowo mixo lowu.

Nakona Yesu Kreste, a nga Rito, u le ku tengisiweni, namuntlha, tanahi laha a swi ri hakona loko a vumbiwa, nakona sweswi U le mavokweni ya hina. U le mavokweni ya misava. Rito ri tivisiwe kahle erivaleni, ku rhendzeleka hi misava, wa vona, nakona U yimile eka ku tengisiwa. Hinkwato tidinominexini ti N'wi tekele ehansi. Nakona sweswi U tengisiwa tanahi... eka Nhlangano wa Tikereke, nakona va N'wi ala nakambe kutani va hlawula tanahi laha va swi endleke nkarhi luwa.

⁸³ Ma swi vona, ntumbuluko eka matimu wa tivuyelerisa hi woxe, hikuva ntumbuluko wu ya emahlweni ku fana. Minsinya ya haya emahlweni yi kula, na matsavu ya mila, na swiluva, na misava yi jika tanahi laha yi endlaka hakona minkarhi hinkwayo. I ntumbuluko. Nakona ntumbuluko wa nguva yin'wana na yin'wana wa tswala, nakambe, nakona wu tlhela wu ti tswala ku—ku va xivonivoni xa leswi e—e—e ntumbuluko a wuri xiswona loko wona wu nga se fika. Nakona, namuntlha, ha tikuma hi yimile eka ndhawu yaleyo nakambe.

Sweswi, Yesu a ri "Rito," Mukwetsimi Yohana, kavanyisa ka 1. Hinkwerhu ha swi pfumela Sweswo. A ri Rito. Nakona hikuva

Yena a ri Rito . . . Ndza kombela swi twisiseni. A ri Rito, nakona A fanelia ku lwisana na mafambiselo.

Nakona a va—a va N'wi alanga hikokwalaho ka mahlori ya Yena. A va endlanga tano. Va te . . . U te, “I mani loyi a nga Ndzi hehlaka?”

“Nakona hi byihi vubihi lebyi Yena a nga byi endla?” ku vule ntombhi. “Xana hi byihi vubihi lebyi Yena a nga byi endla handle ka ku horisa vavabyi xana?”

⁸⁴ Va ku, “A hi N'wi soli eka swilo leswi.” Wa vona? “Ha N'wi sola hikokwalaho ka ku va Yena, ku va a ri munhu, a ti endla Xikwembu hi Yexe.” Nakona Matsalwa lawa ya nga ya vona vinyi ya vule leswaku U ta va Xikwembu.

Eka Esaya, muprofeta lonkulu loyi a nga tsala Tibuku ta makume ntsevu-ntsevu ta Esaya, a tlhela a sungula hi . . . Eka yo rhanga, tanahi le masunguleni; na le xikarhi ka Buku ku ta Yohana Mukhuvuri; nakona yi helela eka mfumo wa Miliniyamu. Nakona Tibuku ta makume ntsevu-ntsevu a Bibeleni, tanahi laha ku nga na kavanyisa ka makume ntsevu-ntsevu eka Esaya. Swa hlamarisa ku va ti wa hi ndlela yaleyo. Esaya 9:6 leyi, u te, “Hikuva hi velekeriwe N'wana, hi nyikiwe N'wandzisanyana; nakona Vito ra Yena u ta thyiwa, ‘Muchaveleri, Hosana ya ku Rhula, Xikwembu xa Matimba, Tatana loyi a nga riki na ku hela, Muhlamarisi.’”

⁸⁵ Nakona vubofu bya mindhavuko, kumbe mafambiselo, a swi nga ta swi vona sweswo leswaku Yaloye a ri Xikwembu; hi muprofeta loyi a nga wa vona, loyi Rito ri taka eka yena, loyi a nga vula leswaku U ta va Xikwembu. Mafambiselo ya vubofu! Swingaleswi va a rile Rito, nakona va tsakela mudlayi ematshan'wini, Barabas.

⁸⁶ Nakona, namuntha, Rito, ku va ri ri erivaleni eka siku leri, ri kombisiwile. Ri endlive leri ri hanya. Ri kombisiwile leswaku ri Ntiyiso. “Nakona emasikwini yo hetelela,” tanahi laha Yesu a nge te, “tanhah laha a swi ri hakona emasikwini ya Sodoma,” na kun'wana, “swi ta va tano eku vuyeni ka N'wana wa munhu.” Xona Xikwembu xexiya, hi Xoxe, Lexi a xi ri Rito, xi bvumbhile nkarhi wa makumu na leswi swi nga ta humelela; nakona Mavoni ya ta humelela enkarhini wa ni madyambu; ni hilaha, Malakiya 4, U ta swi rhumela swi leswi ni ku swi khorwisa.

⁸⁷ Nakona swi tisiwile endzhawini yo bohela swiboho kona, nakona tikereke ti Ri tekele ehansi. Nakona xana tikereke ti tsakerile yini? Mudlayi wa Rito, un'wana loyi a tekaka mafambiselo. Loko mafambiselo ya ri karhi ya hambana na Rito, kutani i mudlayi wa Rito. Nakona va tsakerile ndhavuko wa dinominexini, ematshan'wini ya Rito ra ntiyiso leri vonakarisiweke ri tlhela ri khorwisa leswaku Ri Xikwembu exikarhini ka vanhu; hi sayense, hi swifaniso, Rivoni, hi Ntsumi yaliya ya Hosi, Langavi ra Ndzilo.

Yena Yaluya a nga hanya emisaveni eka—eka miri wa Yesu Kreste, u tile ehenhleni ka vanhu va Yena emasikwini yo hetelela, laha sayense yi nga teka xifaniso xa Rona. Kereke yi vonile mintirho ya Yona. Yi tivisiwile hi vuenti, hi tithepi na hinkwaswo, ku rhendzeleka na ku rhendzeleka hi misava, na ku ministara hi vumunhu.

Nakona hambiswirato, eka hinkwaswo sweswo, mafambiselo ya vona ya navela Nhlangano wa Tikereke ku ta sola Ntiyiso. Ku navela mudlayi loyi a nga ta pfalela, kumbe ku miyeta, kumbe ku yimisa. Nakona, swi ta swi endla, va ta wu yimisa Nchumu walowo. Nakona Nhlangano wa Tikereke wu ta fanelia ku swi endla sweswo. Hi walowo mfungho wa xivandzani; antikreste, ku lwisana na Rito, laha ku nga Kreste. Kambe ku nga ri bya vona vutiti-...

⁸⁸ Va ehleketa leswaku i mindhavuko. Va ehleketa sweswo leswaku mindhavuko ya vona yi huma eka Xikwembu. Wa vona? Kambe yi nga ka yi nga yimi na Rito, nakona hambi ku ri Xikwembu a xi byi tiyisisanga leswaku byi lulamile. Yesu u tlakuke a yima na Rito, kambe ku nga ri nhlangano wa vona; kambe na Rito. Nakona Rito ra khorwisa leswaku Yena a ri Xikwembu.

Nakona Ra khorwisa namuntilha leswaku Ri Xikwembu, hikuva Ri hanya Vutomi byin'we, Ri endla swo fana exikarhi ka hina leswi Ri nga swi endla le ndzhaku, na ku va ri bvumbhile.

⁸⁹ Swingaleswi va endla yini? Va amukela swin'wana leswi... Va amukerile, xikan'we-kan'we, mafambiselo ya lawaya ya nga ta ri vamba Lero. Nakona ku vamba kwaloko ka hlanganyelo wa tidinominexini leti ti tshuxikeke ku fikile. Hi swona sweswo.

⁹⁰ Sweswi, sweswo a swi nga hambani na Matsalwa. Swi va swi ri na Matsalwa. "Nakona va vumbile xifaniso xa xivandzani." Ku hlanganisa tidinominexini ta misava kun'we eka Protestant yin'we, ku vumba mfungho wa xivandzani, xifaniso xa xivandzani, ku ya hi Nhlavutelo 13:8. "Nakona va endlile xifaniso lexi fanaka na xivandzani."

Xivandzana i "Rhoma." Hinkwerhu ha swi tiva sweswo. Kambe minkarhi hinkwayo xi va xi ri Rhoma, hinkwenu... Swi nga endlekisa ku yini—swi nga endlekisa ku yini leswaku ku va Russia, loko Bibele yi ku i Rhoma? Wa vona, vanhu ntsena va kuma mavonelo yo hoxeka. Wa vona? Swi nga endlekisa ku yini leswaku ku va nchumu wun'wana, loko xi bvumbhiwile leswaku xi tata xi huma a Rhoma?

⁹¹ Tlhelelani endzhaku eka Daniel nakambe, nsimbhi na vumba enkondzweni; nsimbhi a yi kalanga yi yima, ku sukela ematsolweni ku ya fika emakumu. Nakona un'wana na un'wana wa swi tiva leswaku Russia a yi nga se tiviwa hi nkarhi luwa. A ku ri Rhoma. Dragona yo tshwuka a ku ri Rhoma. I Rhoma minkarhi hinkwayo. Nakona nsimbhi yaleyo a yi kalanga yi ncincela eka

swin'wana, ku sukela eka Rhoma ku ya kun'wana; ri tshame yi ri Rhoma. Nakona xivandzani i Rhoma!

⁹² Nakona Rhoma yi na mafambiselo ya vukhongeri lawaya nhloko ya wona leyi yi nga fa... kumbe mbanga yo chavisa yi yi dlayile enhlokweni ya yona, kambe yi tlhele yi pfuxiwa nakambe, ku sukela eka Rhoma ya vuheneni ku ya eka Rhoma ya vupophphu. Nakona sweswi va ta endla xifaniso ha rona, ya huma eka xivandzana lexi xi humaka eka Nhlavutelo 13.

Mi kale mi xiyisisa? Tiko leri ri nambara ya khume nharhu, na ku humelela... A ndzi vuli leswi hi ku... Swa—swa chavisa, hambiswiritano, leswaku swi ta humelela hi ndlela ya tinhlayo, xi... ntsena hi ndlela ya kona na Matsalwa. Ri kumeka eka kavanyisa ka vu13 ka Nhlavutelo, tiko leri.

⁹³ Hinkwaswo swivandzani leswin'wana swi ta swi huma hi le matini, laha ku nga ku bumbula na vunyingi bya vanhu, Bibele yi te; kambe xivandzani lexi xintsongo xi ta xi huma emisaveni, laha a ku ri hava vanhu. Hambiswiritano, a xi ri xinyimpfana, ntshuxeko wa vukhongeri; kutani xi vulavula kukotisa dragona, na ku tihlanganisa kun'we xona na matimba na ku endla hinkwaswo leswi dragona yi swi endleke emahlwени ka xona. Hi swona. Swingaleswi hi sweswo. Swi—swi fanele ku va hi ndlela yaleyo ntsena. Ku hava ndlela yin'wana ya ku rhendzeleka hi swona.

⁹⁴ Nakona hi hina lava, namuntlha, hi vumbaka mafambiselo. Mafambiselo! Hi nga ka hi nga rindzeli kukondza swin'wana... Hi ringetile ku endla un'wana na un'wana a va e—eMuluthere; nakona va nga swi koti ku swi endla. Ku ringeta ku va endla va va Mabaptist; a hi swi kotanga. Hinkwavo va va Mamethodist, kumbe hinkwavo va va Mapentekostal; a va nga ta swi kota. Swingaleswi, hi ku endlela ku swi endla leswi, nkarihi wu kome ngopfu, va vumbile nhlangano, nhloko, ya xifaniso xa xivandzana. Sweswo hi swona hakunene va nga swi endla. Nakona swi yini? Ku vambiwa ka Rito, nakambe, swi fikile. Ri le ku tengisiweni nakona ku nga ri khale ri ta fika ehansi.

⁹⁵ Xiyisisani, Rito leri nga vonakarisiwa, ku suka eka dinominexini. Ra ti vonakarisa. E—e Rito leri nga hambana ku suka eka dinominexini.

Xana i yini leswi, xana ma yini mafambiselo lawa? Ma sathalayiti eka Rhoma. Xana Bibele yi vule leswaku ya ta va tano? Ina, nkulukumba! Nhlavutelo 17, va vonile Rhoma yi pfuka hi yoxe eka mafambiselo ya xikereke, ya wansati. Wansati, kereke minkarhi hinkwayo yi yimela hi wansati.

Hikuva, Mutekiwa wa Kreste i wansati. Evha a ku ri yena loyi a nga wa; hi yena Loyi a fanelaka ku kutsuriwa. Nakona Kereke (yi yini?) yi wansati loyi a nga kutsuriwa.

⁹⁶ Nakona wansati loyi u tshamile ehenhleni ka xivandzani lexi nga na tinhloko ta nkombo. Nakona ha ti tiva tintshava ta

nkombo, na swin'wana, tanahi laha Bibebe yi nga vula hakona leswaku ti ta va tano. Ku hava xihoxo. Ku hava xinkadyana xa xihoxo. Wa vona?

Nakona xiyisisani kwalaho, hi kuma leswaku, a ri "MANANA WA TINGHWAVAVA." Wa vona? Nakona manana na nhwana wa yena va hlangana kun'we nakambe eka xinakulobye xa vunghana. Laha, kan'we, nhwana a nga balekela mana wa kwe, ku ya ringeta ku ya hanya hi mukhuva lowunene, hikuva mana wa kwe a ri le hansi a tlhela a biha ku fikela laha nhwanyana a sukelaka kaya. Ahaa. Kambe sweswi, ku sukelala loko a ri wa malembe lamantsongo, yena, na ku endla swilo swo tala leswo biha, hi yexe; u vona mana wakwe, u vona leswaku mana wakwe a ri kahle, swingaleswi u tivumbela mafambiselo lawa ya nga ya yena n'winyi. Wa vona? Hi swona.

⁹⁷ Ku hlanganisa tidinominexini, Protestantism, swi fikelerisa leswi Matsalwa ya nga swivula hi Nhlavutelo 17. "Hinkwavo, lava mavito ya vona ya nga tsariwangiki eBukwini ya Vutomi ya Xinyimpfana, a va wela eka yena." Un'we kumbe un'wana, hambi ku nga va xivandzani kumbe xifaniso xa xivandzana. Bibebe yi vule tano.

Nakona Yesu u vulavurile ha swona leswi, ku nga ri tanahi xikhomonisi. Kambe eka Matewu kavanyisa ka vu²⁴, hi sungula hi vhese ya vu²¹ ku ya fika eka ya vu²⁶, U bvumbhile leswaku moyo lowu wu nga eka mafambiselo wu ta va wu tele ngopfu tanahi nchumu wa ntiyiso ku fikela laha wu nga ta kanganyisa na vona Vahlawuriwa loko swi nga koteka; Vahlawuriwa, lava Mavito ya vona ya nga nghenisiwa eka Buku ya Vutomi ya Xinyimpfana masungulo ya misava ya nga si va kona. Nakona, hakunene, ku va kumile va bohiwile swinene, ku fikela laha Yena a nge te loko Yena a nga hungutanga ntirho, hikokwalaho ka vona, a ku ta pfumaleka nyama leyi a yi ta ponisiwa emisaveni. Nakona ntsena hi na . . .

⁹⁸ Leri i—leri i '64, a hi rona xana? Nakona ndzi pfumela leswaku va koxa kwalomu ka khume nkombo wa malembe ya sukile eka wona, swingaleswi, ku ya hi khalendaru. Nakona hi na '64, 1964, leri ri nga ta endla (i yini sweswo?) ku sale makume nharhu-ntsevu wa malembe, ku ya eka makume mbirhi-n'we wa malembe xidzana.

Nakona magidi mbirhi yan'wana na yan'wana ya malembe, misava yi fikile emakumu ka mafambiselo ya wona ya swa misava, mafambiselo ya swa vukhongeri, ku ya fika emakumu ka mafambiselo hinkwawo, nakona Xikwembu a xi fanele ku nghena eka swona. Xi swi endlile eka masiku ya Nowa; magidi mbirhi wa malembe yo rhanga. Magidi mbirhi wa malembe ya vumbirhi; mafambiselo ya vuyile ku ya laha tsalwa ra hina ri vitanaka, mixo lowu, nakona Xi rhumerile nakambe Rito ra Xona. Xi rhumerile Rito ra Xona hi muprofeta, hi nkarhi wa

Nowa, muprofeta Nowa; nakona vanhu va Ri arile, hikwalaho ka mafambiselo ya vona. Xi rhumerile Rito ra Xona nakambe hi nkarhi wa Yesu, Rito ri vonakarisiwa hi vutalo; vanhu va Ri arile. Nakona sweswi i 1964, leswi swi siyaka makume nharhu-ntsevu wa malembe ku fikela laha hambi ku ri magidi mbirhi wa malembe yo engetela; nakona Rito ri tisiwile, nakona mafambiselo ya Ri arile.

⁹⁹ Hi le ku suhi njhani hina? Kumbe swi tlula hi ku ehleketa ka hina, wa vona, leswaku nkarhi wun'wana na wun'wana swi nga ha humeleta. Nkarhi wun'wana swi humelerile, hikuva hinkwerhu ha swi tiva, tanahi laha ndzi vulavuleke eka Sonto lowu wu nga hundza loko ndzi ri kwala. Vito ro hetelela ri nga ha va ri ri eka Buku yaleyo; loko ri ri kona, a ka ha ri na ku nghena. Misava yi ta ya emahlweni tanahi laha a yi ri xiswona, kambe Kereke yi lemeriwile. Xiyisisani loko ha ha ya emahlweni lahawani. Mavito ya vona, sweswi, a nge kanganyisi lava mavito ya vona ya nga tsariwa eka yona.

¹⁰⁰ Xana i yini? Swi fanele ku va mafambiselo. Wa vona? Nakona ntsena ehleketani, ku nghena eka dinominexini yaleyo eka mafambiselo yalawa, xana u endla yini seni? Xana u endle yini kwihi? U lemeriwile, wa vona, ku suka eRitweni, ku ya eka mafambiselo ya vudlayi lawa ya tekaka, “Ya ku va na nghohe ya vukhongeri, kambe va ri karhi va ala Matimba ya byona.” I mfungho wa xivandzani. Hi swona. Wa vona?

¹⁰¹ I xivandzani lahaya, leswi xi nga swi endla; nakona hi lexi xifaniso lahawani, swo fana. Nakona xivandzani a xi ri lexikulu, lexi xi yumbaka kereke yaleyo yi kulukumba ya misava hinkwayo a Nicaea, wa vona, leswaku va endlile hinkwayo—hinkwayo misava yi ta eka swona, eka mafambiselo yalawa yan'we. Nakona a va ehleketa leswaku swi kahle, “Ku hava loyi a swi kota ku endla nyimpi na vona,” ku vule Bibele, ku fikela laha va endlaka xifaniso xa xivandzana, na ku tisa hinkwavo Maprotestants ma nghena eka Nhlangano wa Tikereke; lowu wu yumbaka mafambiselo, lawa a wu nga lemukiwi hambi ku ri ku lemukiwa tanahi Mukreste kumbe swin'wana handle kaloko u ri wa mafambiselo yalawa.

¹⁰² Hi kwaloko ku hambana exikarhi ka mfungho wa xivandzana na ku Lemela ka Xikwembu. Xikwembu xi lemela hi Rito ra Xona. Ma ri pfumela Rito leswaku ri tano? [Nhlengeletano yi ku, “Amen.”—Muhleri.]

Sweswi mi ri, “Hi swona sweswo, Makwerhu Branham?” Ina, nkulukumba.

¹⁰³ Sweswi, ndza swi tiva leswaku n'wina Masavata, kumbe Maseventh-day Adventists, mi ri, “Ku hlayisa siku ra Savata.” Kambe sweswo a hi swona. Ku nga ri leswaku ndzi bihe ngopfu eka n'wina, kambe sweswo hi ku hetiseka a swi hi xitsalwa.

Vaefesa 4:30, yi ri, “Mi nga tshuki mi twisa ku vava Moya lowo kwetsima wa Xikwembu, lowu mi nga lemeriwa hi wona ku ya fika siku ra ku kutsuriwa ka n’wina.” Wa vona?

¹⁰⁴ Sweswi, Moya lowo Kwetsima i Rito. Xikwembu a hi swinhарhu. Xa ha ri Xikwembu xin’we eka ku averiwa kunharhu, tihofisi tinharhu. Xikwembu, xi nga Tatana, xi nga ehenhla ka nawu; Xikwembu, xi nga N’wana, eka tintswalo; nakona Xikwembu, lexi nga Moya lowo Kwetsima, tanihi laha mi Wu vitanisaka xiswona, Xikwembu xin’we eka ku averiwa ka Moya lowo Kwetsima. Xikwembu, Tatana, a xi ri Rito; Xikwembu, N’wana, a xi ri Rito; nakona Xikwembu, Moya lowo Kwetsima, i Rito. Wa vona, kova ntsena tihofisi tinharhu. Nakona ku-... Nakona Moya lowo Kwetsima wu mi lemerile, swingaleswi mi lemeriwile hi Rito.

Sweswi mi ri, “Kunene, ndzi lemeriwile hi . . .”

¹⁰⁵ Hi swona, kutani, wa titivisa wona hi woxe. Wa vona? Ya khorwisa. A wu nge swi koti ku wela eka mafambiselo, u tlhelua va u lemeriwile hi mafambiselo na Rito, wa vona, hikuva swa hambana, xin’wana eka xin’wana. A wu nge swi koti ku swi endla. Hi swona.

Sweswi hi kuma, leswaku, nsusumeto lowu wu fumbisaka wa muchini lowukulu, nsusumeto lowu wu fumbisaka wa muchini lowukulu, sweswo i ku . . .

Muchini, wu na . . . movha, wu na tiphisitili, tivhelufu, na khabareta, na swin’wana. Sweswo i—sweswo i nsusumeto lowu wu fumbisaka.

¹⁰⁶ Ndzi tsakela ku vula swin’wana eka Kereke leyi nga kwala, swi ta eka mikhumhulo ya mina. Wa vona, sweswo hileswi . . . ndzi pfumela leswaku hi le ku suhisuhi swinene na makumu, ndzi—ndzi ya eku vuleni ka swin’wana sweswi. Wa vona? Wa vona? E—e nsusumeto lowu wu fumbisaka, ku na vanhu vo tala lava va ringetaka ku nyika nhlamuselo ya nsusumeto lowu wu fumbisaka va nga ri ku wu tiveni. Wa vona? Nchumu wun’we ntsena n’wina . . . Nakona, ma swi tiva, mi fanele ku swi tiva. Nsusumeto lowu wu fumbisaka wa tiveka. Sweswi ku nga humelela yini loko Muxe . . .

A ku ta humelela yini loko un’wana a lo, “Nowa, ndzi lava leswaku u hlamusela hi ta—hi ta nsusumeto lowu wu fumbisaka wa ngalava loko yi ta papamala. Swi njhani sweswo?” A nga ta swi kota ku swi endla.

A wu fanelanga ku tiva nsusumeto lowu wu fumbisaka; ntsena Ntivo-vufambisi wa Wona. Wa vona, Ntivo-vufambisi hi wona lowu mi lavaka ku wu tiva.

“Njhani?” Kunene, loko un’wana a ta eIsrael, a fika a ku, “Ndzi byeli, Muxe, ndzi lava ku twisia. Xana u swi tumbuluxisa ku yini swiharhi hi rito leri nga ra wena?”

¹⁰⁷ A ku, a ku, “A hi rito ra mina. I Rito ra Xikwembu. Xi ndzi byele ku swi endla.” Wa vona?

¹⁰⁸ “Ndzi—ndzi—ndzi . . . Vula, ndzi hlamuseli leswaku u ti endle njhani tinhongana leswaku ti ta ehenhleni ka misava, loko ku ri hava na yin’we, tinhongani teto to tala ehenhla ka misava.” Wa vona? Muxe a nga ta swi kota ku swi hlamusela, hi yexe. A wu fanelanga ku swi hlamusela. “Xana u nga wu endlisa ku yini moya wale vuxeni wu ta wu ta hunga wu tsemekanya Lwandle ro Tshwuka, nakona hinkwerhu hi ku landzela eka misava leyi omeke. Hlamusela nsusumeto lowu wu fambisaka wa sweswo. Hi wahi—wahi—wahi e—e—e maendlelo lawa u nga ma tirhisa, Muxe? Hi wahi? Ndzi byeli hi vulavisisi bya xisayense bya leswaku i athomo yihi leyi u nga yi tshika.” Wa vona? Wa vona?

¹⁰⁹ A nga switivi. Yena, hi swona, a nga wu tivi nsusumeto lowu wu fambisaka; ntsena a titivela ntivo-vufambisi. Nakona—nakona yaleyo hi yona ndlela.

A ndzi nge swi koti ku ku byela hilaha ndzi hanyisaka xiswona. A ndzi nge mi byeli hilaha n’wina mi hanyisaka xiswona, kambe mi le ku hanyeni. A ndzi nge mi byeli hilaha mbilu ya n’wina, na hilaha swakudya swa n’wina swi fambisaka xiswona na ku endla ngati. Na ku teka e—e ntamu wa swakudya sweswo, na—na ku va swi ya eka khumbhi lero ra vunharhu ra ndlela ya rhumbu na ku tlhelela endzhaku eka vutomi bya ngati, na ku byi rhumela byi vuyela eka n’wina. A ndzi—ndzi nge swi koti ku swi hlamusela sweswo, kambe swa endleka. Wa vona, swa endleka. A ndzi—ndzi nge swikoti ku swi hlamusela. A ndzi wu tivi nsusumeto lowu wu fambisaka. Kova ntivo-vufambisi.

¹¹⁰ Sweswi, Muxe a nga ha va a tivile ntivo-vufambisi, kambe a ku nga ri na munhu loyi a vekiwile ku swi twisia handle ka Muxe. A va swi tiva leswaku swa tirha, nakona sweswo swa va enetisa. Hikokwalaho ka yini swi nga koteki leswaku vanhu va enetisiwa hi ndlela ya leyo namuntlha? Wa vona? Munhu un’wana na un’wana a swi nga ta koteka leswaku a va Muxe. A ku ri na Muxe un’we ntsena. Ntsena a va switiva leswaku swi huma eka Xikwembu. Va swi vonile lewaku a swi ri swa Xikwembu.

Nakona va landzelerile na ku endla swa kahle kukondza va sungula ku swi vutisa, va lavile ku pfuxa un’wana leswaku a endla swo fana, Korah, Dathan. Nakona loko va ta va va kumile un’wana loyi a nga ta tisa ku encenjeta ka xinyama, Xikwembu xi hetelele xi te, “Wena tiavi. U nga ngheni eka mafambiseloyalawa ya vandla. Wa vona, tlhava goza u huma eka swona! Ndzi ya eku swi miteni.” Hiloko Xi pfula misava xi yi mita. Wa vona?

¹¹¹ A mi swi tivi, a mi fanelanga ku tiva nsusumeto lowu wu fambisaka. Ntsena tivani ntivo-vufambisi, nchumu lowu wu byi endlaka byi tshukunyuka, lowu wu byi endlaka leswaku byi va bya ntiyiso, na ku vona loko hakunene byi ba pakani leyi Bibebe

yi nga yi tshembhisa leswaku byi ta ba eka siku leri. Wa vona, byi Rito nakambe, ku tlhelela eRitweni.

¹¹² Sweswi, muchini lowukulu wu le ku simekiweni sweswi, wu ti lulamisela ku famba. Nsusumeto lowu wu fambisaka khale wu ri kwalahaya. Khale va ri na nsusumeto lowu fambisaka wa nhlangano lowu wu taku a ku tiseni, ehenhleni ka misava, “ka ku rhula,” va vula tano. Va na . . . tani hi U.N.

Matiko ya hlangane kun’we. I nkarhi wa ku hlengeletana. Ntsena ndza ha ku chumayela hi swona, ku nga ri khale. Ku . . . Va hlengeletanile kun’we, ku tisa yini? Ku rhula ka misava. Va swi endile sweswo eka League of Nations. Minkarhi hinkwayo va swi endla, nakona a swi kali swi tirha. Swi nga ka swi nga tirhi. U.N a yo va nchumu handle ka baluni ya rhaba leyi yi rhwariwaka hi moya wun’wana na wun’wana wa dyondzo ya tiko rin’wana na rin’wana. Yi ta buluka yi pfurhetela eka xin’wana na xin’wana. Swi nga ka swi nga tirhi.

Hambi ku ri Nhlangano wa Tikereke wu nga ka wu nga tirhi. I nkondletelo wa munhu, lowu wu hambanaka na mafambiselo . . . kumbe hi mafambiselo ya vona lawa ya hambanaka na Rito ra Xikwembu, nakona ya nga ka ya nga tirhi. “Xana vambirhi va nga famba njhani handle ka loko va twananile?” U nga ka u nga swi endli. Nakona swi nga endlekisa ku yini eka kereke ya Vakreste, ku va yi va na . . .

¹¹³ E—e Mapentekostal, ma Assemblies of God, na e—e tikerekete letin’wana ta kahle ta—ta mfumo wa Xipentekosta, na ta vanhu va Full Gospel, xana va nga tshika njhani madyondziselo ya vona xievhangeli, yona milawu leyi va nga yima eka yona? Na laha va nga kuriseriwela kona, ku ta va huma eka mavandla yalawa na ku ya sola; nakona a va fanelia ku tshika dyondzo ya vona ya xievhangeli, ku famba na vavanuna lava va nga yimiki na milawu ya Bibele, na ku horisa ka Vukwembu, na Matimba ya Xikwembu, na Yesu Kreste. “Xana vambirhi vanga famba njhani handle kaloko va nga twanananga?”

¹¹⁴ Hi sweswo, yaleyo i awara leyi hi nga fika eka yona, nakona yaleyo hi yona muchini lowukulu lowu wu nga simekiwa. Sweswi va na nsunsumeto lowu fambisaka. Ntsena nchumu wun’we lowu va faneleke ku va na wona i Sathana kwalahaya, na ntivo-vufambisi, ku ta bohelela ku fungha ka xivandzani. Loko a ta tlimbeletiwa, kutani ntivo-vufambisi wu ta va wu ri eku tirheni. Nsunsumeto lowu fambisaka wu kona kwalahaya. Khale wu va kumile.

¹¹⁵ Mi nge ndzi vula swin’wana, na mina; nkarhi lowu wo hlengeletana, ku vona tikerekete loko ti hlengeletana, matiko ya hlengeletana. I nkarhi wo hlengeletana na Xikwembu na Mutekiwa wa Xona, na xona. Nakona ndzi vula leswi hi xichavo na nhloniph. Ndzi pfumela leswaku Mutekiwa wa Kreste u vitaniwile. Ndzi pfumela leswaku U lemeriwile eka Mfumo wa

Xikwembu. Ndzi pfumela leswaku nsunsumeto lowu fambisaka wu kona kwalahaya. Va rindzerile Ntivo-vufambisi lowu wu nga ta N'wi teka wu n'wi susa emisaveni, ku ya eVukwetsimeleni, eka ku Tlhandlukisiwa. Ndza swi pfumela hi mbilu ya mina hinkwayo. Ina, nkulukumba. A hi swi tivi leswaku Xi ya swi endlisa ku yini, kambe Xi ta swi endla.

Hi Xona Ntivo-vufambisi. Hina hi va swirho swa muchini, wa Miri wa Yona, hi tivumba hi hexe eka xifaniso xa Xona, na ku Xi vona xi hlanganyela hi Xoxe na hina, eka mintirho ya Xona, hi tinyiko ta Xona ta rirhandzu, tanihi laha Xi hi nyikeke tona ntsena loko ku nga se fika Nkhuvu wa Vukati. Nakona hi rindzerile, hi hlalela sweswo.

Kereke ya vona leyikulu yi fanele ku hlanganyela kun'we.

¹¹⁶ Ntivo-vufambisi wa Kereke wu ta va wu ri ku tatisiwa ka Moya lowo Kwetsima lowu hi nga tirha endzeni ka wona hi mpimo wale hansi loko Nhloko ya ribye yi ri eku xikeleni ehansi ku ta hlangana na Miri. Kambe loko Nhloko yaleyo na Miri swi hlangana kun'we, matimba lawa ya hetisekeke ya Moya lowo Kwetsima ya ta N'wi pfuxa ntsena hi ndlela yaleyo; hambi ku ri vafi, lava feleke eka Kreste, ku ringana madzana-dzana ya malembe lawa ya nga hundza, va ta pfuka eka ku saseka ka ku kwetsima ka Yena, na ku teka ku hahela eswibakabakeni. Ntivo-vufambisi i Moya lowo Kwetsima.

¹¹⁷ Nakona sweswi ntivo-vufambisi wa mfumo lowukulu lowu va nga wu aka, muchini lowu wukulu wu ta tirha siku rin'wana eka huvo ya vun'we ya Huvo ya Tikereke ta Misava, leyi yi nga ta endla ku bohelela, na yona. Tsund-... kambe tsundzukani...

Mi ri, "Loko sweswo swi humelela..." Swi ta va swi hlwerile kwalaho eka n'wina. Khale mi ri eka swona. Hambi mi lava ku va eka swona, kumbe mi nga swi lavi, khale mi ri kwalahaya. Ma vona? Xiyisisani, khale mi ri na wona moya walowo ehenhleni ka n'wina.

¹¹⁸ Hi siku leri loko e-loko e-e timheho ta Moya ti hunga ku suka evuxeni, n'walungu, vupela-dyambu, nale dzongeni, wu ri karhi wu kucetela vanhu ku huma eka wona, na ku kombisa vanhu!

Hi xona xivangele ndzi lwisana na mafambiselo ya lawa. Ndzi swi vonile leswaku ku na swin'wana lahaya, munyama. Tanihi loko ndzi vona vavasati va kona hi ndlela leyi va torisaka xiswona sweswo eka swikandza swa vona, ndzi mi byerile eka Sonto lowu wu nga hundza, a ndzi swi tiva leswaku ku na swin'wana swi nga eku teni.

¹¹⁹ Hikokwalaho ka yini ndzi kumeka ndzi ri karhi ndzi lwisana na maendlelo yalawa nkarhi hi nkawo? A ndzi nga swi tiva; sweswi ndza swi tiva. Hikokwalaho ka yini minkarhi hinkwayo ndzi lwisana na vukhongeri lebyi byi nga kondleteriwa? Swi hikokwalaho (ndza swi vona sweswi) i mfungho wa xivandzani.

Wa vona? A ndzi kalanga ndzi swi vula sweswo kukondza ku fika mavhiki yo hlaya lawa ya nga hundza. Wa vona?

Sweswi, endzhaku ka tipolotiki ta kereke, kutani ku humelerile yini? Endzhaku ka loko Rito ri kombisiwile hi ntiyiso? Sweswi, langutani, ti hetelele ti kumeka endzhawini laha ku faneleke ku va na ntshamiseko. Pfhumba ra vona sweswi a ku ri...

¹²⁰ Xana pfhumba ra Mayuda leri a ri landzela endzhaku ka loko kereke yi Ri tekerile ehansi hi rihi? Kereke yi tekele Rito ehansi. A va lavanga na nchumu ha Rona. “A Ri ri moya wo biha.” A Ri tiva mianakanyo leyi a yi ri etimbilwini ta vona. “A ri bihile.” Hambiswiritano, a Ri ri Rito. Mintirho leyi A nga yi endla, a yi mbhoniyela ha Yena, yi kombisa leswi Yena a ri Xiswona. A va kalanga va lava na nchumu xo xi endla ha Rona.

Kutani, lexi landzelaka, xi tile eka mfumo. Nakona leyi i kereke ya mfumo, hikuva tiko hinkwaro ri katsiwile. A ku ri na tiko leri ra vuvedeni leri a ri lawula tiko ra vukhongeri. Sweswi, swi, nchumu hinkwawo i vukhongeri, swingaleswi swi fanele ku ta eka vukhongeri bya misava.

Oho, mina, munhu wa bofu a nga swi vona sweswo! Nakona munhu wa bofu u ri yini loko a swi vona leswi? Loko a swi vona, u ta huma eka vubofu bya yena.

¹²¹ Xiyisisani lahaya loko huvo leyi ya misava yi hlengeletana kun'we, “Xana hi nga endla yini ha Yesu loyi a vuriwaka Kreste xana?” Hakunene a va lavi nchumu xo xi endla ha Rona. Swingaleswi kova na nchumu wun’we ntsena wo wu endla, kutani, ku ya hileswi va nga swi endla eku sunguleni, va ta Ri vamba, hakunene, va Ri miyeta. “Ri nga ka ri nga ha vi kona. Ri nga ka ri nga ha pfumeleriwi ku swi endla.” Matimba ya vukhongeri bya matiko a byi nga ha va pfumeleriwi ku swi endla nakambe. Ministri wo tanihi lowu wu yaka emahlweni lahwani, na swin’wana swo kotisa sweswo, swi ta va swi pfaleriwile hi ku hetiseka. A wu nge swi koti ku swi endla handle ka ku va u ri na mpfumelelo lowu wu humaka etsindza, eka nhloko ya kereke, wa vona, xifaniso eka xivandzana. Oho! Hi kona kwala, hi swona hinkwaswo. Hi—hi—hi fikile.

Na ku kombisa hi ntiyiso; pfhumba leri ri landzelaka i ku N’wi vamba.

¹²² Swa fana na sweswi, ku endla leswaku hinkwawo lava vo ka va nga va joyinanga, va ta miyetiwa nakona a va nga pfumeleriwi ku chumayela, ma swi vona. Sweswo swa vamba, hi vuntshwa, Rito leri ri nga kombisiwa ra xitshembhiso. Ku ri yimisa, “A wa ha pfumeleriwi ku va na rona nakambe. A ka ha ri na swikhongelo swo horisa. A ka ha ri na xikhongelo xa vavabyi. Ee, nkulukumba! A wu nge swi koti ku swi endla. Ee, ka ha ri hava nchumu wun’wana. Ee, nkulukumba! U ta ta hi Huvo ya Tikereke kumbe u nga vi na nchumu na swintsongo.”

¹²³ Sweswi mi nga ha swi vona leswaku hikokwalaho ka yini ndzi lwisana na vukhongeri bya dinominexini, hikuva byi mfungho wa xivandzana. Rhoma hi yona nhloko ya byona, yo sungula. Sweswo hi swona hakunene. Nakona yi vangela hinkwavo ku byi teka hi ku joyina vanhwana, sweswo i xifaniso. Manana wa byona u endle swo fana. Hi kwihi laha Rhoma yi nga sungula ku ti kondletela? Xana i vukhongeri byihi lebyi byi nga sungula byi tikondletela emisaveni xana? I bya Khatholiki ya Rhoma. Un'wana na un'wana la kumeke rito leri ri nge a swi tano, ntsena mi nge ndzi swi twa. A hi kona lahawani. Nhlangano wo rhanga, kereke yo rhanga leyi yi nga tshama yi tikondletela, a yi ri eNicaea, a Rhoma. Ina, nkulukumba. Nakona sweswo hileswi hakunene va swi endleke.

¹²⁴ Nakona xana Luther u endlile yini endzhaku ka rifu ra yena? Va endlile swo fana na leswi va nga swi endla eNicaea, a Rhoma. Xana va endlile yini endzhaku ka Wesley? Xana va endlile yini endzhaku ka hinkwawo mapfhumba lamakulu lawa ya nga ta? Va endlile swo fana, va endlile vanhwana leswaku va va tinghwavava, ntsena hi sweswo tanihku hetiseka. Tanihi sweswo, ku fanana, hi kuma leswaku lahawani...

¹²⁵ A ndzi ri na Matsalwa ya ntsongo lawa ndzi nga ya tsala ehansi lahawani. Kumbe swa antswa ndzi ya tlula yalawa. Kambe, nakona langutani, a va ri na...

Ku kondleteriwa ka kereke ku vile na mafambiselo man'we namunthla. Nchumu lowu va wu lavaka i ntivo-vufambisi wa swona, ntsena swin'wana ku swi tshamisisa eka matimba. Nakona swi ta eka ku kombisa, xikan'we-kan'we.

¹²⁶ Kereke ya Khatholiki na tikereke ta Protestant ti ta va vanghana. Ndzi mi byerile sweswo ku sukela—sukela eku sunguleni, eka malembe yo hetelela ya makume nharhu. Va ta hlengeletana kun'we. Nakona mi vona hakunene leswi va swi endlaka sweswi. E—e Protestant yi nga ka yi nga vi Khatholiki, kambe va ta va na vun'we bya xinakolorhi, mfungho wa xivandzani, lowu fanaka na xivandzana.

¹²⁷ Tani hi maendlelo man'we lawa manana, Evha, a nga onha misava hinkwayo ku ya eka rifu ra xinyama. Manana, Evha! Yingiselani. Manana Evha u onhile rixaka hinkwaro ra ximunhu, hi rifu ra xinyama, (njhani?) hi ku ala Rito na ku amukela swin'wana swo kotisa Rona. U vangile rifu ra xinyama hikuva a siyile Rito ra ntiyiso, na ku va a pfumerile Rito ra ntiyiso hinkwaro kambe ntsena swintsongonyana. Ku alana kun'we kuntsongo na Rito leri hetisekeke ra Xikwembu swi vangile ku pandza ka timbilu, rifu rin'wana na rin'wana na hinkwaswo leswi swo ka swi nga se tshama swi va kona emisaveni. Evha u swi endlile, manana wa rifu. Sweswi ma ku vona laha hi takatona xana? Manana wa rifu, xiyisisani, ntsena a nga ri pfumelanga Rito.

U te, “Xikwembu xi te . . .”

Sathana a ku, “Hi swona sweswo.”

“Xikwembu xi te . . .”

“Hi swona sweswo.”

“Xikwembu xi te . . .”

“Sweswo hi swona.”

“Xikwembu xi te . . .”

¹²⁸ Ina, sweswo, sweswo hi swona. Hi—hi ndlela ya kona, hi swona sweswo, kambe, wa vona, sweswo—sweswo—sweswo a hi Rona hinkwaro. Wa vona, u ta—u ta pfuleka mahlo, u tava . . .”

Kambe Xikwembu xi te, nakona sweswo swa swi tshamisisa, Rito! Wa vona, swi sungurile hi ku vumba swintsongo Rito hi ku hoxeka, nakona, leswi fanaka, swi hela hi ndlela leyi fanaka.

¹²⁹ Xiyisisani, wanhwana i muhandzu wa manana na tatana, hi ku hlangana. Sweswi hileswi swin’wana leswi swi hlamarisaka. Kambe rifu, ra xinyama, rifu ra xinyama i ku hlanganisa ka manana Evha na Sathana, kun’we, hi ku ala ku pfumela Rito ra Xikwembu. Vahlanganile na ku tisa e—e muhandzu wa rifu. Yena, e . . . Rifu i muhandzu wa ku hlanganisa Sathana na Evha, kun’we.

¹³⁰ Evha a ri na Rito. Sathana u lwisana na Rito. Nakona, langutani, hakanyingi ri makume nkaye-nkaye na madzana ya makume nkaye-nkaye wa Rona, Sathana u pfumerile leswaku a ku ri swona. “Ekusuhi swinene,” Bibele yi te, “emasikwini yo hetelela, u ta kanganyisa na vona Vahlawuriwa loko swi nga koteke.” Ma swi vona leswaku swi nghena njhani, hilaha swi vaka hakona minkarhi hinkwayo, hilaha swi humaka hakona? Hi ndlela yin’we, ku hlangana ka lava nga pfumeriki eka Rito ra Xikwembu leri nga hetiseka. Ma swi kuma xana? Sweswo hi swona swi nga tisa rifu, i ku hlanganisa loyi a nga pfumeriki na Rito. Loyi a nga pfumeriki, ntsena swintsongo, xiphemu xintsongo xa swona; swintsongo, swintsongo, swintsongonyana, dzana rin’we ra tiphensete. Kambe Ri boheka ku va dzana rin’we ra tiphensete! Hi swona sweswo.

¹³¹ Xiyisisani, nhwana wa Xikwembu, a nga Kereke, Mutekiwa, na yena i muhandzu, wa Xikwembu na Rito ra Xona, swi hlangana. Moya lowo Kwetsima wu hlengeletana endzeni ka miri wa nyama, Wu tswala N’wana wa Xikwembu, muhandzu wa ku lulama ka Xikwembu. Nakona eka siku ro hetelela, tanihi laha hi byeriweke, “tani hilaha a swi ri hakona emasikwini ya Sodoma,” Mutekiwa u ta hlangana kun’we hi Rito ra Xikwembu leri ri tivonakariseke enyameni, Moya lowo Kwetsima wu va lemelaka eka Xikwembu, ni ku lemela la nga pfumeriki ehandle, hi le handle.

¹³² Tanihi laha ndzi vuleke, loko vutomi bya Beethoven a byi ri endzeni ka n'wina, a mi ta hanya tanihi Beethoven; loko vutomi bya Hitler a byi ri endzeni ka n'wina, a mi ta hanya tanihi Hitler. Nakona loko Vutomi bya Kreste byi ri endzeni ka n'wina, mi ta hanya kukotisa Kreste, nakona mi ta endla mintirho ya Kreste. Nakona sweswo swi ta va tano. Loko Kreste a hanya namunlhā, A ta endla hilaha Rito ri nge te U ta endla hakona namunlhā. Nakona Rito ri vule leswaku, "Hi la fanaka tolo, namunlhā, na hi masiku." Hikokwalaho ka yini misava leyi ya vudyondzisi bya bofu yi nga wu voni nkarhi lowu va hanyaka eka wona? Wa vona?

¹³³ Evha u vangile rifu hinkwaro ra xinyama, hi ku ringeta ku nghenisa vugwenehi bya Sathani endzeni ka Rito. Nakona sweswo swa fana na leswi swi nga humelela eka kereke, eNicaea, a Rhoma, hi ku teka milawu ya kereke ematshan'wini ya Rito. Sweswo swa ha fana nale ka Methodist, Baptist, Presbyterian, tanihi Rivoni leri ri tlulaka ri ya emahlweni eka nguva yin'wana na yin'wana nakona va Ri tekela ehansi.

Lexi hi xona xivangelo xa ku va Lutheran yi file loko Wesley a pfuka. A yi ri eka nguva yin'wana. Rito ri humelela, nakona a va fanelia ku Ri amukela kumbe va fa. Hi xona xivangelo xa ku va Mapentekostal ya ri eku feni sweswi, hikuva nguva hi yaleyi. Rito ri vonakarisiwile, nkarhi wa gama, nkarhi wa Rito leswaku ri vuyela endzhaku, "ku ta tlherisela Ripfumelo ra vatatana, ri tlhelela endzhaku eka vana nakambe." Nakona va hlanganile swonghasi, va Ri tekele ehansi, nakona a vova nchumu handle ka rifu ra ximoya. Laha minkarhi hinkwayo . . .

¹³⁴ Miri wa Xikwembu, wu hlangana tanihi Mutekiwa wa Xona, va va Un'we; Yena na Kreste, kun'we, i Moya lowu wu tirhaka enyameni ya Kereke tanihi loko Wu tirhile enyameni ya Yesu Kreste, hikuva I xiave xa Miri wa Yena. Ku nga ri yimbirhi; kambe Wun'we! Va Un'we. Nuna na nsati a va ha ri vambirhi, kambe un'we. Nakona Kreste na Miri wa Yena va Un'we. Nakona Moya wun'we lowu a wu ri eka Kreste wu le ka Mutekiwa wa Yena, endzeni ka Miri wa Yena, sweswo swi Va hanganisa kun'we na Rito hinkwaro. Nakona Xikwembu xi hanya endzeni kwalahaya, xona hi Xoxe, xi swi vonakarisa.

¹³⁵ Nakona antikreste, i ta ku, "Oho, ndzi pfumela eka Kreste, ndzi pfumela eka Evhangeli, ndzi pfumela eka Swilo leswi, kambe, ma swi tiva . . ." Hi n'wina valavo. "Kambe, ma swi tiva, masiku ya mahlori ya hundzile. Ku hava swo kotisa sweswo, wa vona." Hi n'wina valavo. "Oho, a ndzi pfumeli leswaku mi fanele ku khuvuriwa hi Vito ra Yesu Kreste."

¹³⁶ Kambe Bibebe yi vule leswaku ma fanelia. Sweswi ndzi lava un'wana wa mutivi wa vukhongeri loyi a nga ta ka a nga yimi na swona sweswo. Wa vona? Wa vona? Swi fanele ku va tano. Mi ri, "Kunene, nkhuvulo a wu kali wu endla ku hambana." Kunene, kutani, hikokwalaho ka yini wu tsariwile? Hikokwalaho

ka yini wu endlile ku hambana eka Paul? Hikokwalaho ka yini wu endlile ku hambana eka vona hinkwavo? U nga ha va u khuvuriwe... .

Bibele yi te, “U na vito leswaku wa hanya, kveni u file,” hikuva ku hava vito rin’wana leri ri nga nyikiwa ehansi ka Tilo.

Hikokwalaho u ta chumayela hi Rona, u khongela hi Rona, hinkwaswo, kambe, loko u ta exidziveni, u Ri ala? Ahaa. Wa vona?

Ndzi te eka wanuna un’wana siku rin’wana, ndzi ku, “Ku nga humeleta yini loko munhu... .”

U te, “A swi kali swi endla ku hambana.”

¹³⁷ Ndzi ku, “Loko munhu a ta eka wena, nakona a fika a ku u khuvuriwile hi vito ra ‘Xiluva xa Saroni, Konwa ya Minkova, na Nyeleti ya ni Mixo,’ u ta ku u kahle xana?”

A ku, “Ee, nkulukumba.”

Ndzi ku, “Xana u ta tlhela u n’wi khuvula nakambe xana?”

“Ina.”

Ndzi ri, “Xana u nga n’wi khuvula njhani?”

A ku, “Hi vito ra ‘Tatana, N’wana, na Moya lowo Kwetsima,’ ”

¹³⁸ Ndzi ku, “Hi swona, u endlile swona, u vekerile... . Loko u vula ‘mavito’ yalawa, u vule swo fana ni leswi yena a swi vuleke loko a te, ‘Xiluva xa Saroni, Konwa ya Minkova, na Nyeleti ya ni Mixo,’ hikuva sweswo kova ntseña xiyimela-vito, nakona ‘Tatana, N’wana, na Moya lowo Kwetsima’ i xiyimela-vito. Wa vona?”

A ku, “Kambe Yesu u te khuvulani, ‘hi Vito.’ ”

¹³⁹ Ndzi ku, “Sweswo hi swona leswi Yena hakunene a nga vula leswaku swi endliliwa. Kambe eka yini, ku ngari—ku ngari... . A nga vulanga leswaku, ‘mi vitana marito lawa.’ ‘Va khuvuleni hi Vito,’ Vito! Oho, mina!” Ndzi ku, “‘Tatana, N’wana, na Moya lowo Kwetsima’ i swiyimela-vito. ‘Vito ra Tatana, N’wana... . Vito ra Tatana, N’wana, na Moya lowo Kwetsima.’ Wa vona?” Ndzi ku, “Xana Petro u te a Ri ri yini? Xana vunyingi bya lavan’wana va ri a Ri ri njhani? Wa vona? Ri njhani? Ahaa. ‘Vito ra Hosi Yesu Kreste’ i Vito ra ‘Tatana, N’wana, na Moya lowo Kwetsima.’ ” U na kwalomu ka makume nharhu wa magidi ya vaaka-ndhawu a nga ta fanelu ku tlhela a va khuvula nakambe. Wa vona? Hi swona. Kambe sweswo swi kahle. Paul u te, “Loko Ntsumi ku suka eTilweni... .”

¹⁴⁰ Paul u byerile vanhu lava vo ka va nga khuvuriwanga hi Vito ra Yesu Kreste, Mintirho 19:5, leswaku, ku va va amukela Moya lowo Kwetsima, a va fanele ku ta. Hambileswi a va ri eku huweleleni na ku dzunisa Xikwembu, na ku endla swilo swa kahle, u te va fanele ku tlhelela endzhaku va ya khuvuriwa,

nakambe, hi Vito ra Yesu Kreste. Endzhaku kaloko Yohana Mukhuvuri a ta va a va khuvurile, a va fanele ku tlhelela endzhaku va ya khuvuriwa nakambe.

Hiloko a ku, eka Vagalatiya 1:8, “Loko Ntsumi ku suka eTilweni yi ta yi ta dyondzisa swin’wana ku nga ri leswi ndzi nga mi dyondzisa, a yi rhukaniwi.” Ina, nkulukumba. Swingaleswi hi fanele ku tshama hi lulamile na Rito rero, Rito rin’wana na rin’wana ra Rona. Wa vona?

¹⁴¹ Xiyisisani. Oho, mi nga vi na swisolo; hakunene mi va na ntiyiso. Loko ku ri na swin’wana u swi kanakanaka emiehlekeweni ya wena, swa antswa u swi lulamisa sweswi. U nga rindzeli ku fikela kwalaho, nkarhi wu fambile. U nga rindzeli ku fika laha u tekaka mfungho hi vuenti laha u nga taku u nga ha Ri voni nakambe, u ta va bofu.

U endlile Israel ri va bofu, leswaku A nga ha vonakarisa Rito ra Yena. Wa ha endla swo fana eka Vamatiko, hikuva lahawani—lahawani va le ku fambeni ntsena ku fana tanahi laha va swi endlile eku sunguleni.

¹⁴² Xiyisisani, Evha u arile a tlhela a lahlekeriwa hi timfanelo ta yena. Endzhaku ka loko a vonile Rito leri nga kombisiwa hi Xikwembu, leswi Xona xi nga swi endla, u Ri arile na ku lahlekeriwa hi timfanelo ta yena. Swa fana na leswi va nga swi endla eNicaea, a Rhoma. Na leswi va swi endlaka sweswi eka Huvo ya Tikereke swa fana, ntsena swa fana. Vamakwerhu, kuna, ku suka eka Genesa ku fika eka Nhlavutelo, swa fana. Sweswo hileswi Israel ri nga swi endla. Sweswo hileswi Pilato a nga swi endla. Sweswo hileswi nchumu hinkwawo wu nga swi endla, minkarhi hinkwayo, ku sukela eka Evha ku ta fika sweswi, swa fana. Va alana na Rito leri kombisiweke kutani va teka nawu wa kereke, ematshan’wini. Sweswo swi vumba rifu, rifu ra ximoya.

Rifu! Rito hambiswiritano ra ha chumayeriwela vafi. Hi swona! A swi nge vi hi Mileniyamu, sweswi, wa vona. Va—va, khale va chumayeriwile. Kumbexani va Ri kuma sweswi. Wa vona?

¹⁴³ Vana va Kayini, lava a va ri mihandzu ya ku kala ripfumelo eka Rito ra Xikwembu, vana va Kayini va hlekule hungu ra muprofeta Nowa. Mi kale mi swi xiyisia sweswo? Hi Rito ra Xikwembu u tisile e—e ku avanyisa loku ku nga bvumbhiwa, a tlhela a va na swikombiso leswi twisisekaka, swikombiso leswi kombisiweke leswaku nkarhi a wu ri emakumu, nakona vana va Kayini va Ri hlekula.

Swa ha fana na sweswi va swi endla. Swingaleswi, sweswo, va swi endlile hi siku ra Yesu. Swingaleswi va swi endlile eka tinguva. Swi tano minkarhi hinkwayo. Va hlekula va tlhela va Ri endla xihlekiso. U te, “Emasikwini yo hetelela ku ta ta vahlekuri, va ta ku, ‘A ku na ku hambana eka nkarhi, ku sukela loko va tata wa hina va etlele.’” N’wina, ma swi vona?

¹⁴⁴ Swingaleswi swi ve tano eka vana va javulosi, ku ya hi mafambiselo ya swa vukhongeri, eka Rito leri ri nga tivonakarisa hi nkarhi wa Yesu Kreste. Langutani, mafambiselo ya vukhongeri bya vanhu va Mayuda, (Sesi Rose), vanhu va Mayuda lava a va fanele va tive ku antswa, kambe mafambiselo ya vona ya va endlile leswaku va ala na ku hlekula Rito ra Xikwembu (leri a va koxa leswaku va ri pfumela) leri nga vonakarisiwa, ku ri hava na Rito na rin'we leri a ri humile endlleleni. Va endlile swo fana.

¹⁴⁵ Ku fana na hilaha va swi endlaka namuntlha. Mafambiselo ya swa vukhongeri eka muchini lowukulu lowu nga simekiwa sweswi, hakunene, va tekerile ehansi switshembhiso enkarhini wa makumu; hi Hungu ra le nkarhini wa makumu, na xikombiso xa nkarhi wa makumu, hinkwaswo swa nkarhi wa makumu leswi swi fanelaka ku va xiswona, tanahi laha Xikwembu xi swi bvumbheke, Rito hi Rito.

Ri le ka thepi. Loko-loko va nga ndzi duvula, kumbe hambi va nga endla yini na yini, va nga ka va nga swi koti ku yimisa Hungu lero! Wa vona? Ri ta ya emahlweni hilaha ku fanaka. Wa vona? Khale ri humesiwile. Ri thepiwile. Ri fambile. Wa vona? Va nga ka... Ri—Ri Rito ra makumu, kona sweswi. Ku... Ri kombisiwile kahle ri tlhela ri khorwisiwa, ko tala, tala, tala hi swikombiso, swihlamariso, hi nsusumeto lowu fambisaka, hi—hi—hi Ntivo-vufambisi, hi—hi sayense, hi kereke, hi Xikwembu hi Xoxe, swi khorwisiile leswaku hi yona awara ya kona; havumbirhi hi Rito, na hi swikombiso na swihlamariso.

¹⁴⁶ Hungu leri ri nga pasisiwa hi Xikwembu exikarhi ka n'wina, hi swikombiso na swihlamariso swa awara. Hungu ra leswaku Yesu Kreste a nga fanga, kambe wa hanya ntseña ku fana ni loko A tshame a va kona, na ku rhumela emahlweni. Nakona hakunene swi hetisisa Malakiya 4 na Matsalwa lama n'wana hinkwawo lawa Yesu a nga vula leswaku ma ta va kona eka masiku yo hetelela, ya fikeleriwile hi ku hetiseka, havumbirhi hi xisayense, hi misava. Nakona timagazini ti hlayisile swifaniso leswikulu swa swirlhendzevutani swa Rivoni, leri ri nga bvumbhiwa kwala. Tintsumi ta Xikwembu, leti ti nga xikela ehansi, leti va nga tiveki nchumu ha toná. Nakona hinkwako, kun'wana na kun'wana, swi khorwisiwile, misava hinkwayo!

¹⁴⁷ Lexi landzelaka i ku vambiwa, nakona hi ku kongomile. Tanihi laha Yesu a nga vula eku sunguleni, "Xana Ndzi ta ku yini, 'Ndzi ponisi, Tatana, eka awara leyí'? Kambe, ee. A ku endlwe ku rhandza ka wena, wa vona, emisaveni, tanahi loko ku endlwa eMatilweni."

¹⁴⁸ Sweswo hileswi Kereke yi swi vulaka, namuntlha, ku suka embilwini ya yona, "Mina ku va ndzi joyina swin'wana...? Ee,

Hosi, ee. A ku endliwe ku rhandza ka Wena, tanihi loko ku endliwa eTilweni.”

¹⁴⁹ Xiyisisani, endzhaku ka Rito ra xitshembhiso ra nguva leyи yi kombisiweke, va Ri tekele ehansi. Va endle swo fana na namuntlha. Nakona sweswi ndzi xikela ehansi eku pfaleni sweswi. Nakona tanihi loko Yena a ta u titivisile erivaleni yena N’winyi ku va Rito, nakona swi fikile eka ku kombisa laha va bohekaka ku hlawula Rito kumbe ku teka mafambiselo; swi ta eka nchumu wun’we namuntlha, u boheka ku hlawula Rito kumbe u teka mafambiselo. Nakona va tekile mafambiselo. Sweswi xana sweswo swi endla yini? Hi ku pfala. U le mavokweni ya misava. Hi swona.

¹⁵⁰ Sweswi, tsalwa ra mina. Yaleylo i ndlela yo leha ku aka hi ku rhendzela, kambe sweswi ntsena ndzi kumekile ndzi sungurile, ma swi vona. Mi nga tlakuki, a ndzo va ntsena eku vungunyeni. Langutani, hi leri tsalwa ra mina. Ha swi tiva sweswo. Sweswo a ko va ku veka masungulo. Hi na wona hinkwawo ya ri eka ngoti yin’we lahwani sweswi. A hi wu tshamiseni ekaya kutani hi vona leswaku wu ta langutekisa ku yini, hi n’wi veka ehansi ka nghilasi.

¹⁵¹ Yesu u le mavokweni ya vanhu. Ri le mavokweni ya kereke. Xana mi ta endla yini hi Yesu loyi a vitaniwaka Rito ra ntoto? Kreste swi vula “Rito leri nga ni ntoto.” Wa vona?

“Xana mi nga endla yini ha Yesu loyi?” Pilato u vule tano. “Xana ndzi nga endla yini ha Rona? Yini, ku famba ka mina hi kwihi? Xana ndzi nga endla yini hi Yesu loyi a vuriwaka Kreste xana?”

¹⁵² Xana misava yi huwelerile yini? Xana kereke yi huwelerile yini? “A Ri vambiwe! A Ri yimisiwi! A ha ha Ri lavi nakambe.”

¹⁵³ Ndzi ya eku mi vutiseni ka swin’wana. Mi nga ha wu anakanya nandzu emavokweni ya Oswald, mixo lowu, loyi a nga dlaya President? Mi nga ha ku anakanya leswaku ku avanyiseriwa ka yena ku ta va njhani loko swi ta va swi khorwisiwile leswaku hi yena a nga swi endla? Mi nga—mi nga ha anakanya leswaku ku nga va ka ha ri na tintswalo ti nga n’wi salela? Ngati ya President wa United States yi le mavokweni ya yena. Mi ehleketa leswaku Khorho ya Nawu... A swi na mhaka ni leswaku i ka ngani a ri karhi a kombela, “A ndzi nga vuli ku swi endla,” sweswi a swi nge n’wi landzuleli na swintsongo. U ta herisiwa. Hikokwalaho ka yini? U na ngati ya President a mavokweni ya yena. Mi nga ha ya twa matitwele ya yena? Xana ma swi lava sweswo emavokweni ya n’wina? [Nhlengeletano yi ku, “Ee.”—Muhleri.]

¹⁵⁴ Kunene, xana Ngati ya Yesu Kreste yona ke? Mi ehleketa leswaku mi ta va na xilandzulo, endzhaku ka loko Yi ta va yi kombisiwile hi ku hetiseka? Mi ta Yi balekela njhani? Ngati ya Yena yi le mavokweni ya n’wina, mi na nandzu! Mudyohi, xana

mi ya kwihi ku sukela lahwani? Xana mi ya endla yini endzhaku ka nhlengeletano mixo lowu?

¹⁵⁵ Mi ehleketa leswaku, mi ri, “Kunene, ndzi ehleketile . . . a ndzi nga vuli ku va loyi a nga riki kahle.” Oswald a nga ha vula swo fana.

Loko vululami bya Khorho ya le Henhla ya hina yi ta vitana vululami, yi ta vitana. I—i ka hina . . . I ku hetiseka ka tiko. Tiko hinkwaro ri bohiwile eka Khorho ya le Henhla yaleyo, nakona a ku nge sali nchumu. U endlile vugevenga. U ta fanela ku byi hakela. Swi nga ri na mhaka leswaku a nga vuli swona ku fika kwihi, hilaha mi nkunguhato ya yena a yi ri ha kona, kumbe ku ri hava nchumu ha yona; u ta swi hakela, hi ndlela yin’wana.

Loko Khorho ya le Henhla ya hina na vululami bya yona yi lava ku nyika hakelo yo ririsa eka loyi a nga na vumbhoni, xana yi nga va yi tele ku fika kwihi leyi u nga yi kumaka eka Xitulu xo Avanyisa xa Xikwembu, loko u ta na Ngati ya Yesu Kreste emavokweni ya wena? “Xana ndzi nga endla yini hi Yesu loyi a vuriwaka Rito ra ntoto?” Mi Ri twile. Ma swi tiva leswaku Ri Ntiyiso. Ri kombisiwile hi ku hetiseka.

¹⁵⁶ Mudlayi? Xana u nga tsakela mudlayi wa Rito wa xidinominexini, ku tlula Kreste loyi a nga riki na nandzu? Xana u nga vamba? Xana u nga—xana u nga swi ringeta ku teka Barabas? Xana u nga huwelela Barabas? Xana mani na mani a nga swi endlisa ku yini sweswo, ku vitana Barabas, mudlayi wa Rito; ku tlula ku teka Rito, hi Roxe, leri nga Vutomi. Nakona Ri le mavokweni ya wena.

¹⁵⁷ Loko ndzi ta va ndzi swi twile hi ta ku dlayiwa ka President Kennedy, Hungu leri ri werile embilwini ya mina. Ndzi ehleketa, xana wanuna yaloye u ta endla yini? Nakona ku hava ndlela yo huma eka swona sweswi. A nga ha pfuka eka lowu nkarhi kutani a lemuka hileswi swi nga emahlwени ka yena.

¹⁵⁸ Nakona u ya eku pfukeni nkarhi wun’wana. Lahawani, kumbe eka thepi, hambi u nga va u ri kwihi, u ta pfuka eka wun’wana nkarhi, mudyohi, ni ku lemuka leswaku ku na Ngati emavokweni ya wena, nakona Ngati ya N’wana wa Xikwembu, nakona u na nandzu wa ku N’wi dlaya. Vudyoho bya wena hi byona lebyi byi nga N’wi dlaya. Ku pfumala ripfumelo eka Rito ra Yena, ku hluleka ka wena ka ku vona vutitivisi bya Yena, ku twisa ku vava Moya lowo Kwetsima. Nakona u nga endla yini handle ka ku yima eka ku Avanyisa ka Xikwembu, u ri karhi u tiva leswi swi nga ta ku humelela! Ina, ngati ya John Kennedy leyи nga emavokweni ya Oswald ku ta va ku ri mhaka yintsongo, ku tlula Ngati ya Yesu Kreste emavokweni ya wena loko u ta yima emahlweni ka Xikwembu.

¹⁵⁹ “Xana ndzi nga endla yini hi Yesu loyi a vuriwaka Kreste ke?” Ku vule Pilato. A vekiwe emavokweni ya yena.

Nakona Ngati ya Yesu Kreste nakambe yi vekiwile emavokweni ya nhlengeletano leyi. Yi vekiwile emavokweni ya tiko leri, na ku rhendzeleka hi misava leyi, laha tithepi leti ti nga ta va ti ri kona, na swilo leswi swi nga kombisiwa swi tlhela swi khorwisiwa hi Xikwembu.

Sweswi xana hi nga endla yini hi Yesu loyi a vuriwaka, “La fanaka tolo, namuntlha, ni hi masiku”? Xana hi nga endla yini hi Yesu loyi? Mi ti lulamiserile ku teka ndhawu ya n’wina eka tlhelo ra Yena? [Nhlengeletano yi ku, “Amen.”—Muhleri.]

¹⁶⁰ Pilato, nakona eka nchumu wun’we lowu Pilato a nga wu endla, kwalahaya ku sale swilo swinharhu u nga swi endlaka ha Yena. Pilato u ringetile hinkwaswo swinharhu, nakona u swi hupile. Swikimi swinharhu leswi u nga ringetaka ku swi tirha, kambe swi nga ka swi nga tirhi. Pilato u ringetile ku endla leswaku A suka emavokweni ya yena. Kambe loko o kala a va emavokweni ya wena, Ri le mavokweni ya wena. Pilato u ringetile tindlela tinharhu to hambana, swi tsandza.

¹⁶¹ Ha boheka ku langutisana na mhaka ya leswaku U le mavokweni ya hina. Hi N’wi vonile eRitweni ra Yena. Hi N’wi vonile a tikombisa hi Yexe. Ha swi tiva leswaku hi La fanaka tolo, namuntlha, ni hi masiku. A hi swona xana? [Nhlengeletano yi ku, “Amen.”—Muhleri.]

Kutani, a ndzi le ku vulavuleni na nhlengeletano leyi nga lahwani ntsena mixo lowu, hikuva ntsena ndzi le ku vulavuleni na ntsevu, madzana ya nkombo ya vanhu, nkarhi wu n’wana, kambe ndzi le ku vulavuleni na mamiliyon i eka thepi leyi yi nga ta famba yi rhendzeleka na misava. Wa vona? U le mavokweni ya wena, etikweni ra tithepi, hinkwako laha mi nga kona. Ma swi tiva leswaku I Ntiyiso. Loko u nga pfumeli, swi vula leswaku u bofu; a wu nge swi koti ku vona Rito, hambi ku ri ku vona Xikwembu eRitweni. Nakona U le mavokweni ya wena. Sweswi u ta ya u ya endla yini ha Yena?

¹⁶² Pilato u ringetile ku hambana na Yena, kambe hi fanele ku kongomana na mhaka. Pilato a fanele ku kongomana na Rona. A swi tiva. A swi twile.

Kunene, u ri, “A ndzi kalanga ndzi swi vona swa swona.” U Ri twile, hi ndlela yin’wana. U le ku Ri tweni sweswi. Wa vona?

U lavile leswaku Yesu a endla hlorhi, kumbe salamus, a n’wi endlela. Kambe A nga tlangi masalamus; A endla ntsena leswi Xikwembu a xi N’wi byela ku swi endla.

¹⁶³ U swi twile. “Ripfumelo ri ta hi ku yingisela.” U na ripfumelo, u tlhela u fambela ekule na rona, ku endlela leswaku leswi swi suka emavokweni ya wena. Kambe a fanele ku langutana na mhaka, hi ndlela yin’wana. U swi endlile, na hina hi fanele ku langutana na mhaka. U titivisile hi ku hetiseka. Ehleketa, na Ngati ya Munhu emavokweni ya wena!

¹⁶⁴ Munhu u fanele ku langutisa loko a ri na ngati ya munhu un'wana emavokweni ya yena. Langutani eka xihahampfhuka. Muchayeri wa xihahampfhuka, loko a hahisa xihahampfhuka xexo, u kambisia switirhiswa hinkwaswo. Hikokwalaho ka yini? U na ngati ya un'wana emavokweni ya yena. Xitirhiswa xin'wana na xin'wana lexintsongo lexi a nga xi kambelaka, wa xi kambela. Loko a huma a jikisa xihahampfhuka, u—u—u rhefa e—e—e motoro, njhini, kutani a vona leswaku yi kufumerile. Na ku kandziya mafurha ndlela hinkwayo eka xona, ku vona leswaku ku buluka ku ta—ku ta... loko xi nga kota ku—ku—ku sindzisa, kumbe ku chela xipelupelu, na xona, hi moyo lowu wu eneleke ku xi tlakula xi suka ehansi.

Mi yimile, vo tala va n'wina, eka xihahampfhuka, kumbe ku tshama ehansi kwalahaya, nakona xihahampfhuka hinkwaxo xi ninginisa misava, ku tshunelela. U le ku xi nyikeni hinkwaswo leswi xi nga na swona, ku vona loko ku ri na swin'wana leswi swi nga huma eka ntila. Loko swi nga koteka, xi ta tshwutela na ku tshovekela ehandle. Kambe wa xikambela nakambe, loko hi leswaku u fanele ku tshamanyana xinkadyana, ku fikela laha a kambisisaka nakambe. Nakona loko va nga khomelela nkarhi wa yena swintsongo, wa yi kambisia nakambe.

¹⁶⁵ Hilaha Kereke yi fanelaka ku tlhela swi kamberiwa nakambe, na nakambe, na nakambe, na nakambe! Hi rindzerile ku Vuya ka Yena. Hi le ku pfukeni, hi rindzerile ku tekiwa. Swa antswa hi yi kambela hi Rito, ku nga ri leswi swi nga vula hi un'wana. Va na na ntiyiso wa leswaku wa swi tiva, wena hi wexe, tanahi ntokoto wa wena na Kreste. Yi kambeli nakambe, na nakambe, na nakambe.

Hikokwalaho ka yini? U na ngati ya munhu ehenhleni ka mavoko ya yena. Swa antswa a kambisia.

¹⁶⁶ Dokodela yena ke, loko a nga se endla vuhandzuri? Hi na madokodela yo hlaya ya nga tshama lahawani mixo lowu. Xiyisisani, leswaku dokodela, leswi a nga swi endlaka loko a nge se ya eka vuhandzuri. U lava x-ray. U lava ku kambela ngati. U lava ku kambela mbilu. U ta lava ku vona loko u ri na mukhuhlwana, loko a nge se nyika xititivati. U kambisia switirhiswa hinkwaswo; wa swi virisa, hi vukheta, ku vona leswaku a ku na xitsongwa-tsongwana eka swona. U endla hinkwaswo. U tlhela a vuyelela ku kambela, ko tala, tala, tala, nakambe. Hikokwalaho ka yini? U khomile ngati ya munhu evokweni ra yena. U lava ku va na ntiyiso hakunene leswaku hinkwaswo swi kahle tanahi loko swi ri kahle.

¹⁶⁷ Wena ke? Wena ke, mudyohi, u titwe njhani ha swona?

Ku va na ngati ya munhu evokweni ra wena, vutihlamuleri byo kotisa muchayeri wa swihahampfhuka, nakona wa kambela; dokodela, na yena wa kambela; nakona hi swihi swin'wana,

ku tele ngopfu swa xisayense; loko u ri na ngati ya munhu emavokweni ya wena, xana u ta endla yini!

Loko muavanyisi a ya a ya tivisa xigwevo, langutisani hilaha a hlayaka hakona tibuku teto, wa vuyelela na ku vuyelela na ku vuyelela na ku vuyelela na ku vuyelela, eka nchumu wuntsongo lowu a nga kotaka ku wu vona, loko a nga se tivisa xigwevo. Hikuva, u na ngati ya munhu emavokweni ya yena, ku fanele ku va na swin'wana lahawani ku lulamisa sweswo. Wa vona?

¹⁶⁸ Hina ke, loko hi Ri vona ri tivisiwile hi ku hetiseka, leswaku, “Hi La fanaka tolo, namuntha, na hi masiku”? U kona kwala. U le mavokweni ya hina. U le mavokweni ya hina. U le mavokweni ya wena! Xana u ta endla yini ha Yena? “Xana ndzi nga endla yini hi Yesu loyi a nga Kreste la totiweke?”

“Xana Ri endla yini? Xana u swi tiva njhani leswaku Hi Yena xana?”

Xitshembhiso xa siku leri, siku leri hi hanyakaka eka rona, ku na Matsalwa yo tala lawa ya vulaka leswaku, tiinci to tala ta Rona ti fanele ku hetiseka, tiinci leti ta siku leri ro hetelela. Ku na swilo swin'wana swi nga tshama *lahawani* leswi swi faneleke ku humelela, nakona hileswi lahawani. Xana i yini? Kreste loyi a fanaka la totiweke, Rito leri totiweke! Xana mi ta endla yini ha Rona? Xana mi ya Ri xavisela dinominexini?

¹⁶⁹ Sweswi xana Pilato u endlile yini? Pilato u ringetile ku N'wi hlamba ku suka eka mavoko ya yena, hi ku vula leswaku... Xo sungula lexi Pilato a nga xi endla i ku ringeta ku N'wi hlamba a a suka emavokweni ya yena, hi ku vula leswaku, “Oho, U kahle. U kahle.” Wa vona?

¹⁷⁰ Mi ri, “Oho, mbuyangwani Pilato.” Pilato, vunyingi bya vona byi n'wi endla loyi a lulameke? Ee, ee, ee! A ri emavokweni ya yena. A ri twile Hungu, a ri vonile Rito, nakona A ri emavokweni ya yena. Nakona swingaleswi U le mavokweni ya n'wina. Hi swona sweswo.

Xana u endlile yini? U ringetile ku vula leswaku, “Oho, kunene, hi Yena Munhu wa kahle. A ndzi voni nandzu eka Yena.”

¹⁷¹ Loko sweswo swi nga ri e—e—e nhlamlulo ya vo tala namuntha! “Oho, a ku hoxekanga nchumu hi Rito. Ndzi pfumela leswaku ri kahle. Bibele yi kahle hinkwayo, kambe hi pfumela kereke. Dinominexini ya hina a yi yimi na Rona.” Wa vona? Wa vona? Kova na ntlawa wun’we wa vanhu va ringetaka ku N'wi hlamba a suka eka mavoko ya vona.

“A ndzi kumi xiphijo eka Rito. A ri ri kahle eka vaapostola hi siku ra vona, kambe hi hanya eka siku rin’wana. A hi hanyi eka siku ra vaapostola, swingaleswi a ndzi fanelanga ndzi endla tanihi laha vaapostola va nga endla hakona. A ndzi fanelanga ku khuvurisiwa leswi va khuvurisiweke xiswona; ndzi hanya eka siku rin’wana. A ndzi fanelanga ndzi va na swilo leswi a va ri

na swona; ndzi hanya eka siku rin'wana. Moya lowo Kwetsima ntsena a wu nyikiwe ntlawa walowo ntsena."

¹⁷² Vaheveru 13:8 yi N'wi vuyisela endzhaku emavokweni ya n'wina nakambe. [Makwerhu Branham a gongondza kanharhu a phulphitini—Muhleri.] Ku hava ku baleka! U kombisiwile hi ku hetiseka, "Hi La fanaka tolo, namunthla, na hi masiku." A wu na ku baleka. U nga ka u nga N'wi hundziseli eka nguva yin'wana. Vaheveru 13:8 yi sola mianakanyo ya n'wina, na ku N'wi tlherisela endzhaku emavokweni ya n'wina nakambe. Swingaleswi Yesu u le mavokweni ya n'wina, ntsena tanahi laha Pilato a ri hakona.

Langutani. Mi ri, "Kambe a ndzi swi tivi." Kunene, hikokwalaho ka yini u swi yingisela?

¹⁷³ Pilato a ri muhedeni. Nsati wa yena a ri muhedeni. Kambe Xikwembu, ku swi endla leswaku swi va kahle, xi rhumerile wansati yaloye kwalahaya a ya ku, "U nga vi na nchumu lexi u nga xi endlaka na Wanuna loyi wo lulama." Wansati a ku, "Ndzi twile ku vaviseka lokukulu siku leri." Hikuva, a ku ri na mixo, a ku ri na vusiku, nakona makume mbirhi-mune wa tiawara tin'we ti tekiwe tanahi siku. "Ndzi twile ku vaviseka lokukulu eka milorho ya mina vusiku lebyi, ya Wanuna yaloye wo lulama. U nga vi na nchumu xo xi endla hi Rona."

¹⁷⁴ Sweswi u te, "Kunene, kutani, loko sweswo swi ri tano, ndzi to N'wi hlamba a suka emavokweni ya mina." Kambe a nga ta swi kota ku swi endla.

Hambi ku ri wena. Loko u kala u twa Ntiyiso, u ta fanelia ku Wu amukela kumbe ku Wu ala. Ku hava ndlela yin'wana . . . Ina, nkulukumba, u ta fanelia ku swi endla. Swilemukiso swa Hosi!

¹⁷⁵ Mayuda ya huwelela ma ku, "Ngati ya Yena a yive ehenhleni ka hina; hikuva hi ta pfumela vaprista va hina, mafambiselo ya hina ya xidinominexini, loko hi nga se N'wi pfumela."

Hi n'wina volavo. Ma yi vona mintlawa namunthla? Kambe hinkwayo yi boheka ku kongomana na mhaka ya Xikwembu. Hinkwenu mi fanele ku endla tano, hi ndlela yin'wana, u muhedeni kumbe leswi u nga vaka u ri xiswona. Loyi a nga pfumeriki, Methodist, Baptist, Presbyterian, ku kufumela, ku titimela, ku hisa, kumbe leswi mi nga vaka mi ri xiswona, mi ta fanelia ku kongomana na mhaka ku fana. Hambi ma swi lava, kumbe a mi swi lavi, Ri le mavokweni ya n'wina. Hi swona hakunene.

¹⁷⁶ Kutani ku na lava va ringetaka xikimi lexin'wana xa Pilato xo papalata mhaka, ku N'wi hundzisela eka Khezari un'wana. Wa vona?

Pilato u te, "Sweswi yimaninyana minete. A—a—a—a ndzi lavi nchumu xo xi endla hi Rona. A—a—a—a . . . I Munhu loyi a nga lulama. A—a ndzi lavi nchumu xo xi endla hi Yena. Oho,

ndzi—ndzi pfumela leswi ndzi nga swi twa. A ndzi se tshama ndzi N'wi vona a endla hlori, kambe ku na timbhoni to tala ta Yena. Ndzi—ndzi—ndzi pfumela leswaku O va Munhu loyi a lulameke. I Munhu wa kahle, wa vona, kambe—kambe a—a ndzi lavi nchumu xo xi endla ha Rona, hi vumina. Ntsena ndzi—ndzi—ndzi... Ntsena ndzi to N'wi hlamba a suka emavokweni ya mina. Ndzi tiseleni matinyana. N'wina mi ta va timbhoni ta mina lahawani.” Ina. Kambe Xikwembu xi hlayisa vumbhoni, na xona. A ri emavokweni ya yena.

¹⁷⁷ Nakona swingaleswi U le mavokweni ya n'wina. Wa vona, n'wina, ma swi tiva leswi ndzi vulavulaka hi swona. Wa vona? Ku nga ri n'wina ntsena, kambe thepi leyi. U le mavokweni ya n'wina. Xana mi ta endla yini ha Yena, hi Yesu loyi a vuriwa Kreste-ke? Kreste i Rito Leri Totiweke. Wa vona? Xana u ta endla yini ha Rona? I Hungu ra awara. Siku ri fikile, ri khorisiwile kahle hi Bibebe na hi Xikwembu. Xana u ta endla yini hi Rona? Xana mhaka u ta yi papalatisa ku yini sweswi? Xana u ta hundza njhani hi yona? U le mavokweni ya n'wina! Nakona nandzu wa Oswald wu ta va wu ri mhaka yintsongo, eka n'wina, hambi u ministara kumbe leswi u nga vaka xiswona.

¹⁷⁸ Mayuda ya vona a va ri vaprista, na varabi, vadyondzisi, vavanuna vo kwetsima; kambe A ri emavokweni ntsena ku fanana. A ri Rito, mhaka ya Xikwembu ya siku lero, nakona va hlulekile ku Ri vona. Ntsena vahlawuriwa va Ri vonile, lava a va Ri pfumela.

¹⁷⁹ Sweswi hinkwavo va boheka ku kongomana na mhaka. A swi ri tano eka nguva yin'wana na yin'wana, nkarhi hinkwawo. Ku rhelela eka nguva ya Evha na Adamu, ku rhelela ehansi eka nguva ya Nowa, ku ya ehansi eka nkarhi wa Daniel na Belteshazzar na Nebuchadnezzar, ku rhelela ehansi eka nkarhi wa Kreste, ku ya ehansi eka awara leyi hi hanyaka eka yona, a swi fana, mhaka ya Rito yi tile emahlweni. Ku nga ri dyondzo ya kereke ya vona, kumbe ku nga ri dinominexini, ku nga ri nawu wa kereke, kambe, mhaka ya Rito a yi lwisana na swilo leswiya. Swingaleswi, sweswi, Ri le mavokweni sweswi.

¹⁸⁰ Kutani lava va ringetaka xikimi xin'wana xa Pilato, leswaku va kota ku hambana na Yena, hi ku N'wi rhumela eka munhu un'wana. Pilato u te, “Sweswi, wa tiva leswaku i yini? Ntsena ndzi ta endla leswaku A suka emavokweni ya mina. Ndzi ta N'wi hlamba a suka emavokweni ya mina hi mati lawa. Swingaleswi ntsena ndzi... Ndzi fanele ku endla swin'wana ha Yena. Swingaleswi xana ndzi nga endla yini? Ndzi ta N'wi rhumela entsindza, na bishop.” Ahaa. Ina.

Sweswo hileswi va ringetaka ku swi endla namuntlha. Wa vona? Va N'wi rhumerile eka Khezari. Sweswo a swi endlanga leswaku A suka emavokweni ya Pilato, ku N'wi susa

emavokweni yoka ya nga ri ya munhu. Xana swi endlile yini? Swi tlhelela eka yena. Swi vuyela yena a ri yexe.

¹⁸¹ Mi ri, “Kunene, ndzi ngaku, a ndzi ta swi endla. A ndzi ta Ri amukela loko dinominexini yi nga Ri amukela.”

Dinominexini ya n’wina yi le ka Huvo ya Tikereke, yi soriwile! Xana va ta Ri amukela njhani? Ri tlhelela kwale ri humaka kona, ku tlhelela endzhaku eka n’wina. A hi swona leswi dinominexini ya n’wina yi swi vulaka; yi, xana mi ri yini? Va Ri arile; sweswi mi ya endla yini ha Rona? Xexo hi lexi xi landzelaka. Wa vona? Sweswo a swi N’wi susi emavokweni ya n’wina.

U kombisiwile hi ku hetiseka. U tivisiwile hi ku hetiseka, Rito ra awara leyi, xitshembhiso xa awara leyi. Ku nga ri xitshembhiso xa awara ya Luther; rero a Ri ri rona kwalaho, rero a ri ri Rito hi nguva ya valweri va ndzhundzhunuko. Tanihi laha, n’wina hinkwenu mi tweke Swilemo swa Nkombo, loko nguva ya valweri va ndzhundzhunuko yi hela, Xivandzana lexi xi nga na xikandza xo kotisa munhu (nhlangano) xi humesiwa; kambe lexi i xa xikandza xa gama, Xivandzani lexi xi nga ya xi ya endla ntłhotlho namuntlha.

¹⁸² Nakona ku ta va ku ri mani loyi a nga ta ringeta ku vula leswaku a ri nga ri Rito ra Xikwembu leri nga hloholteriwa, loko Yena a rhange hi ku Ri vula lahawani, na ku ri rhumela ehandle eArizona na ku tlhela a Ri vuyisa, hambi ku ri sayense na hinkwaswo, na ku Ri khorwisa! Buku *leyi* khale yi pfuriwile, hi swona sweswo, ntsena ku rindzela Xilemo xa Vunkombo xi tivisiwa leswaku i ku Vuya ka Kreste.

¹⁸³ Hi swona, U le mavokweni ya n’wina. Mi ta fanela ku endla swin’wana ha Yena. Mi nga N’wi susi. Ina, nkulukumba. Eka xiyenge lexi, ndzi ta tsakela ku vula leswaku, “ku N’wi hundzisela eka un’wana.”

“Loko dinominexini ya mina yi nga Ri amukela, Makwerhu Branham, ndzi nga—ndzi nga Ri amukela. Kambe, ma swi vona, manana wa mina a nghena eka leyi kerek.” U hanyile eka nguva ya yena; yaloye a hi wena. Hi wena sweswi. Langutani leswaku a fanele ku huma kwihi, leswaku a va leswi a nga xiswona. N’wina ke? Hi swona.

¹⁸⁴ Langutani. Mi ri, “Manana wa mina a ri Mupertekostal. U endlile *swingere-ngere*. U ta a huma eka nhlangano.” Kambe ndzi le ku ringetenka ku vulavula na n’wina sweswi. N’wina ke? Wa vona?

Eka xigava lexi, hi kuma vo tala lava va nga dyondzeka. Sweswi, ndza swi tiva leswaku ndzi ya kandziya xikunwani xale makumu lahawani, kambe a ndzi swi endlili hi ku swi tsakela. Loko ndzi swi endlisa tano, kutani ndzi—ndzi fanela ku va ehansi eka altari, ndzi ri karhi ndzi hundzuka. Ndzi vula leswi hi rirhandzu ra vukwembu.

¹⁸⁵ Yesu, loko Yena a ta yima lahaya, na vona Vafarisi; a fanela ku vula leswaku, “Mi huma eka tata wa n’wina, javulosi; mi endla na mintirho ya yena.” Hambileswi a vitana ku rhula na tintswalo eka vona, exihambanweni, valava va nga N’wi vamba. Wa vona, A nga va hlundzukelanga. U te, “N’wina rixaka ra tinyoka.” Wa vona? Wa vona? Hinkwaswo, U va rhukanile eka hinkwaswo leswi A nga swi kota, wa vona, kutani a va khongelela exihambanweni. Wa vona? A ku nga ri Yena a lavaka ku swi endla sweswo; a swi nga ri swona sweswo, kambe a va fanela ku vona xibedo lexi a va ri eku xi endleni.

¹⁸⁶ Nakona ndza ha vula swo fana namuntha, eka xigava lexi xa “ku baja hi munhu un’wana,” kumbe swin’wana leswi hi swi vulaka evusocheni, “ku hundzisela dolara eka munhu un’wana.” Hi le ku ringetenka ku yi hundzisela emahlweni, kukotisa Adam na Evha va nga endla ha kona.

Evha u ringetile. Adam u te, “I wansati loyi U nga ndzi nyika yena,” nakona kwalaho a ku ri hava xilandzulo eka yena. Wa vona? Wansati a ku, “I nyoka yi nga ndzi kanganyisa. Wansati . . . Hi yona yi nga endla timhaka ta masangu na mina. Yi ndzi kanganyisile. U endlile *leswi*.” Sweswo a swi swi susanga, na kantsongo. Va yile emahlweni eka ku avanyisa, ntsena ku fana. Ina, nkulukumba. Hi swona.

¹⁸⁷ Va nga ka va nga swi hundzi, xin’we . . . U nga ka u nga vuli leswaku, “Loko dinominexini ya mina yi nga swi pfumela Leswi, na mina—mina ndzi nga swi pfumela. Kambe, a ndzi ri eka dinominexini leyi.” Sweswo a swi na leswi swi nga swi endlaka ha swona. Mayuda a ya ri na swo fana, swi tano nale ka n’wina.

¹⁸⁸ Nakona, xiyisisani, vo tala eka leswi, hi kuma vavanuna va ndzhavuko wa kahle eka xigava lexi. Sweswi yingiselani hi vurhonwani.

Wa vona, ndzhavuko, leswi hi swi vitanaka ndzhavuko namuntha, hileswi Sathana a nga swi humesela Evha, vutlharinyana byintsongo. A ku, “Mahlo ya wena a ma pfulekanga, leswaku u kota ku twisia hinkwaro ka Rona.” A tiva Rito, nakona sweswo a swi helerile. Wansati u vonile Xikwembu xi kombisa Rito lero, nakona sweswo a swi fanele swi vile kahle. A xi ri e ku n’wi hlayiseni eka Vutomi lebyi nga Heriki, ntsena loko a ha tsrama na Rito lero. Loko wansati a ta va a tshovile Rito lero, a ri na xitshembhiso xa Xikwembu xa leswaku u ta fa hi siku leri a nga ta Ri tshova. Nakona, loko a ta va a Ri tshovile, u file. Hi swo sweswo.

¹⁸⁹ Hi na Rito leri nga kombisiwa ra Xikwembu lahwani, ri kombisiwile, ri khorwisiwa hi Moya, leswaku Xi hi amukerile xi tlhela xi hi nyika Nkhuvulo wa Moya lowo Kwetsima. Hi khuvuleriwile eVitweni ra Yesu Kreste. Evhangeli yin’we, swikombiso swin’we, swihlamariso swin’we, ministri wun’we, hambi ku ri Langavi rin’we ra Ndzilo leri vonakaka emahlweni

ka hina, ri kombisa swikombiso na swihlamariso. Ku hava xilandzulo, kwihi na kwihi.

Nakona sweswo hileswi Bibele hakunene yi nga swi vula leswaku swi ta humelela emasikwini ya ku hetelela, na ku vitana ku suka eka Malakiya 4, “ku tlherisela Ripfumelo ra vana ri tlhelela endzhaku eka vatata wa vona nakambe.” Nakona endzhaku ka sweswo, vabihi va famba...kumbe lavo lulama va famba ehenhla ka nkuma wa vabihi; misava hinkwayo yi fanele ku pfurha. Nakona tiathomo tile ku nembeleleni halahaya, tibomo tile rhageni.

¹⁹⁰ Ma swi vona leswi Jarimani ri nga swi endla loko ntsena va ha ku kuma leswaku. Pres-...President u gevengiwile? Va hoxile vuthu ra vona hi xihatla, hikuva walovo hi wona nchumu wu ri woxe wu khomelalaka Russia eka ku boma kwalahaya. Nakona va bile... Kennedy ntsena u lo va rhumela rito, leswaku, hi nkarhi lowu va nga ta endla sweswo, hilaha a nga ta va kukula va suka emisaveni, kona ku suka ejarimani. Wa vona? Nakona a va ehleketa leswaku va ta ri teka, kambe nkarhi a wu nge se fika, wa vona. Wa vona?

¹⁹¹ Hi kuma votlhariha, swichumayeri leswi nga dyondzeka, vaevhangeli, va ringeta ku Ri hundzisela eka un'wana. Wa vona?

Hikokwalaho ka yini, hikokwalaho ka yini Pilato a nga vulanga leswaku, “Kunene, yimanyana minete, Wanuna loyi... nsati loyi u tile a ta ndzi byela, nakona ndzi twile vumbhoni byo tala bya Wena. Wa swi tiva, ndzi-ndzi na ku tsakela. Ndzi ta tsakela ku lavisia. Xana ndzi nga endla yini leswaku ndzi va na Vutomi lebyi nga Heriki, Nkulukumba? U le mavokweni ya mina. Xana ndzi nga endla yini?” Kunene, a nga ha ku—a nga ha ku... A ku, “Hi—hi Wena Mesiya xana? Hi—hi Wena e—e Hosi ya Mayuda xana?”

¹⁹² A ku, “Sweswo hileswi u nga swi vula wena. U swi vurile.”

“Kumbe, hi byeli, hi ntiyiso, hi Wena Hosi ya Mayuda xana?”

A ku, “Ndzi tswaleriwe eka makumu yalawa.”

A ku, “A ndzi kumi nandzu eka Yena.” Ahaa. “Kunene, ntsena ndzi ta N’wi hlamba a suka emavokweni ya mina.”

¹⁹³ U n’wi hlamarile, kambe a nga ta Ri amukela. Hikokwalaho ka yini? A swi ta yisa xiyimo xa yena ehansi. Swingaleswi u ehlekete leswaku a nga n’wi rhumela eka nkulukumba wa mfumo, kutani a vona leswaku u ta endla yini ha Rona. Wa vona?

¹⁹⁴ Swa ha fana na sweswi, mhaka yi tlhela yi humelela nakambe. Xana u ta endla yini ha Rona, Rito? Xana u ta fanelia ku endla yini, vutisa nkulukumba, kumbe mubishopo, kumbe un’wana, loko mi nga ncinka nhlohlotelwa n’wina wa nkhuvulo, loko mi nga endla *leswi*, kumbe mi endla *leswi*? Mi swi vona *tano*, nakona, “Hakunene, a wu tano.” U hundzisela

endzhaku eka wena. Loko u swi endla, u ta rahiwa u hlongoriwa. Wa vona?

¹⁹⁵ Ri ta yisa ehansi swiyimo swa vanhu. Ina, va—va ehleketa leswaku... Nakona huvo ya dinominexini yi nga ka yi nga yimi... Tani—tanihi Pilato a Ri hundziselaka eka Khezari; a va nga ta Ri yimela. Khezari u Ri tlheriserile emavokweni ya Pilato. Swingaleswi va ringeta ku N'wi hundzisela eka tinhloko ta vona—ta vona ta xidinominexini, nakona a swi nga ta tirha. Mano lawa a ya kalanga ya tirha, nakona ya nga ka ya nga tirhi. A ma n'wi tirhelanga Pilato; ma nga ka ma nga mi tirtheli na n'wina; ma nga ka ma nga tirtheli munhu un'wana na un'wana. Sweswi, xa vumbirhi, chumu lowu mi nga wu endlaka i ku...

¹⁹⁶ Xa vunharhu, swa antswa, i ku N'wi amukela kumbe ku N'wi ala. A mi nge swi koti ku N'wi hlamba a suka emavokweni ya n'wina. A mi nge swi koti ku N'wi hundzisela eka mafambiselio man'wana, kumbe eka swin'wana swa swin'wana. Mi ta fanele ku kongomana na mhaka. Swingaleswi mi nga endla yini?

Kukotisa Pilato, u yimile na leswi swi fanaka, a ku, "Ndzi nyikeni matinyana, ndzi ta Ri hlamba ri suka emavokweni ya mina, ku khorwisa!" Loko a ta va a tlhelerile endzhaku, hambiswiritano a ha fanele ku hundzisa xigwevo; a swi kalanga swi n'wi sivela. U ringetile ku vula leswaku, "Kunene, mina, loko ndzi nga N'wi susi emavokweni ya mina, ndzi ta N'wi vekela emavokweni ya Khezari." Nakona Ri tlhelerile endzhaku, endzhaku eka yena.

¹⁹⁷ Ra swi endla nale ka n'wina, na kona, tani ha un'we-un'we. Xana u ta endla yini? Ku nga ri leswi manana a nga swi endla, leswi papa a nga swi endla, leswi mufundhisi a nga swi endla, leswi Makwerhu Branham a swi endlaka, leswi nga endla hi un'wana; Ri le mavokweni ya *n'wina!* Xana mi ya endla yini ha Rona, hi Yesu loyi a vuriwaka Kreste? Hikuva, mi na Ngati emavokweni ya n'wina, nakona Yi Ngati ya Xikwembu. Sweswi mi ta ya mi ya endla yini? Ku va na nandzu wa ku vamba. Wa vona?

¹⁹⁸ Mi nga ha N'wi vamba, mi amukela dyondzo ya kereke ya n'wina kumbe leswi mi swi lavaka, kumbe mi ku, "Kunene, ntsena ndzi to hundzisa. A ndzi ngevi na nchumu xo xi tirha na maendlele ya kereke leyi." Mi nga ka mi nga swi endli sweswo. U le mavokweni ya n'wina. Hi swona sweswo. Mi nga ka mi nga swi endli. "Ntsena ndzi ta rivala nchumu hinkwawo." U nga ka u nga swi endli. Ra ha ri emavokweni ya n'wina. "Kunene, ntsena ndzi nga ku, 'Mufundhisi wa mina u ndzi dyondzise *leswi*.'" Ra tlhelela, endzhaku. Ri le ka n'wina. Ma swi tiva. Sweswi, mi nga ha N'wi amukela kumbe mi N'wi ala, ntsena hi ndlela leyi mi swi lavisaka ku swi endlisa xiswona. Yini? Ri fanele ku ta eka un'wana wa vona.

¹⁹⁹ Sweswi yini? Tanihi laha Yesu a nga vula eka Vafarisi lava, U te, “Tanihi laha mi nga Vafarisi va mabofu,” wa vona, I mani loyi a nga vulaka swo fana namuntlha, “n’wina vadyondzisi va mabofu va vukhongeri, mi kota ku vona nkarhi wa xikhomonisi. Mi le ku swi lweleni sweswo, na ku tiva leswaku Xikwembu xi pfuxile nchumu lowu wu fanaka ku ta mi herisa.” Wa vona, u nga ri ku ma tivani Matsalwa. Wa vona? “Mi, mi nga ha kota ku vona leswaku xikhomonisi xi ya eku tekeni ka misava. Mi nga ha swi vona sweswo. Mi nga ha swi vonisisa sweswo.”

²⁰⁰ Tidyondzo ta hina hinkwato ti le ka xikhomonisi. “Banani xikhomonisi xi huma!” Ndza swi twa ku fikela laha swi ndzi hlambisaka timbilu hi ku swi yingisela. Ndzi lwisana na swona, na mina. Hakunene, ndzi lwisana na swona. Kambe ndzi lwisana swinene na wanuna kumbe wansati loyi a alaka Yesu Kreste, a nga Rito. Kumbe, hambi u muchumayeri kumbe leswi mi nga va ka xiswona, mile ka xikweleti lexikulu eka Kreste ku tlula xikhomonisi xexo. A nga dyondzanga nakona a nga tivi nchumu ha Rona. Mi fanele ku swi tiva. Wa vona? U kota ku vonisisa nkarhi wa xikhomonisi, kambe a wu swi koti ku vonisisa xikombiso xa siku leri u hanyaka eka rona.

²⁰¹ Yesu u byerile Vafarisi, a ku, “N’wina vatiendlisi!” A ku, “Mi humela ehandle mi ya languta swibakabaka, kutani mi ku dyambu ri tshwukile naku xikela ehansi, mundzuku ku ta va na mapapa. Loko xibakabaka xi basile,” a ku, “mi ri mundzuku ku ta va na siku leri baseke.” A ku, “Mi kota ku vonisisa swikombiso swa nkarhi, kumbe swikombiso swa swibakabaka na maxelo, kambe swikombiso swa nkarhi a mi switivi.” Lahaya A ri kona, Mesiya, na ku Ri ala.

Nakona minkarhi hinkwayo hi vulavula hi vukhomonisi na ya n’wana ya maendlele ya lawa, kambe, xikombiso xa nkarhi, a hi Xi kumi. Wa vona? A hi swi langutisi sweswo, ha swi tlula sweswo. Hi hlangana kun’we kona sweswi eka kuka hi nga pfumeli, nakona va swi amukerile, kambe va hluleka ku swi twisisa na ku vona xikombiso xa nkarhi lexi Bibele yi nga te xi ta va tano.

Xana mi Ri kumile? [Nhlengeletano yi ku, “Amen.”—Muhleri.] Hi ta fanela ku pfala, hi ku hatlisa sweswi. Nkarhi wu fambile, wa vona.

²⁰² Tani hilaha vatata wa vona va swi endleke, na vona va swi endla, leswi fanaka namuntlha. Sweswi, xiboho xi fikeleriwile. Xi fanele ku fikeleriwa. Mi fanele ku xi fikelela, hi ndlela yin’wana. Wa vona? Ku vambiwa ka Rito nakambe, kumbe u ta ya u ya endla yini? Ku vambiwa ka Rito swi fikile. Ku vamba na ku yimisa Rito leri nga kombisiwa, hikokwalaho—hikokwalaho ka xidinominexini, tanihi laha Pilato a swi endleke, ku ringeta ku hundzisela un’wana emahlweni. Sweswi n’wina ke, tani ha

un'we, mi ta endla yini hi Rito leri totiweke leri vuriwaka Kreste?

Loyi a fanaka na tolo, Kreste yaluya a nga tota Rito emasikwini ya Nowa. Kreste yaluya, Nsinya wa luwa—wa luwa lowu a wu ri entangeni wa Eden; lowu Evha a nga wu siya, ku dya eka Nsinya lowu wa Vutomi, ku ya teka nsinya wa vutlhari; wanuna, wansati u siyile Nsinya wa Vutomi, ku ya teka nsinya wa rifu. Hi nkarhi wa Nowa ku endliwile swo fana. Hi masiku ya vaprofeta, va endlile swo fana. Hi masiku ya Kreste, va endlile swo fana.

Nakona hi lava va kona namunttha. Hikuva un'wana na un'wana u vulavula hi nkarhi wa yena, nakona, loko nchumu walowo wu ta va wu hetisisiwile, nkarhi wun'wana na wun'wana va teka swivangelo swa vona swa xidinominexini, na swin'wana, na vutlhari bya misava ematshan'wini ya Rito ra Kreste leri totiweke. Xana mi ta endla yini, tanahi un'we?

²⁰³ Pilato a nga swi kotanga ku N'wi susa emavokweni ya yena. Ndzi le—ndzi le ku pfaleni, swingaleswi miyelani hakunene xinkadyana. Pilato a nga swi kotanga ku N'wi susa emavokweni ya yena. Hambi ku ri n'wina, hi ndlela leyi a nga swi endlisa xiswona yena, hi ku ringeta xin'wana xa swikimi leswi. A nga kalanga a swi endla. Ma swi tiva leswi humeleleke eka Pilato? U lahlekeriwile hi miehleketo ya yena. Yi yile eka hinkwaswo leswi a nga kotaka ku twa leswaku a ku ri ku vambiwa. Hinkwaswo leswi a nga kota ku twa swona a ku ri ka ku pfukela matimba, laha eku heteleleni a nga hlangana nhloko.

²⁰⁴ Nakona va na endlelo ra vona eNorway, kumbe ku nga ri . . . Ndzi khomeleni. Ehenhla le Switzerland; laha, a ndzi ri kona kwalahaya, ndzi ri mumixinari. Va koxa leswaku magidi-gidi a ya hlengeletana kwalahaya, ku suka emisaveni hinkwayo, hi Good Friday; goji ra mati laha Pilato a nga ti sungela kona. U hetelerile a ti phyandlasile yena n'winyi a fa eka xidziva xa mati. Nakona va koxa leswaku Good Friday yin'wana na yin'wana, hi awara ya nharhu ni ndzhengha, mati ya ncinka ya va ya wasi, ya vila ku sukela laha ntsumbu wa Pilato a wu pavalarile kona. U Ri arile. Ka ha ri na Ngati emavokweni ya yena. Nakona wa tlherisa, u arile; mati.

A mi nge swi koti ku N'wi hlantswa a suka emavokweni ya n'wina. A ku na mati, ku hava na xisibi xo hlantswa, lexi xi nga Ri basisaka. U le mavokweni ya n'wina. Xana mi ta endla yini ha Yena xana?

²⁰⁵ Hi lowu nchumu wun'we ntsena lowu u nga wu endlaka. Loko u nga N'wi hlantswi a suka emavokweni ya wena; a wu nge swi koti ku N'wi hundzisela eka swin'wana; a wu nge swi koti ntsena ku N'wi hundzisela kun'wana hi salamus. Ku hava ndlela emisaveni. Nchumu lowu u nga wu endlaka ntsena i ku Ri amukela, embilwini ya wena. Yaleylo hi yona ndlela ya kukota

ku hambana na Yena. N'wi susi emavokweni ya wena u N'wi nghenisa embilwini ya wena, kumbe u N'wi tshika emavokweni ya wena kutani u yimela ku Avanyisiwa. Walowo i nchumu wu ri woxe lowu u nga wu endlaka.

Mahetelelo ya Pilato a ya ri lawa ya chavisaka.

²⁰⁶ Rito ri vula leswaku lava va N'wi hlayisaka emavokweni ya vona . . . A ndzi ya eku Ri hlayeni. Kambe Ri te, "Va rilele maribye na tintshava. Va khongerile, kambe swikhongelo swa vona a swi hlwerile." Wa vona? Va huwelerile va ku, "Hi fihle exikandzeni xa Yena loyi a tshameke eXiluvelweni, nale ka vukarhi bya Xinyimpfana, xexo i xa Xinuna, Vutomi bya Xinyimpfana lebyi byi nga ta. Hikuva, Siku lerikulu ra ku Avanyisa ri humelerile, nakona i mani a nga ta kota ku yima?"

²⁰⁷ Mi ehleketa leswaku Oswald u ta endla yini sweswi loko a ya emahlweni ka Khorho ya le Henhla, na ku vona mahlo lawa ya hlundzukeke ya e—e va ahluri na hinkwavo lava va nga tshama kwalahaya? Wa swi tiva leswi swi ya ka eku humeleleni. Swi nga endleka ku va kamara ya gasi, kumbe ntambhu leyi yi nga ta va yi nembelela kwalahaya, kumbe swin'wana. U ta fanela ku kongomana na swona.

²⁰⁸ Kambe ku nga humeleta yini loko u huma kwalahaya na Ngati emavokweni ya wena, ya ku alela? Na ku swi tiva leswaku tihelie tile mahlweni ka wena, ku heriseriwela Makumu; ku huwelela maribye na tintshava; kambe u khongerile, hikuva swikhongelo swi ta va swi nga ha tirhi.

Eka Vaheberu 10, "Ku ngaku loko hi dyoha hi vomu." *Vudyoho* i ku ka u "nga pfumeli." "Loko hi nga pfumeli hi vomu endzhaku ka loko hi amukerile Ntiyiso, ku tiva ka Ntiyiso." A wu fanelanga u Wu amukela; ntsena wo tiva ha Wona. A wu fanelanga u va na Wona, ntsena wo va . . . Oho, ee, ee. Wa vona? A yi vulanga yi ku, "endzhaku ka loko hi amukerile Ntiyiso."

. . . loko hi dyoha ha vomu endzhaku ka loko hi . . .
amukerile vutivi bya leswaku i ntiyiso, a ka ha ri na
mhamba yin'wana ya swidyoho,

Kambe ku . . . ni ku langutela loku chavisaka ka . . .
vukari lebyi pfurhaka, . . . byi ta hisa nala,

. . . Hikuva Xikwembu xi te, Ku rihisa i ka Mina, hi
mina ndzi nga ta tlherisela, ku vula—ku vula Hosi.

²⁰⁹ Loko hi nga Ri pfumeli, hi vomu, endzhaku ka loko Ntiyiso wu tisiwile eka hina, a ku nge he vi na tintswalo. Ka ha ri hava tintswalo tin'wana ti nga ta nyikiwa.

Mufundhisi, loyi a yingiselaka thepi leyi, yena ke? Xirho xa kereke, lexi yingiselaka thepi leyi, xona ke? Xana u ta endla yini, loko hi nga Ri pfumeli hi vomu? A wu nge swi koti ku Ri hlantswa ri suka emavokweni ya wena. A wu nge swi koti ku Ri hundzisela

entsindza. Ri ta tlhelela endzhaku, ri tlhelela eka wena. Mi Ri twile. N'wina ke? Mi ta ya mi ya yimisa ku yini hi Siku lero?

A nga ha va a ri emavokweni ya wena kumbe endzeni ka mbilu ya wena, xin'we xa swona. Xikwembu a xi hi pfuni.

²¹⁰ Loko-loko ntsena mi swi anakanya ku gevengiwa, nakona lowu wu nga boheka ku ya embilwini ya wanuna yaloye. Xana u endlile yini? U xalamuke nkarhi wu fambile, endzhaku ka loko a swi endlile.

Langutani, u vile na nkateko. U tswariwile a ri Muamerika loyi a ntshuxikeke. A ri Muamerika. Kambe u lavile ku xavisa timfanelo ta yena to tswariwa, leswaku a va Murussia, nakona swi tlhelerile eka yena. U tekile ntombhi ya Murussia. Sweswi hi yena muehleketi wa vandla ra xikhoununi ra Cuba.

Ku ehleketa loku ku tshuxikeke, "Ndzi endla ku ehleketa loku ku nga ka mina n'winyi." A ma ha ri na mianakanyo yin'wana yi taka. Xana u ta endla yini ha Yesu loyi a vuriwaka Kreste ke? A wa ha ri muehleketi loyi a nga ntshuxeka. A ka ha ri na ku ehleketa loku ku tshunxekeke. Mi nge mianakanyo leyi a yi ri endzeni ka Kreste yiva endzeni ka n'wina.

A hi khongeleni.

²¹¹ Ehleketani hi mianakanyo leyi, "Loko ku ri leswaku ku nga va na ku dzunisa kun'wana, loko ku nga va na ntamu, ehleketani ha leswi." Exikarhi ka hina mixo lowu, nale ka thepi leyi, nakambe, ndzi nga eku vulavuleni. Loko u ri kona kwala mixo lowu, nakona wa swi tiva leswaku a wu kahle na Xikwembu, nakona a wu tswariwanga hi Moya wa Xona, nakona Xikwembu xi na . . .

U ri, "Kunene, ndzi tivurile swidyoho" Sweswo a hileswi ndzi vulavulaka hi swona. Xana Xikwembu xi nga va xi swi amukerile? Mi nga ha ku, "Ina, mina, ndzi tivurile swidyoho, na swin'wana na swin'wana. Ina, ndza pfumela." Swive tano na hi Pilato, "Ndzi tivurile swidyoho, hakunene, 'Xana ndzi nga endla yini hi Munhu loyi wo lulama?'" A wu nge N'wi hlantswi a suka emavokweni ya wena tanahi sweswo. Ee, ee.

²¹² Xana a wu ta endla yini ha Yena? Loko hi leswaku a wu Mukreste loyi a nga tswariwa ra vumbirhi, hi Moya lowo Kwetsima wu hanyaka endzeni ka wena, wu nonisaka Vutomi bya wena, kutani hikokwalaho ka yini u nga Wu teki sweswi? A wu nge he swi hlambi Leswi swi suka emavokweni ya wena. A wu nge he pfuki u twe swo hetelela swa Hungu leri. Swi ta tshamelia ro twala ku fikela laha u tisaka Hungu embilwini ya wena, leswaku Yesu Kreste hi la fanaka tolo, namuntlha, na hi masiku.

²¹³ Eka vayingiseri lava va vonakaka mixo lowu, swi nga endleka ku ri na lava va swi tekelaka enhlokweni sweswo, leswaku va hoxile, nakona mi nga yimisa mavoko ya n'wina. Hi

hava ndhawu ya ku vitanel a ealtarini, ndhawu yi gandlanile. Kambe ntsena mi nge, "Ndzi khongeleti, Makwerhu Branham. Xikwembu a xi ndzi pfuni." Xikwembu a xi ku katekisi, ndza ri vona voko ra wena. "I, ndzi lava ku, sweswi. Kona kwala ndzi lava ku, emahlweni ka Xikwembu, Xona xa swi tiva leswaku ndzi na nandzu, nakona ndzi swi lemukile leswaku ndzi na nandzu. Ndzi—ndzi Xi lava xi suka emavokweni ya mina; ndzi Xi lava embilwini ya mina." Yimisani mavoko ya n'wina, mi ku, "Ndzi khongeleti, Makwerhu Branham." Hosi a yi ku katekisi. Ndzi vona, eka nhlayo leyi ya vanhu lava nga lahwani, kumbexani mune wa makume, makume ntlanu wa mavoko lava ya nga yimisiwa.

Wa vitana namuntlha,
Wa vitana namuntlha,

Ehleketani ha swona sweswi, yaloye hi Yena a vitanaka. Yesu u le ku vitaneni. Yaloye hi Yena a vulavulaka na n'wina.

²¹⁴ Xana u nga va u dyohile ku ya kule, ku fikela laha mbilu ya wena yi nga tsindziyela, ku fikela laha u nga ha swi koteku, u nga ha Ri twi hambi ku ri ku ri twa? Kan'we, tanahi xifanyetani lexintsongo kumbe xinhwenyetani, mi Ri twile. A mi ri na ku navela ka ku swi endla, kambe u Ri susile, nakona ntsena u tsindziyerile na ku tsindziyela eka ku tsemelela loku na ku kokiwa. Ri fambile ri le kule lero a wu nge he Ri twi nakambe? U nga va u yimile kun'wana . . . u nga va u . . . endhawini yo kotisa laha Oswald a nga yima kona mixo lowu, laha wena u ku tivaka? Aa! Xana u nga swi endlisa ku yini?

Ku nga ha va ku ri na un'wana hi nga se pfala nakona ndzi ta khongela? Ntsena kun'wana na kun'wana a muakwini, lava nga yimisangiki mavoko ya vona, va ku, "Makwerhu Branham, ku sukela loko u ta va u vurile marito yo hetelela, ndza—ndza swi twa sweswo." Un'wana na un'wana, ehandle, a tiphasejini, ku rhendzeleka hi mafesitere, hinkwako, a swi na mhaka. Ntsena . . .

²¹⁵ Xikwembu a xi ku katekisi, ntombhi. Xikwembu a xi ku katekisi, nkulukumba, wena. Ndzi ku kumile. U le . . . Xikwembu xi ku katekisa, manana. Un'wana nakambe? Xikwembu a xi ku katekisi, manana. Xikwembu a xi ku katekisi, lahwani. Nakona Xikwembu a xi ku katekisi lahaya, xifanyetani lexintsongo, xinhwenyetani lexintsongo. Ina, Hosi a yi ku katekisi. Endzhaku lahaya, nkulukumba. Ina.

Sweswi ntsena a hi ehlekteni ha swona sweswi. Ndzi mi lava mi endla leswi loko ha ha yimbelela leri hi ku olova, Yesu Wa Vitana. Sweswi ndzi mi lava ntsena mi ku, "Hosi, ndzi twele vusiwana, mina mudyohi, kumbe mutiendlisi. Ndzo va xirho xa kereke, Hosi, kambe ndza—ndza—ndza Ku lava. Ndza Ku lava. Ndzi pfuni! Ndzi ta—ndzi ta Ku tirhela. Ndza swi tshembhissa, kona sweswi. Ndzi yimisile voko ra mina, leswaku ndza Ku lava.

Sweswi Wena yimisa mbilu ya mina, leswaku ndzi ta kota ku Ku amukela, nakona ndzi ta Ku amukela u nghena embilwini ya mina.” Loko ha ha yimbelela ndzimana leyi nakambe, xana u nga swi endla xana?

Wa vitana namuntlha,
Wa vitana namuntlha,

²¹⁶ Sweswi khongelani hi ndlela ya n'wina vinyi. Khongelani sweswi. “Yesu wa vi- . . .” Yaloye hi Yena a vulavulaka. Hi xona xivangelo xa ku va mi yimisile mavoko.

. . . -kaka wa vitana namuntlha.

Yesu wa vitana, O yingisela Rito ra Yena;
N'wi yingise . . .

Kona sweswi, N'wi yingiseni. Mi nge, “Hosi, ndzi na nandzu. Ngati ya Wena yi le mavokweni ya mina. Ndzi mudyohi. A ndza ha Yi lavi kona lahayna nakambe. A ndzi nge swikoti ku Yi hlantswa yi suka; ndzi swi ringetile, malembe yo hlaya. A ndzi nge swi koti Ku ku jikisa ndzi ku yisa ekule tanihi Pilato a nga swi endla, na ku ringeta ku Ku rhumela eka un'wana. Ndza Ku lava. Nghena embilwini ya mina, kona sweswi, Hosi. Ndza Ku amukela. Ndza Ku vona u yimile emahlwenu ka mina, kukotisa xifaniso lexi xi nga yima lahayna; hi ripfumelo ndzi famba ndzi ta eka Wena, ndzi ri karhi ndzi swi tiva leswaku U ndzi rivalerile. Nakona ndzi . . . U ta va embilwini ya mina, ku sukela sweswi ku ya emahlwenu.”

. . . namuntlha, (un'wana na un'wana a
khongeli)

Yesu wa vitana,
Wa rhandzeka u le ku vitaneni namuntlha.

[Makwerhu Branham a sungula ku hama *Yesu Wa Vitana—Muhleri.*]

²¹⁷ Tatana wa le Matilweni, xihungwani xi herile. Kutani sweswi, swiboho, tikhorho ti lulamisiwile emixwени lowu. Tintsumi tihlengeletanile ekamareni. Moya lowo Kwetsima wa kahle wu kona lahwani wu ri karhi wu nyika minkombiso ya leswaku Yesu wa ha hanya. Hi Yena xihlovo xa Vutomi lebyi nga Heriki. Sirha a ri nga ta N'wi khoma, hambi ku ri tihele a ti nga ta N'wi hlaysia. U tlhandlukele ehenhla; a tintshuxa eka tihele, a tintshuxa eka sirha. Nakona U yimile exikarhi ka hina, namuntlha.

Nakona tidyondzo ta kereke ya hina na tidinominexini swi bohile vanhu vo tala va hina, Hosi. Vudyoho byi va bohile, kambe namuntlha va lava ku va lava va ntshuxekeke. Va yimile kukotisa Pilato, nakona, ematshan'wini yo N'wi hundzisela eka un'wana, va yimisile mavoko ya vona, “Tana embilwini ya mina, Hosi Yesu. A ndzi nge Ku hlantswi u suka eka mina u nga ha vi kona. Ndzi nga ka ndzi nga swi endli. Wa ha ri kona emavokweni ya mina.

Ntsena ndzi hlambile na ku hlamba, nakona a wu swi kotanga ku suka Wena, kambe sweswi ndza Ku amukela. Ndza Ku lava evuton'wini bya mina, nakona ndza Ku amukela evuton'wini bya mina. Hosi, ndzi amukela eMfun'weni wa Wena, hi ku rivaleriwa ka swidyocho swa mina, na ku va u ndzi nyika ripfumelo ro pfumela leswaku U ndzi amukelerile, Tatana." Hi nyike swona. Hi Vito ra Yesu Kreste, ha khongela.

²¹⁸ Kutani sweswi tanihi laha ma ha korhamiseke tinhloko ta hina. Ripfumelo, hi ripfumelo... "Nakona, Xikwembu, U ndzi pfuna ku va u ndzi tshembheka. Kambe hi ku tiva leswaku U tshembhisile leswaku..."

"Loyi a nga ta ta eka Mina, ku hava ndlela yin'wana ya ku va Ndzi n'wi hlongola. Nakona Ndzi ta n'wi nyika Vutomi lebyi nga Heriki, nakona Ndzi ta n'wi pfuxa hi masiku yo hetelela. Loyi a nga ta Ndzi vula emahlweni ka vanhu, na mina Ndzi ta n'wi vula emahlweni ka Tatana wa Mina na Tintsumi leto kwetsima. Loyi a yingisaka," bya ntiyiso, vutoloki bya ntiyiso bya Mukwetsimi Yohana 5:24 lahaya, i ku, "loyi a nga na ku twisia, loyi a amukeleke Rito ra Mina. Loyi a amukelaka Rito ra Mina, a pfumela eka Yena loyi a Ndzi rhumeke, u na Vutomi lebyi nga heriki, nakona a nga vitaniwi eka ku Avanyisa." U nga ka u ngati eka Xitshamo xo Avanyisa tanihi Oswald. "Kambe u hundzile," na ku rivaleriwa ka mahala, "ku suka eku feni ku ya eVuton'wini."

²¹⁹ "Hosi, a ndzi swi tivi leswaku njhani, a ndzi swi tivi leswaku hikokwalaho ka yini, kambe—kambe ndzi pfumela leswaku swi humelerile. Ndzi pfumela sweswo, embilwini ya mina, ku ka ndzi nga pfumeli ka mina ku fambil. Ndzi nga ha vula 'amen' ndzi ntshuxekile eka Rito rin'wana na rin'wana leri U ri vulaka, nakona ndza Ri amukela sweswi. Ndza ri pfumela."

²²⁰ Sweswi loko ma ha korhamisile tinhloko ta n'wina. N'wina lava mi swi pfumelaka sweswo, n'wina lava a mi yimisile mavoko ku nga ri khale; nakona hi ripfumelo mi vona xifaniso xa Kreste a yimile lahaya, laha mi fanelaka ku va kwalahaya. Mi le ku fambeni sweswi hi ripfumelo, ku pfumela leswaku swidyocho swa n'wina swi rivaleriwile. Nakona ku sukela eka siku leri ku ya emahlweni, mi ti lulamiserile nkhuvulo wa Xikreste, nakona mi lulamerile sweswi ku famba eka Kreste. Xana mi ta swi endla, tanihi vumbhoni eka Yena, tlheriselani hi ku yimisa mavoko, mi ku, "Hi ripfumelo ndza Ri pfumela hi mbilu ya mina hinkwayo"? Xikwembu a xi mi katekisi. Sweswo swi kahle. "Sweswi ndza Ri amukela. Ndza—ndza amukela; ku hava lexi ndzi nga xi endlaka." Xikwembu a xi ku katekisi. Swi tikomba ku ri un'wana na un'wana loyi ndzi n'wi vonaka. "Sweswi ndza amukela."

²²¹ Wa vona, a wu kahle, a wu se tshama u va kahle, a wu nge he pfuki u vile loyi a nga riki wa kahle, kambe Yesu u fele vanhu lava nga riki kahle. "Xana ndzi fanele ku endla yini, Makwerhu

Branham?" Ntsena amukelani leswi Yena a nga swi endla, ntsena amukelani leswi Yena a nga mi endlela swona. Nakona sweswi hi ku Ri pfumela na ku Ri amukela . . .

Sweswi, ndza pfumela, mufundhisi, xidziva xi ta pfuriwa. [Makwerhu Neville a ku, "Ina."—Muhleri.] Nkhuvulo wu ta va eka ntshamiseko, loko mi lava ku khuvuriwa.

Loko mi tekile swiyimela-vito swa, "Tatana, N'wana, Moya lowo Kwetsima," hi ntayiso a mi . . . Ndzi vula leswi hi xichavo na ku xixima, kambe, hi ndlela ya mina yo swi vona, a wu khuvuriwanga. A wu tano, hikuva a wu endlanga leswi Yena a nga swi vula.

²²² U te, "Mi va khuvula hi Vito ra Tatana, N'wana, na Moya lowo Kwetsima." Loko u vile na swona swiyimela-vito leswi swi huweleriwa ehenhla ka wena; A nga kalanga a ku, "Fambani mi ya vitana *swiyimela-vito* leswi; ku ri famba u ya vitana *mavito* lawa." A swi kalanga swi endliya a Bibeleni. A wu kalanga wu endliya hi ndlela yaleyo. A wu ku, khuvulani hi ndlela leyi Yesu a nge te, "Hi Vito ra Tatana, N'wana, na Moya lowo Kwetsima," laha ku nga Yesu Kreste.

²²³ Petro, na swikhiya, u vurile swo fana; muapostola un'wana na un'wana, Kereke hinkwayo; kukondza Huvo ya Nicaea ya khale loko kereke ya Khatholiki ya Rhoma yi ta va yi tikondleterile, yi amukela swiyimela-vito emantshan'wini ya Vito. Swi nga ha endleka u khuvuleriwile eka milawu ya kereke ya Xirhomya ya dinominexini, kumbe u khuvuriwile eka Vito ra Yesu Kreste, xin'we kumbe lexin'wana. Ri le mavokweni ya wena; a wu nge swi koti ku Ri hlamba ri suka. Ri kona.

U Ri amukerile sweswi. Ndzi ta ku vutisa, tanahi loko—tanihi loko muchayi wa ogene na piyano va ha hundzulukela eka risimu ra ndhumra ra khale.

Ripfumelo ra mina ri languta ehenhla eka
Wena,
Wena Xinyimpfana xa Khalivhari,
Vukwembu bya Muponisi;
Sweswi ndzi yingisi loko ndza ha khongela,
Nakona susela ekule nandzu wa mina
hinkwawo,
Nakona u ndzi pfumelela ku suka namuntlha
Ndzi va wa Wena hi ku hetiseka!

²²⁴ Ku nga humi munhu emuakwini. Ntsena hi ku xixima yimani sweswi, nakona ntsena a hi N'wi yimiseleni mavoko sweswi.

Ripfumelo ra mina ri languta ehenhla eka
Wena, (nakona hi Yena Rito)
Wena Xinyimpfana xa Khalivhari,

Vukwembu bya Muponisi;
 Sweswi ndzi yingise loko ndza ha khongela,
 Susela ekule xidyoho xa mina hinkwaxo,
 O ndzi pfumeleli ku sukela namuntlha
 Ndzi va loyi a hetisekeke . . . (ku hetiseka na ku
 helela, wa Wena! Sweswi ndzi nyikela vutomi
 bya mina.)

²²⁵ Mati ya ta va ya lunghekile hi timinetse tintsongo. Loko u nga khuvuriwi sweswi, hi ta tlhela hi khuvula vusiku bya namunthla.

Ehleketa ha swona, ndzhengha hinkwawo, “Emavokweni ya wena.” Ri susi. Ndlela yin’we ntsena leyi mi nga yi endlaka, i ku, hlantswiwa eNgatini ya Yesu Kreste, Loyi a nga . . . Wa vona? Ina, nkulukumba. Swi tsundzuki sweswi tanahi laha ha ha korhamisaka tinhloko ta hina. Langutani eka Yena sweswi.

Loko munyama wa tindlela ta vutomi wa ha . . .

²²⁶ Xiboho xi le mbilwini ya wena sweswi. U le ku tengeni. Rito ri lulamele ku vambiwa. Kreste u le ku tengeni. Xana u ta endla yini ha Yesu loyi a vuriwaka Kreste ke?

A ku ve Wena Muleteri wa mina;
 Ncinka munyama wu va siku,
 Hlangula maxangu, mihloti ekule,
 U nga ndzi pfumeleli ndzi pepetseka
 Ku suka eka tlhelo ra Wena.

Sweswi loko ha ha korhamisa timbilu ta hina eka xona. [Makwerhu Branhamb a sungula ku hama *Ripfumelo Ra Mina Ri Langutisa Ehenhla Eka Wena*—Muhleri.]

²²⁷ Ehleketa hi vuenti, vanghana. Swi nga endleka vito ra wena ri ri ro hetelela ku ya eBukwini. Hi le nkahrini wa makumu. Sweswi ehleketa hi vuenti swinene. U tano, ku nga va ku ri na un’wana lahwani loyi a nga N’wi yisa ekule?

²²⁸ Tsundzukani, swi nga endleka swi nga ha ti nakambe. Pilato a nga vanga na xinkadyana xin’wana. U ringetile hi matimba leswaku a kumeka a ponisiwa, nakona a nga swi kotanga. A ri ri emavokweni ya yena. Nakona u nga endla yini hi Rito leri totiweke ra siku leri, leri vuriwaka Kreste xana?



*XANA NDZI TA ENDLA YINI HI YESU
LA VURIWAKA KRESTE-KE?* TSO63-1124M
(What Shall I Do With Jesus Called Christ?)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni mixo, Hukuri 24, 1963, eTabernakeleni ya Branham eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

XITSONGA

©2019 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org